

Риза Юсуф
Riza Yusuf

Ана къалъби



Ана qalbi

И. Гаспринский адына Медиамеркез
İ. Gasprinskiy adına Mediamerkez
2019

УДК 821(=512.19)
ББК 84(Крмтат)
Ю 91

*Одобрено Консультативным советом по изданию литературы
на родных языках. Выпущено при поддержке Государственного комитета
по делам межнациональных отношений и депортированных
граждан РК за счёт средств бюджета Республики Крым*

Ю 91 Юсуф Р.

Душа матери. – Симферополь: ГАУ РК «Медиацентр им.
И. Гаспринского», 2019. – 208 с. : фото.

ISBN 978-5-906959-87-4

Книгу «Душа матери» автор посвящает своей и тысячам других матерей, которые при-
вили своим детям любовь к родному Крыму, но им самим, к сожалению, не суждено было
вернуться на Родину.

УДК 821(=512.19)
ББК 84(Крмтат)

Ю 91 Юсуф Р.

Ана къальби. – Симферополь: КъДЖДмм «И. Гаспринский
адына Медиамеркез», 2019. – 208 с. : рес.

ISBN 978-5-906959-87-4

«Ана къальби» китабыны Амиде анама ве оña ошаған биñлер аналарға бағыш-
лайым. Чюнки аналар озь эвлятларына Ватан севгисини ашлады, лякин озьлерине исе
Ватанға къайтмаға къысмет олмағанына языкъ.

УДК 821(=512.19)
ББК 84(Крмтат)

Yusuf R.

Yü 91 Ana qalbi. Simferopol: QCDmm «İ. Gasprinskiy adına
Mediamerkez», 2019. – 208 s. : res.

ISBN 978-5-906959-87-4

«Ana qalbi» kitabını Amide anama ve oña oşāğan biñler analarğa bağışlayım. Çünki
analar öz evlâtlarına Vatan sevgisini aşladı, lâkin özlerine ise Vatanğa qaytmağa qısmet
olmağanına yazıq.

UDK 821(=512.19)
BBK 84(Krmtat)

ISBN 978-5-906959-87-4

© Юсуф Р., 2019

© ГАУ РК «Медиацентр им. И. Гаспринского», 2019

*Анам Юсуфова Амиденинъ
айдын хатырасына багъышлайым*

*Anam Yusufova Amideniñ
aydın hatırasına bağışlayım*



Менин кысметим

Эр бир инсан бу дюнъягъа озъ кысметинен догъар. Эм де кимсе кимсенинъ кысметини чекип аламаз. Инсан такъдирининъ айланчыкъ къарсанбалы, къара ве безъ ёлларында озъ кысметинен адымлар...

Иште, манъа ер юзюнде дженнет деп адландырылгъан Къырымда 28 июльде 1939 сенеси Ильяс огълу Юсуфнынъ айлесинде догъмакъ, эджель пускюрген дженкни коръмек, беш яшында олгъанымда саткъынлар сыфатында узакъ Озбекистангъа сюргюн этильмек, сюргюнлюктеки агъыр яшайышны коръмек, окъумакъ, эвленмек, бала-чагъалы олмакъ, ве кене Къырымгъа къайтып кельмек, Акъмесджитте намлы инсанларымызнен бирликте миллий театримизни гъайрыдан тиклемек, къайтувнынъ бутюн агъырлыкъларыны – яхшы ве яман кунълерини яшап кечирмек кысмет олды.

Анамнынъ ады Амиде. Анамларнынъ къорантасында докъуз бала олгъан, къартанам ве къартбабамыз пек эрте вефат эткенлер. Аиленинъ энъ буюги – Фахри дайым – оларгъа бабалыкъ япкъан. Къыз ве огълан къардашлар кемалына еткенлеринде оларгъа тойлар япып эвлендирген.

Мен къорантамызда учюнджи бала эдим. Менден сонъ огълан къардашым догъды. Къорантамызда биз учъ огълан ве бир къыз эдик.

1941 сенеси дженк башлангъанда бабам ордугъа алынды. Бабам дженктен шай да къайтып кельмеди.

Дженк вакътында Айланма коюнде яшагъан Зоре тизем, Аллах рахмет эйлесин, эвлери янгъан сонъ, дёрт баласыны алып, Бий-Элиге бизге келип 1944 сенесинедже бир кирамет астында бизнен яшап башлады.

1944 сенеси майыс он секизде эки ана иле секиз бала бутюн халкънен берабер озъ тувгъан Ватанындан сюргюн этильди. Бизни Озбекистаннынъ Коканд районуна алып кельдилер. Эшек арабаларына юклеп койге алып кельдилер. Койде памукъ тарласында, арангъа кетирип ташладылар.

Menim qismetim

Er bir insan bu dünyağa öz qismetinen doğar. Em de kimse kimseniñ qismetini çekip alamaz. İnsan taqdirinin aylançıq qarsanbalı, qara ve beyaz yollarında öz qismetinen adımlar...

İşte, maña yer yüzünde cennet dep adlandırılğan Qırımда 28 iyülde 1939 senesi İlyas oğlu Yusufniñ aylesinde doğmaq, ecel püskürgen cenkni körmek, beş yaşında olğanımda satqınlar sıfatında uzaq Özbekistanğa sürgün etilmek, sürgünlükteki ağır yaşayışını körmek, oqumaq, evlenmek, bala-çağalı olmaq, ve kene Qırımğa qayıp kelmek, Aqmescitte namlı insanlarımıznen birlikte milliy teatrimizni ğayrıdan tiklemek, qaytuvniñ bütün ağırlıqlarını – yahşı ve yaman künlerini yaşap keçirmek qismet oldı.

Anamnıñ adı Amide. Anamların qorantasında doquz bala olğan, qartanam ve qartbabamız pek erte vefat etkenler. Ailenin eñ büyügi – Fahri dayım – olarğa babalıq yapqan. Qız ve oğlan qardaşlar kemalına yetkenlerinde olarğa toylar yapıp evlendirden.

Men qorantamızda üçünci bala edim. Menden soñ oğlan qardaşım doğdı. Qorantamızda biz üç oğlan ve bir qız edik.

1941 senesi cenk başlanğanda babam orduğa alındı. Babam cenkten şay da qayıp kelmedi.

Cenk vaqtında Aylanma köyünde yaşağan Zore tizem, Allah rahmet eylesin, evleri yanğan soñ, dört balasını alıp, Biy-Elige bizge kelip 1944 senesinece bir kiramet astında biznen yaşap başladı.

1944 senesi mayıs on sekizde eki ana ile sekiz bala bütün halqnen beraber öz tuvğan Vatanından sürgün etildi. Bizni Özbekistannın Kokand rayonına alıp keldiler. Eşek arabalarına yüklöp köyge alıp keldiler. Köyde pamuq tarlasında, aranğa ketirip taşladılar.

1947 senesi Ediye tizem bizni Kokandqa köçürüp ketirdi. 1948 senesi Ablâmit eniştem lagerden qayıp keldi ve qorantasına qavuştı. Anam ve men Kokanddaki Qıyalı-say maallesinde bir odanı kiraga tutup, ayrı yaşap başladıq. Anam çalışqan fabrikada o yılları er bir işçiğe 400 gramm qara ötmek bere ediler. Anamnen ekimiz babamni çoq bekledik. Ondan bir haber alıp olamadıq.

1947 сенеси Эдие тизем бизни Кокандкѡа кочюрѡп кетирди. 1948 сенеси Аблямит энѡиштем лагерѡден кѡайтып кельди ве кѡорантасына кѡавушты. Анам ве мен Коканддаки Кѡыялы-сай мааллесинде бир оданы кѡрага тутып, айры яшап башладыкѡ. Анам чалышкѡан фабрикада о йыллары эр бир ишчиге 400 грамм кѡара отѡмек бере эдилер. Анамнен экимиз бабамны чокѡ бекледик. Ондан бир хабер алып оламадыкѡ.

Дженктен, эсирликтен, ГУЛАГлардан кѡайтып кельгенлер чокѡ олды. Рахметли бабам кѡайтмады.

1950 сенесининѡ сентябрь айында анама арбий комиссариаттан кѡара хабер кетирдилер. Бабам 1944 сенеси март 23-те эляк олѡган. Украинанынѡ Хмельницк виляетиндеки Чемеровцы кѡасабасы янында кѡардашлар мезарлыгына дефн этильген.

Языкѡлар олсун ки, бабамны ич де хатырлап оламайым, бир фоторесими де ѡкѡ. Оны таныгѡанлар, бильгенлер «Бабанѡ пек яхшы адам эди» деп айта эдилер.

Бешинджи сыныфта окѡугѡанымда пионерлер эвине кѡатнадым, анда рус чалгыы алетлери оркестринде домра ве мандалина чалмагѡа огрендим. Шу йыллары Коканддаки 1-нджи музыка мектебинде окѡудым.

1957 сенеси Ташкентке кеттим, анда Хамза адынѡаки музыка окѡув журтуна окѡумагѡа кирдим. Оны битирген сонѡ Ташкент девлет консерваториясында окѡудым. Эмек фаалиетим студентлик девримде, 1957 сенеси, башланды.

1964 сенеси эвендим. Омюр аркѡадашым Мунире Юсуфова (кѡызлыкѡ сойады Османова) Бекабадтан эди. Тувгѡан ери исе Кѡырымнынѡ Ленин районы, Ташлы-Яр кою.

1965 сенеси Ташкент девлет филармониясында чалгыыджы олып чалыштым ве шу сененинѡ июнь айында Русиеге гастрольге кеттик. Уч ай ичинде Русиенинѡ элли беш шеэринде концертлер бердик.

Консерваторияны 1966 сенеси битирдим.

Консерваторияны битирген сонѡ Озѡбекистан Медениет назирлиги мени Андижан виляетине ишке ѡллады. 1966 сенеси апрель 26-да Ташкентте зельзеле олгѡаны себебинден кѡрагѡа бир эв тапыламады, Ташкентте чалышмагѡа имкян олмады. Андижангѡа кетмеге междѡур олдым.

Cenkten, esirlikten, GULAGlardan qayıtıp kelgenler çox oldu. Rahmetli babam qaytmadı.

1950 senesiniñ sentâbr ayında anama arbiy komissariattan qara haber ketirdiler. Babam 1944 senesi mart 23-te elâk olğan. Ukrainanıñ Hmel'nitsk vilâyetindeki Çemerovtsı qasabası yanında qardaşlar mezarlığına defin etilgen.

Yazıqlar olsun ki, babamı iç de hatırlap olamayım, bir fotoresimi de yoq. Onı tanığanlar, bilgenler «Babañ pek yahşı adam edi» dep ayta ediler.

Beşinci sınıfta oquğanımda pionerler evine qatnadım, anda rus çalğı aletleri orkestrinde domra ve mandalina çalmağa öğrendim. Şu yılları Kokanddaki 1-nci muzıka mektebinde oqudım.

1957 senesi Taşkentke kettim, anda Hamza adındaki muzıka oquv yurtuna oqumağa kirdim. Onı bitirgen soñ Taşkent devlet konservatoriyasında oqudım. Emek faaliyetim studentlik devrimde, 1957 senesi, başladı.

1964 senesi evlendim. Ömür arqadaşım Münire Yusufova (qızlıq soyadı Osmanova) Bekabadtan edi. Tuvğan yeri ise Qırımniñ Lenin rayonu, Taşlı-Yar köyü.

1965 senesi Taşkent devlet fılarmoniyasında çalğıcı olıp çalıştım ve şu seneniñ iyun ayında Rusiyege gastrolge kettik. Uç ay içinde Rusiyeñiñ elli beş şeerinde kontsertler berdik.

Konservatoriyanı 1966 senesi bitirdim.

Konservatoriyanı bitirgen soñ Özbekistan Medeniyet nazirligi meni Andijan vilâyetine işke yolladı. 1966 senesi aprel 26-da Taşkentte zelzele olğanı sebebinden kirağa bir ev tapılamadı, Taşkentte çalışmağa imkân olmadı. Andijança ketmege mecbur oldım.

Andijandaki Ahunbabayev adına muzıkalı drama ve komediâ teatrinde nevbetçi dirijör olıp çalıştım. 1979 senesi meni teatrniñ baş dirijörü vazifesine tayinlediler.

Nebbetçi ve baş dirijör vazifesinde yigirmi dört yıl çalıştım ve o devir içinde elliden ziyade muzıkalı spektaklni sahnalaştırdım, olarğa dirijörlıq yaptım. Dirijör olaraq, teatrd e dört spektaklge muzıka yazdım.

Bundan da ğayrı, yigirmiden ziyade yır ve oyun muzıkası yazdım. Fortepiano ve orkestr için bir poema yazdım. Bulğaristan, Sofiya (1969 s.), Varna (1981 s.) ve Yambolda (1986 s.) keçken folklor festivallerinde iştirak

Андижандаки Ахунбабаев адына музыкалы драма ве комедия театринде невбетчи дирижёр олып чалыштым. 1979 сенеси мени театрининъ баш дирижёры вазифесине тайинледилер.

Невбетчи ве баш дирижёр вазифесинде йигирми дёрт йыл чалыштым ве о девир ичинде эллиден зияде музыкалы спектакльни сахналаштырдым, оларгъа дирижёрлыкъ яптым. Дирижёр олакъ, театре дёрт спектакльге музыка яздым.

Бундан да гъайры, йигирмиден зияде йыр ве оюн музыкасы яздым. Фортепьяно ве оркестр ичюн бир поэма яздым. Булгъаристан, София (1969 с.), Варна (1981 с.) ве Ямболда (1986 с.) кечкен фольклор фестиваллеринде иштирак этим. Андижан театрининъ труппасынен Озбекистан, Таджикистан, Къыргызстан джумхуриетлери бойлап гастроллерде олдым.

Не япаджакъсынъ, иште, къысметим, такъдирим ойле экен. Иджадий омрюмнинъ эсас къысмы гъурбетликте кечти, эсас къуветим озбек театр ве музыка санатына сарф олунды.

«Сабырнынъ тюбю сары алтын» деген къартбабайлар. Девир кельди, ёллар ачылды ве баба-деде юртуна къавушмакъ къысмет олды.

Мен сюрдюнюктен Къырымгъа 1990 сенеси къайтып кельдим.

Шу сенеси Къырымда, Акъмесджитте гъайрыдан тикленильген Къырымтатар музыкалы драма театрининъ бедий рехбери Ильяс Бахшыш мектюп ёллап, мени театрге ишке давет этти. Мени театрининъ баш дирижёры вазифесине тайинледилер. Ильки ишим – Элтониннинъ «Насреддин оджа» спектакли олды (бестеджи И. Бахшыш).

Сонъра Ю. Болатнынъ «Дубаралы той» (муз. Э. Налбандовнынъ, реж. Э. Намазов), «Адынъ чыкъкъандже джанынъ чыкъсынъ» (инсц. ве муз. И. Бахшыш, реж. Р. Бекташев), «Алим» (инсц. Р. Бекташевнинъ, муз. Дж. Кариковнынъ), «Гузель Къырым» ве «Раатлыкъ акъшамы» концерт программаларынъ муэллифи ве дирижёри мен, Риза Юсуф, эдим.

Юкъарыда айтылгъан программаларнен бутюн Къырымны бойлап гастроллерде олдыкъ, Краснодар улькесинде къырымтатарлар топлу яшагъан шеэр ве къасабаларда чыкъышта булундыкъ.

Запорожье, Мелитополь ве дигер бир чокъ шеэр ве къасабада озь санатымызны нумайыш эттик.

etim. Andijan teatriniň truppasinen Özbekistan, Tacikistan, Qırğızstan cumhuriyetleri boylap gastrollerde oldım.

Ne yapacaqsıň, işte, qısmetim, taqdirim öyle eken. İcadiy ömrümniň esas qısmı ğurbetlikte keçti, esas quvetim özbek teatr ve muzıka sanatına sarf olundu.

«Sabırniň tübü sarı altın» degen qartbabaylar. Devir keldi, yollar açıldı ve baba-dede yurtuna qavuşmaq qısmet oldı.

Men sürgünlükten Qırımğa 1990 senesi qayıtp keldim.

Şu senesi Qırımda, Aqmescitte ğayrıdan tiklenilgen Qırımtatar muzıkalı drama teatriniň bediy rehberi İlyas Bahşış mektüp yollap, meni teatrge işke davet etti. Meni teatrniň baş dirijörü vazifesine tayinlediler. İlki işim – Eltoninniň «Nasreddin oca» spektakli oldı (besteci İ. Bahşış).

Soňra Yu. Bolatniň «Dubaralı toy» (muz. E. Nalbandovniň, rej. E. Namazov), «Adıň çıqqance canıň çıqsıň» (insts. ve muz. İ. Bahşış, rej. R. Bektaşev), «Alım» (insts. R. Bektaşevniň, muz. C. Karikovniň), «Güzel Qırım» ve «Raatlıq aqşamı» kontsert programmalarıň müellifi ve dirijörü men, Riza Yusuf, edim.

Yuqarıda aytilğan programmalarlarnen bütün Qırımnı boylap gastrollerde oldıq, Krasnodar ülkesinde qırımtatarlar toplu yaşağan şeer ve qasabalarda çıqışta bulundıq.

Zaporjye, Melitopol ve diger bir çoq şeer ve qasabada öz sanatımıznı numayış ettik.

Bu yerde bir şeyni aytıp keçmek keregim. Seyirciler bizim spektakllerni, kontsert programmalarımıznı ğayet samimiy, quvanç közyaşlarinen qarşılای ediler. Olar sahnağa köterilip, artistlerni quçaqlap: «Cemaat, biz elli yıldan soň kene öz yurtumuzda, öz ana tilimizde spektakl kördik», dep bizlerge büyük icadiy muvafaqiyetler tilep qala ediler.

Özbekistanda yaşağanımda bu künlerni tüşümde köre edim. Allağa çoq şükür, meni şu künlerge yetkizdi, şu künlerni kösterdi.

Anam Vatanğa qayıtuv quvançını körälmadı, Qırımnı candan ziyade sevgen anaçığım ğurbetlikte, Andijanda 1991 senesiniň dekabrniň on birinde vefat etti.

Ailemni Qırımğa 1992 senesi köçürip ketirdim ve 1995 senesinece yataqhanede yaşadıq. 1995 senesi teatrden kettim.

Men şair degilim. Lâkin 1992 senesinden şiir yazmağa başladım.

Birinci yazğan şiirim – «Ana qalbi».

Бу ерде бир шейни айтып кечмек керегим. Сейирджилер бизим спектаклларни, концерт программаларымызны гъает самимий, къуванч козьашларынен къаршылай эдилер. Олар сахнагъа коте-рилип, артистлерни къучакълап: «Джемаат, биз элли йылдан сонъ кене озъ юртумызда, озъ ана тилимизде спектакль коръдик», деп бизлерге буюк иджадий мувафакъиетлер тилеп къала эдилер.

Озбекистанда яшагъанымда бу кунълерни тюшюмде коре эдим. Аллагъа чокъ шукюр, мени шу кунълерге еткизди, шу кунълерни косътерди.

Анам Ватангъа къайтув къуванчыны коралмады, Къырымны джандан зияде севген аначыгъым гъурбетликте, Андижанда 1991 сенесининъ декабрьнинъ он биринде вефат этти.

Аилемни Къырымгъа 1992 сенеси кочюрип кетирдим ве 1995 сенесинедже ятакъханеде яшадыкъ. 1995 сенеси театрден кеттим.

Мен шаир дегилим. Лякин 1992 сенесинден шиир язмагъа башладым.

Биринджи язгъан шиирим – «Ана къальби».

Бу шиирни эки саат ичинде язып анама багъышладым ве о йыллардан башлап сахналарда окъуп келем. Бу ширим 1993 сенеси Анкъарада чыкъкъан «Эмель» меджмуасында да дердж олунды.

Бизлер энди коралмамыз
Асрет олгъан Ватанны.
Языкъл олсун, омюр кечти,
Беклей, беклей о кунни...

«Ана къальби».

Сонъра язылгъан шиирим – «Гъурбетликте бала эдим».

Гъурбетликте бала эдим,
Бильмей осьтим кимлигим.
Акълым тапып, сонъра бильдим
Ким олгъаным, кимлигим.

«Гъурбетликте бала эдим».

1994 сенеси «Майыс айынынъ он секизи» деген шииримни яздым.



Bu şiirni eki saat içinde yazıp anama bağışladım ve o yıllardan başlap sahnalarda oqup kelem. Bu şiirim 1993 senesi Anqarada çıqqan «Emel» mecmuasında da derc olundu.

Bizler endi köralmamız
Asret olğan Vatannı.
Yazıq olsun, ömür keçti,
Bekley, bekley o künni...

«Ana qalbi».

Soñra yazılğan şiirim – «Ğurbetlikte bala edim».

Ğurbetlikte bala edim,
Bilmey östim kimligim.
Aqlım tapıp, soñra bildim
Kim olğanım, kimligim.

«Ğurbetlikte bala edim».

1994 senesi «Mayıs ayınıñ on sekizi» degen şiirimni yazdım.

Halqımıznıñ öz vatanından sürgün etilgenine elli yıl toluvi munasebetinen yazılğan bu şiirimni şu yılı mayıs 18-de Aqmescitte matem mitinginde oqudım.

Sürgünlik – er bir qırımtatar qorantasınıñ başına kelgen büyük faciadır.

Mayıs ayınıñ on sekizi
Qara kündir biz içün.
Elli yılğa toldı çoqtan
Tarih olsun halq içün.

«Mayıs ayınıñ on sekizi».

Men şiirler yazmadan evel bir sıra klassik şairlerimizniñ icadını öğrendim, begengen şiirlerni ezberlep, sahnağa alıp çıqtım.

Meselâ, Amdi Giraybaynıñ «Ey, horlangan, qul etilgen, yaş tatarlar», «Ant etkenmen...aytaman», Bekir Çoban-zadeniñ

Халкымызнынъ озь ватанындан сюрюн этильгенине элли йыл толуву мунасебетинен язылган бу шиirimни шу йылы майыс 18-де Акъмесджитте матем митингинде окъудым.

Сюрюнлик – эр бир кырымтатар къорантасынынъ башына кельген буюк фаджадыр.

Майыс айынынъ он секизи
Къара куньдир биз ичюн.
Элли йылгъа толды чокътан
Тарих олсун халкъ ичюн.

«Майыс айынынъ он секизи».

Мен шиирлер язмадан эвель бир сыра классик шаирлеримизнинъ иджадыны огрендим, бегенген шиирлерни эзберлеп, сахнагъа алып чыктым.

Месея, Амди Гирайбайнынъ «Эй, хорланган, кзул этильген, яш татарлар», «Ант эткенмен...айтаман», Бекир Чобан-заденинъ 100 йыллыгына багъышланган акъшамда «Бир изин беринъиз», «Джаныкъ къавал», «Тувган тиль» шиирлерини сахнада окъудым.

1997 сенеси Романияда языджылар ве шаирлернинъ корюшювинде иштирак этим.

Анда Мемет Ниязийнинъ «Татар бармы, деп ким сорай?» деген шиирини ве озюм язган, добруджалы ватандашларымызгъа багъышланган «Сизге селям кетирдим мен» деген шиirimни окъудым.

1998 сенеси декабрь айында «Къырым» фольклор ансамблинен Тюркиеге гастрольге кеттим. Тюркиенинъ ондан зияде буюк шеэрлеринде чыкышта булундым.

Миннетдар тюрк сейирджилерининъ эльчырпмалары але даа къулагъымда. Тюркие Джумхуриетининъ 75 йыллыгына багъышланган бу гастрольде Анкъара, Истанбул, Конья, Къырыккъале, Сюнгюрлю ве дигер шеэрлеринде концертлер бердик.

Романиягъа кельгенимизде Костендже ве Мангъалия шеэрлеринде концерт бердик. Бу концертлерден сонъ юреклеримиз къуванчкъа, гъурургъа толып, тувган юртумыз Къырымгъа къайтып кельдик.



100 yılığına bağışlanmış aqşamda «Bir izin beriñiz», «Canıq qaval», «Tuvğan til» şiirlerini sahnada oqudım.

1997 senesi Romaniyada yazıcılar ve şairlerniñ körüşüvinde iştirak etim.

Anda Memet Niyaziyniñ «Tatar barmı, dep kim soray?» degen şiirini ve özüm yazğan, dobrucalı vatandaşlarımızğa bağışlanmış «Sizge selâm ketirdim men» degen şiirimni oqudım.

1998 senesi dekabr ayında «Qırım» folklor ansamblinen Türkiyege gastrolge kettim. Türkiyeñiñ ondan ziyade büyük şeerlerinde çıqışta bulundım.

Minnetdar türk seyircileriniñ elçirpmaları ale daa qulağımda. Türkiye Cumhuriyetiniñ 75 yılığına bağışlanmış bu gastrolde Anqara, İstanbul, Könya, Qırıqqale, Süngürlü ve diger şeerlerinde kontsertler berdik.

Romaniyağa kelgenimizde Köstence ve Mañaliya şeerlerinde kontsert berdik. Bu kontsertlerden soñ yüreklerimiz quvança, ğururğa tolıp, tuvğan yurtumuz Qırımğa qayıtp keldik.

Emekli olğan soñ, insan özüne bir zenaat tapıp, qıymetli vaqtını coymay, yaşamaq içün faydalı işnen oğraşmaq gerek.

Men, söz ustası olaraq, 2000 senesi Romaniyağa davet etildim. Özümnen Fevzi Aliyevniñ «Destan» ansamblini alıp bardım. Romaniyanıñ Bükreş (Buharest), Köstence, Mecidiye ve Mamaya degen yerlerde kontsertler berdik. Qırımdan çeşit yıllarda ketken bizim semetdeşlerimizniñ yañı nesillerini Bükreşte kördik. Olar temiz noğay şivesinde qonuşalar. Bizim ziyalılarımız desem de yañılış olmaz.

Çoq yıl devamında Romaniyadan Qırımğa yüzlernen semetdeşimiz kelip, matem küñü – 18 mayısnı biznen birlikte keçire ediler. 2014 senesinden başlap bardı-keldimiz toqtadı.

Menim ilk kitabım, şiirler toplamı olaraq «Men şair degilim» (2005 s.) dep adlandırılğan edi.

Ekinci kitabım «Sanadan yañğırağan şiirler». Otuzğa yaqın şairlerniñ şiirleri sanalarda oquldı ve olar bu kitapta yer aldı ve şairler aqqında qısqaça malümatla berildi.

Эмекли олгъан сонъ, инсан озюне бир зенаат тапып, кыйметли вакътыны джоймай, яшамакъ ичюн файдалы ишнен огърашмакъ керек.

Мен, сёз устасы оларакъ, 2000 сенеси Романиягъа давет этилдим. Озюмнен Февзи Алиевнинъ «Дестан» ансамблини алып бардым. Романиянынъ Букреш (Бухарест), Костендже, Меджидие ве Мамае деген ерлерде концертлер бердик. Къырымдан чешит йылларда кеткен бизим семетдешлеримизнинъ янъы несиллерини Букреште коръдик. Олар темиз ногъай шивесинде къонушалар. Бизим зиялыларымыз десем де янълыш олмаз.

Чокъ йыл девамында Романиядан Къырымгъа юзлернен семетдешимиз келип, матем куню – 18 майысны бизнен бирликте кечире эдилер. 2014 сенесинден башлап барды-кельдимиз токътады.

Меним ильк китабым, шиирлер топламы оларакъ «Мен шаир дегилим» (2005 с.) деп адландырылгъан эди.

Экинджи китабым «Санадан янъгъырагъан шиирлер». Отузгъа якъын шаирлернинъ шиирлери саналарда окъулды ве олар бу китапта ер алды ве шаирлер акъкъында къыскаджа малюматта берильди.

Бу китапта олгъан шиирлернинъ чокъусыны эзберден огренип, сахнада йылларджа окъудым. Тюркие, Романия ве Къырымда бир чокъ мерасимде классик эсерлерден башкъа озюм язгъан шиирлерни де окъуйым.

2008 сенеси мен учюнджи китапнынъ устюнде чалышып башладым. Бу китап «Къырымтатар музыка эрбаплары» деп адландырылды. Китапта тарихымызда козге корюльген юзден зияде музыка эрбабы иле земаневий усталар, чалгъыджы ве йырджылар акъкъында бильги берильмектедир. Китапта тек Къырымда олгъан эрбаблар дегиль де, Америка, Тюркие, Русие, Романия ве Озбекистанда яшагъан семетдешлеримиз бу китапта ер алдылар.

Бизим тарихымызда бойле китап ильк сефер тертип этилип, 2015 сенеси неширден чыкъты ве къыска вакъыт ичинде озь окъуйыджыларыны тапты.

2015 сенеси майыс айында Анкъарада меним 75 йыллыкъ юбилейимни къайд этилер. Себеби – Къырымда 75-лыкъ юбилейим япылмагъан эди. Тюркиеге меннен берабер йырджы Асан Билялов

Bu kitapta olğan şiiirlerniñ çoqusını ezberden öğrenip, sahnada yıllarca oqudım. Türkiye, Romaniya ve Qırımda bir çoq merasimde klassik eserlerden başqa özüm yazğan şiiirlerni de oquyım.

2008 senesi men üçüncü kitapnıñ üstünde çalışıp başladım. Bu kitap «Qırımtatar muzıka erbapları» dep adlandırıldı. Kitapta tarihımızda közge körülgen yüzden ziyade muzıka erbabı ile zemaneyi ustalar, çalgıcı ve yırıclar aqqında bilgi berilmektedir. Kitapta tek Qırımda olğan erbablar degil de, Amerika, Türkiye, Rusiye, Romaniya ve Özbekistanda yaşağan semetdeşlerimiz bu kitapta yer aldılar.

Bizim tarihımızda böyle kitap ilk sefer tertip etilip, 2015 senesi neşirden çıqtı ve qısqa vaqt içinde öz oquyıcılarını taptı.

2015 senesi mayıs ayında Anqarada benim 75 yıllıq yubileyimni qayd ettiler. Sebebi – Qırımda 75-lıq yubileyim yapıлмаğan edi. Türkiyege mennen beraber yırıca Asan Bilâlov ve bestekâr, yırıca Zera Kencikayeva bardılar. Bir afa içinde dört kontsert berdik. Elmas hanım ve Haqan efendi Qırımlılar, Anqara derneginiñ başqanı Mükremin Şehinge davet etkenleri için çoq teşekkür bildirem.

Menim yüregimde çoqtan saqlanıp kelgen bir niyetim bar edi – şiiirlerimniñ toplamını «Ana qalbi» dep, kitap olaraq çıqarmaq.

Kitapnı anama ve oña oşağan biñlernen analar evlâdlarına Vatanğa olğan sevgi ve asretlikni aşılap, özleri icrette bu dünyanı terk etkenlerge bağışladım.

Allah bergen ömür ile otuz yıl teatrlerde dirijör olıp çalıştım.

1983 senesi Özbekistanda nam qazanğan artist unvanına nail oldım. 2009 senesi Qırımda 70 yıllığımda Ukrainada nam qazanğan sanat erbabı unvanına lâıyq oldım. 2016 senesi Qırımtatar yazıcılar birliğiniñ azası oldım.

Bu dünyada qısmetim şu qadar eken.

Qalğan ömrüm taqdirim Allahnıñ qolunda. Horlıq çekken halqımızğa Allah Taalâ yardımcı olup, baba-dede yurtunda, ebediy yaşamaq qısmet etsin. Qırımda vatanperver ve birlik olup yaşamaq qısmet etsin.

İjrette qalıp ketken vatandaşlarımızın cümlesi yurtumuzğa qavuşıp, közaydın qaveleri pişirip, toylar etsin.

ве бестекар, йырджы Зера Кенджикаева бардылар. Бир афта ичинде дёрт концерт бердик. Эльмас ханым ве Хакъан эфенди Къырымлылар, Анкъара дернегининъ башкъаны Мукремин Шехинге давет эткенлери ичюн чокъ тешеккюр бильдирем.

Меним юрегимде чокътан сакъланып кельген бир ниетим бар эди – шиирлеримнинъ топламыны «Ана къальби» деп, китап оларакъ чыкъармакъ.

Китапны анама ве онъа ошагъан бинълернен аналар эвлядларына Ватангъа олгъан севги ве асретликни ашлап, озълери иджретте бу дюньяны терк эткенлерге багъышладым.

Аллах берген омюр иле отуз йыл театрлерде дирижёр олып чалыштым.

1983 сенеси Озбекистанда нам къазангъан артист унванына наиль олдым. 2009 сенеси Къырымда 70 йыллыгъымда Украинада нам къазангъан санат эрбабы унванына ляйыкъ олдым. 2016 сенеси Къырымтатар языджылар бирлигининъ азасы олдым.

Бу дюньяда къысметим шу къадар экен.

Къалгъан омрюм такъдирим Аллахнынъ къолунда. Хорлыкъ чеккен халкъымызгъа Аллах Таала ярдымджы олып, баба-деде юртунда, эбедий яшамакъ къысмет этсин. Къырымда ватанпервер ве бирлик олып яшамакъ къысмет этсин.

Ижретте къалып кеткен ватандашларымызынъ джумлеси юртумызгъа къавушып, козъайдын къавелери пиширип, тойлар этсин.

Девлетчилигимиз тикленсин, яман кунълер халкъымыздан, юртумыздан иракъ олсун. Миллетимиз артсын, къуветли-къудретли олсун, сербест яшамакъ къысмет этсин. Яшларымыз бир-бирини тапсын, севсин, эвленсинлер, балалы-чагъалы олсунлар.

Миллетимиз Къырым деген Ватанымызнынъ саиби олсун.



Devletçiligimiz tiklensin, yaman k nler halqımızdan, yurtumuzdan
iraq olsun. Milletimiz artsın, quvetli-qudretli olsun, serbest yaşamaq
qısmet etsin. Yaşlarımız bir-birini tapsın, sevsin, evlensinler, balalı-
çağalı olsunlar.

Milletimiz Qırım degen Vatanımızınñ saibi olsun.



АНА КЪАЛЪБИ

Гъурбетликте бала корьдинъ
Алла берсе яшар деп,
Гедже-куньдюз козяш тѣктинъ,
Ватаныны корьсин, деп.

«Бизлер, балам, корьмек энди
Асрет олгъан Ватанны.
Языкъ олсун, омюр кечти,
Беклей-беклей къайтувны...»

Айтар эди анам манъа
Гузель Ватан акъкъында.
Онда дагълар, гуль бостанлар
Асрет чекип хорлана.

«Ватан сѣзюн анълап, балам,
Ынтылырсынъ онъа сен.
Корип, билип, къуванырсынъ
Еркинликни севип сен.

Не олса да, сорай, сорай,
Сораштырып мытлакъ тап.
Тувгъан ерим дженнетли ер,
Багъ-багъчалы Чатырдагъ.

Койни тапсанъ, ерлешсенъ.
Ерли-баркълы олсанъ сен
Баба-деде межянында
Къурбан чалып анъ мени сен.

Къарасув меркезимиз
Коюмиздир Би-Эли...»



ANA QALBİ

Ğurbetlikte bala kördiñ
Alla berse yaşar dep,
Gece-kündüz közyaş töktiñ,
Vatanını körsin, dep.

«Bizler, balam, körmek endi
Asret olğan Vatannı.
Yazıq olsun, ömür keçti,
Bekley-bekley qaytuvnı...»

Aytar edi anam maña
Güzel Vatan aqqında.
Onda dağlar, gül bostanlar
Asret çekip horlana.

«Vatan sözün añlap, balam,
Intılırsıñ oña sen.
Körip, bilip, quvanırsıñ
Yerkinlikni sevip sen.

Ne olsa da, soray, soray,
Soraştırıp mıtlaq tap.
Tuvğan yerim cennetli yer,
Bağ-bağçalı Çatırdağ.

Köyni tapsañ, yerleşseñ.
Yerli-barqlı olsañ sen
Baba-dede mekânında
Qurban çalıp añ meni sen.

Qarasuv merkezimiz
Köyümüzdir Bi-Eli...»

Айта-айта гъарип аннам
Терк этти бу алемни.

...Айтайым мен санъа, Ватан,
Нидже йыллар агъладым.
Ана къальбинъ юрегимде
Омюр бою сакъладым.

Элли баарь омюр коръдим,
Мурадыма еттим мен.
Корип сени Ана Ватан,
Топрагъынъны опытим мен.

Омюр бердинъ, къурбан кеттинъ
Ят эллерде хорлукъта,
Неслинъ сени бу кунълерде
Ватан ичюн хорлукъта.

Бугунъ азмыз, я не чаре,
Къалды халкънынъ ярысы.
Гъурбетликте беклеп тура
Къартлар яшлар къарысы.

Алла берсе олур бир кунъ,
Бахтлы кунълер бизлерге
Бир оджакъта топланырмыз
Эслеп хорлукъ кунълерни.

Козюм джумсам козь алдымда
Бахтлы кунълер торлана.
Ватанымда халкъым мени
Бахтлы кунъге ёллана.

Ишанаман халкъыма мен
Ана-Ватан топракъта
Джан талашып чалышырмыз
Юртнынъ ерни алмагъа.



Ayta-ayta ğarip annam
Terk etti bu alemni.

...Aytayım men saña, Vatan,
Nice yıllar ağladım.
Ana qalbiñ yüregimde
Ömür boyu saqladım.

Elli baar ömür kördim,
Muradıma yettim men.
Körıp seni Ana Vatan,
Toprağıñnı öptim men.

Ömür berdiñ, qurban kettiñ
Yat ellerde horluqta,
Nesliñ seni bu künlerde
Vatan içün horluqta.

Bugün azmız, ya ne çare,
Qaldı halqıñnı yarısı.
Ğurbetlikte beklep tura
Qartlar yaşlar qarısı.

Alla berse olur bir kün,
Bahtlı künler bizlerge
Bir ocaqta toplanırmız
Eslep horluq künlerni.

Közüm cumsam köz aldımda
Bahtlı künler torlana.
Vatanımda halqım meni
Bahtlı küñge yollana.

İşanaman halqıma men
Ana-Vatan topraqta
Can talaşıp çalışırmız
Yurtnıñ yerni almağa.

Дуаджысынъ сен, анайым,
Еринъ олсун дженнетте.
Гедже, кунъдюз дуа этем,
Ана къальби юректе.

ГЪУРБЕТЛИКТЕ БАЛА ЭДИМ

Гъурбетликте бала эдим
Бильмей осьтим кимлигим.
Акълым танып сонъра бильдим
Ким олгъаным, кимлигим.

«Сен татарсынъ!» – дер эдилер,
Къайсы татар? Ким биле?
Къазан, башкъыр, къырымтатар,
Тюрк-татармы? Ким биле?

Оксюз къалгъан эвлядларынъ
Айыплама, Ватаным.
Ана-баба олмагъан сонъ,
Кимлер сюртер козьяшынь?

Къырым деген гузель сёзни
Айттырмагъан кимсеге.
Эшиткендай олса эгер,
Сюргюн эткен Сибирьге.

Сонъра бильсем – зиялылар
Чеккен юртнынъ къайгъысын.
Къырым, халкъым, деп чокъ йыллар
Чеккен зулум азабын.

Алла, къуртар гъурбетликтен,
Деп сыгъынып мен яттым.
Эрте саба къыбла беттен
Эзан сесин динъледим.



Duacısıñ sen, anayım,
Yeriñ olsun cennette.
Gece, kündüz dua etem,
Ana qalbi yürekte.

ĞURBETLİKTE BALA EDİM

Ğurbetlikte bala edim
Bilmey östim kimligim.
Aqlım tanıp soñra bildim
Kim olğanım, kimligim.

«Sen tatarsıñ!» – der ediler,
Qaysı tatar? Kim bile?
Qazan, başqır, qırımtatar,
Türk-tatarmı? Kim bile?

Öksüz qalğan evlâdlarñ
Ayıplama, Vatanım.
Ana-baba olmağan soñ,
Kimler syurter közyaşıñ?

Qırım degen güzel sözni
Ayttırmağan kimsege.
Eşitkeday olsa eger,
Sürgün etken Sibirge.

Soñra bilsem – ziyalılar
Çekken yurtñıñ qayğısın.
Qırım, halqım, dep çoq yıllar
Çekken zulum azabın.

Alla, qurtar ğurbetlikten,
Dep sığınıp men yattım.
Erte saba qıbla betten
Ezan sesin diñledim.

Сен татарсынъ, къырымлысынъ,
Къырым сенинъ Ватанынъ.
Ярым асыр беклеп тура
Асрет олгъан озъ юртынъ.

Мен татарман, къырымлыман,
Деп багъырдым саба мен.
Ватан сесин эшиттим мен.
Танъ атмаздан кыбладан.

Уян! Уян! Меним халкъым,
Ватан бизни чагъыра.
Асрет олгъан ана топракъ
Яв къолунда хорлана.

Сувсыз солгъан багъ-багъчалар,
Чокъракъ суву къуругъан.
Тереклернинъ мейвалары,
Япракълары къаврагъан.

Асретликтен агълай-агълай
Козьяшлары къалмагъан.
Тез олайыкъ, ёл басайыкъ,
Бизлер ичюн танъ аткъан.

Бизде олгъан козьяшларны
Топлап-топлап алайыкъ.
Къуруп къалгъан озенлерге,
Багъ-багъчагъа сачайыкъ.

Тез олайыкъ, ашыкбайыкъ,
Юрткъа бизлер кыйтайыкъ.
Явур душман алдангъанда
Тез-тез ёлгъа чыкбайыкъ.

Дагъылгъан халкъ бирлешейик,
Къатты, кучлю олайыкъ.



Sen tatarsıñ, qırımlısıñ,
Qırım seniñ Vatanıñ.
Yarım asır beklep tura
Asret olğan öz yurtıñ.

Men tatarman, qırımlıman,
Dep bağırdım saba men.
Vatan sesin eşittim men.
Tañ atmazdan qıbladan.

Uyan! Uyan! Menim halqım,
Vatan bizni çağıra.
Asret olğan ana topraq
Yav qolunda horlana.

Suvsız solğan bağ-bağçalar,
Çoqraq suvu quruğan.
Terekleriniñ meyvaları,
Yapraqları qavrağan.

Asretlikten ağlay-ağlay
Közyaşları qalmağan.
Tez olayıq, yol basayıq,
Bizler içün tañ atqan.

Bizde olğan közyaşlarını
Toplap-toplap alayıq.
Qurup qalğan özenlerge,
Bağ-bağçağa saçayıq.

Tez olayıq, aşığıyıq,
Yurtqa bizler qaytayıq.
Yavur duşman aldanğanda
Tez-tez yolğa çıqayıq.

Dağılğan halq birleşeyik,
Qattı, küçlü olayıq.

Бир якъадан баш чыкъарып,
Юртны къолгъа алайыкъ.

Топлангъан сонъ юртымызда
Татлы, муабет яшайыкъ.
Юртумызда бизлер энди,
Янъы аят къурайыкъ.

Бир-бирини севген яшлар
Эвляд корип яшасын.
Юртта догъгъан эр сабийге
Давул, зурна чалынсын.

Эзан сесин эшитип биз,
Танъ атмаздан чыкъайыкъ.
Къыбла бетке къол узатып,
Бетимизни сыйпайыкъ.

Алла берсин джумлемизге,
Шу кунълерге етейик.
Ана, баба дуасыман
Юртны бахтлы этейик.

Акъмесджит, 10.12.1993 с.

АНА-БАБА АСРЕТЛИГИ

Гузель юрттан узакъларгъа,
Миллетимни къувгъанлар.
Дерья, дагъы, багъ-бостаны
Эль узатып къалгъанлар.

Иджретликте, анам, бабам
Умют иле яшагъан.
Дюнъя корьген эвлядына
Юрт севгисин ашлагъан.



Bir yaqadan baş çıxarıp,
Yurtnı qolğa alayıq.

Toplanğan soñ yurtımızda
Tatlı, muabet yaşayıq.
Yurtumuzda bizler endi,
Yañı ayat qurayıq.

Bir-birini sevgen yaşlar
Evlâd körıp yaşasın.
Yurtta doğğan er sabiyge
Davul, zurna çalınsın.

Ezan sesin eşitip biz,
Tañ atmazdan çıqayıq.
Qıbla betke qol uzatıp,
Betimizni sıypayıq.

Alla bersin cümlemizge,
Şu künlerge yeteyik.
Ana, baba duasıman
Yurtnı bahtlı eteyik.

Aqmescit, 10.12.1993 s.

ANA-BABA ASRETLİĞİ

Güzel yurttan uzaqlarğa,
Milletimni quvğanlar.
Derya, dağı, bağ-bostanı
El uzatıp qalğanlar.

İcretlikte, anam, babam
Ümüt ile yaşağan.
Dünya körgen evlâdına
Yurt sevgisin aşılağan.

Олар берген севги иле
Окъуп, осип яшадым.
Ана-баба асретлигин
Юрегимде сакъладым.

Джандан севген аначыгъым
Яткъан еринъ нур олсун.
Миллетимни хорлагъанлар,
Бу дюньяда онъмасын.

Чокъ мушкюллик, баштан отъди.
Бугунъ юртта яшайман.
Сизни мен эслегенде
Бала киби агълайман.

Аначыгъым омюр бердинъ,
Узакъларда къалдынъ сен.
Огълунъ бу кунъ юртта яшай.
Оксюзлигим сезем мен.

Акъмесджит, 2012 с.

ХАТЫРЛАЙМАН

Хатырлайман балалыгъым,
Кой этрафын, дагъларын,
Чобанларнынъ яйляларгъа
Айдагъанда къойларын.

Хатырлайман ойгъа далып,
Эвимизни, койчикни.
Бойну узун атымызны
Азбардаки баракъны.

Хатырлайман собачыкъны,
Къокъуп пишкен отъмекни.



Olar bergen sevgi ile
Oqup, ösip yaşadım.
Ana-baba asretligin
Yüregimde saqladım.

Candan sevgen anaçığım
Yatqan yeriñ nur olsun.
Milletimni horlağanlar,
Bu dünyada oñmasın.

Çoq müşkülük, baştan ötdi.
Bugün yurtta yaşayman.
Sizni men eslegende
Bala kibi ağlayman.

Anaçığım ömür berdiñ,
Uzaqlarda qaldıñ sen.
Oğluñ bu kün yurtta yaşay.
Öksüzligim sezem men.

Aqmescit, 2012 s.

HATIRLAYMAN

Hatırlayman balalığım,
Köy etrafın, dağların,
Çobanlarınñ yaylâlarğa
Aydağanda qoyların.

Hatırlayman oyğa dalıp,
Evimizni, köyçikni.
Boynu uzun atımızni
Azbardaki baraqni.

Hatırlayman sobaçıqnı,
Qoqup pişken ötmekni.

Хамыр баскъан анам къолун,
Ун элегин, элекни.

Хатырлайман чокъракъ сувны,
Коюмизде акъкъанынъ,
Гугюмлернен къызлар келип,
Сув сепип ойнагъанынъ.

Хатырлайман суннет тойны,
Телли хораз тургъанынъ,
Уста келип кирганимен,
Февзи достум къачкъанынъ.

Хатырлайман давулджыны
Чокъмар урып чалгъанынъ,
Ойнагъаным корип анам,
Опип къолгъа алгъанынъ.

Хатырлайман дженк вакътыны,
Немсе басып кельгенини,
Коюмизде эр бир эвге,
Башын сокъуп юрегининъ.

Хатырлайман сюргюн кунни
Танъда къапы къакътылар.
НКВД аскерлери,
Гъурбетликке алдылар.

Хатырлайман узакъ ёлны,
Озбекистангъа кельдик.
Анам, тизем, секиз бала,
Бир козь эвде ерлештик.

Хатырлайман, юрек агълай,
Къардашымнынъ, агъамнынъ.
Хорлукъ чекип ольгенлеринъ,
Козьяш тёккен анамны.



Hamır basqan anam qolun,
Un elegendi, elekni.

Hatırlayman çoqraq suvni,
Köyümüzde aqqanıñ,
Gügümlernen qızlar kelip,
Suv sepip oynaganıñ.

Hatırlayman sunnet toynı,
Telli horaz turğanıñ,
Usta kelip kirgenimen,
Fevzi dostum qaçqanıñ.

Hatırlayman davulcını
Çoqmar urıp çalğanıñ,
Oynaganım körıp anam,
Öpip qolğa alğanıñ.

Hatırlayman cenk vaqtını,
Nemse basıp kelgenini,
Köyümüzde er bir evge,
Başın soqup yüreginiñ.

Hatırlayman sürgün künni
Tañda qapı qaqtılar.
NKVD askerleri,
Ğurbetlikke aldılar.

Hatırlayman uzaq yolni,
Özbekistanğa keldik.
Anam, tizem, sekiz bala,
Bir köz evde yerleştik.

Hatırlayman, yürek ağlay,
Qardaşımnıñ, ağamıñ.
Horluq çekip ölgenleriñ,
Közyaş tökken anamnı.

Хатырлайман сюргюнликте
Тухум-урув юргенинъ.
Ватанына асрет болып,
Бирер-бирер ольгенинъ.

Хатырлайман яхшы деврим,
Къарсанбада ольмедим.
Умют иле мен де халкънен,
Ана юрткъа ёл алдым.

Хатырлайман къайткъан йылын,
Курешлерге къошулдым.
Мейданларда, саналарда,
Мен шиирлер окъудым.

Хатырлайман юртта яшап,
Козь огюнден отъкенин.
Яш дегилим – омюр кече,
Айттым баштан кечкенинъ.

Акъмесджит, 20.12.2001 с.

БАБА АСРЕТИ

Бахтнынъ омрю къыскъа ола,
Деп айткъанлар деделер.
Дженк башлангъан бабам, даим
Аскерликке кеткенлер.

Дженктен алдын миллетимиз
Татлы-мабет яшагъан.
Бабалармыз айлесини,
Ябанлардан асрагъан.

Бабам мени яшлыгъымда
Кокке атып ойнагъан.



Hatırlayman sürgünlikte
Tuhum-uruv yürüeniñ.
Vatanına asret bolıp,
Birer-birer ölgeñiñ.

Hatırlayman yahşı devrim,
Qarsanbada ölmedim.
Ümüt ile men de halqnen,
Ana yurtqa yol aldım.

Hatırlayman qaytqan yılın,
Küreşlerge qoşuldım.
Meydanlarda, sanalarda,
Men şiirler oqudım.

Hatırlayman yurtta yaşap,
Köz ögünden ötkenin.
Yaş degilim – ömür keçe,
Ayttım baştan keçkeniñ.

Aqmescit, 20.12.2001 s.

BABA ASRETI

Bahtnıñ ömrü qısqa ola,
Dep aytqanlar dedeler.
Cenk başlanğan babam, daim
Askerlikke ketkenler.

Cenkten aldın milletimiz
Tatlı-mabet yaşağan.
Babalarımız aylesini,
Yabanlardan asrağan.

Babam meni yaşlığımda
Kökke atıp oynağan.

Юкъламагъа яткъанымда
Масалларман юкълаткъан.

Иштен кельсе акъшамлары,
Эвде къуванч къайнагъан.
Къолум-къошу, сой-сопумыз,
Бизге бакъып сукълангъан.

Дженкке кеткен бабалармыз,
Анда къурбан олгъанлар.
Юртта къалгъан къартын-яшын
Иджретликке алгъанлар.

Сюргюнликте аналармыз
Балаларын осьтюрген.
Къара хабер алсалар да,
Сабыр сорап беклеген.

Яшлыгъымда анам иле,
Чокъ бекледим бабамны.
Оксюз олып, козь яшымман
Комдим азиз анамны.

Дайыларым, тизелерим,
Бу дюньядан кеттилер
Сагъ къалгъанны Ватаным деп,
Асрет олып юрьдилер.

Сюргюнликнинъ куню битти,
Ярым асыр бекледик.
Ватаным деп, юрткъа къайттыкъ,
Кене зорлыкъ биз чектик.

Алла берген омюр иле
Бугунъ юртта яшайман.
Ватаным деп ольгенлерге,
Дуа ясин окъуйман.



Yuqlamağa yatqanımda
Masallarman yuqlatqan.

İşten kelse aqşamları,
Evde quvanç qaynağan.
Qolum-qoşu, soy-sopumuz,
Bizge baqıp suqlanğan.

Cenkke ketken babalarmız,
Anda qurban olğanlar.
Yurtta qalğan qartın-yaşın
İcretlikke alğanlar.

Sürgünlikte analarmız
Balaların östürgen.
Qara haber alsalar da,
Sabır sorap beklegen.

Yaşlığımda anam ile,
Çoq bekledim babamnı.
Öksüz olıp, köz yaşımmın
Kömdim aziz anamnı.

Dayılarım, tizelerim,
Bu dünyadan kettiler
Sağ qalğanını Vatanım dep,
Asret olıp yürdiler.

Sürgünlikniñ künü bitti,
Yarım asır bekledik.
Vatanım dep, yurtqa qayttıq,
Kene zorlıq biz çektik.

Alla bergen ömür ile
Bugün yurtta yaşayman.
Vatanım dep ölgenlerge,
Dua yasin oquyman.

Куню келип Къарасувгъа,
Атландым бармагъа
Койдешимиз Амед къарттан
Бир-къач хабер алмагъа.

«Бабангъа сен пек ошайсынъ
Биле эдим Юсуфны
Украина девлетинде
Корьдим онынъ къабрини».

Ниет этим кыдырмагъа
Бабам къабрин тапмагъа.
Барып корип мезарында
Дертлеримни айтмагъа.

Не де олса, куню келип,
Узакъ ёлгъа мен чыкътым.
Украина койлеринден
Керек койни кыдырдым.

Сорай-сорай сораштырып
Керек койни мен таптым.
Бир кишини токътаттым да
Мезарлыкъны сорадым.

Бунда дегиль, башкъа ерде.
Кой къатындан кетерсиз
Отлар оськен юксекликте
Мезарлыкъны корерсиз.

Ярым саат юрер-юрмез
Мезарлыкъны мен таптым.
Бу къардашлыкъ мезарлыгъы
Олгъаныны анъладым.

Чешит миллет аскерлери
Бир мезарда комюльген.



Künü kelip Qarasuvğa,
Atlandım barmağa
Köydeşimiz Amed qarttan
Bir-qaç haber almağa.

«Babaña sen pek oşaysıñ
Bile edim Yusufnı
Ukraina devletinde
Kördim onıñ qabrini».

Niyet etim qıdırmağa
Babam qabrin tapmağa.
Barıp körip mezarında
Dertlerimni ayتماğa.

Ne de olsa, künü kelip,
Uzaq yolğa men çıqtım.
Ukraina köylerinden
Kerek köyni qıdırdım.

Soray-soray soraştırıp
Kerek köyni men taptım.
Bir kişini toqtattım da
Mezarlıqnı soradım.

Bunda degil, başqa yerde.
Köy qatından ketersiz
Otlar ösken yükseklikte
Mezarlıqnı körersiz.

Yarım saat yürer-yürmez
Mezarlıqnı men taptım.
Bu qardaşlıq mezarlığı
Olğanını añladım.

Çeşit millet askerleri
Bir mezarda kömülgen.

Ваня, Алим, Ашод, Шамиль
Бу ерлерде джан берген.

Рядовой Юсуф Ильясов,
Деп язылгъан, мен корьдим,
Бабам дедим, тиз чёктим де
Ойгъа далып отурдым.

Ватаным деп, къурбан кеттинъ
Халкъыны исе къувдылар.
Иджретликте миллетинъни
Йылан даин бувдылар.

Алла берген омюр иле
Риза огълунъ сагъ къалды.
Юрта догъгъан торунынъа
Сенинъ адынъ берильди.

Чокъ отурдым юрек ташып
Сонъра дуа окъудым.
Яткъан еринъ дженнет олсун,
Деп Къырымгъа мен къайттым.

Акъмесджит, 23.12.2002 с.

СЕЛБИ ТЕРЕК

Догъгъан ерим Бий-Эли кой,
Чатырдагънынъ этеги.
Ич те кетмей акъылымдан,
Чокъракълары, чечеги.

Баарь кельсе кой этрафы
Гульбагъчагъа айлана.
Язда пишкен мейваларгъа
Эр кес бакъып сукълана...



Vanâ, Alim, Aşod, Şamil
Bu yerlerde can bergen.

Râdovoy Yusuf İlyasov,
Dep yazılğan, men kördim,
Babam dedim, tiz çöktim de
Oyğa dalıp oturdım.

Vatanım dep, qurban kettiñ
Halqını ise quvdılar.
İcretlikte milletiñni
Yılan dain buvdılar.

Alla bergen ömür ile
Riza oğluñ sağ qaldı.
Yurta doğğan torunña
Seniñ adıñ berildi.

Çoq oturdım yürek taşıp
Soñra dua oqudım.
Yatqan yeriñ cennet olsun,
Dep Qırımğa men qayttım.

Aqmescit, 23.12.2002 s.

SELBİ TEREK

Doğğan yerim Biy-Eli köy,
Çatırdağnıñ etegi.
İç te ketmey aqılımdan,
Çoqraqları, çeçegi.

Baar kelse köy etrafı
Gülbağçağa aylana.
Yazda pişken meyvalarğa
Er kes baqıp suqlana...

Бир кунъ бабам алып кельди
Бир къач сельби фиданы.
Азбарымыз кошесинде
Отуртты фиданларны.

Сонъ чагъырып манъа айтты:
«Дёрт балама – дёрт терек!
Алла берсе тамыр атар,
Ешилленир дёрт терек.

Мен корерим, я да корьмем
Сельбилернинъ оськенинъ.
Балларымнынъ дёртюси де
Корер бойгъа еткенинъ...».

Бабам дженкте эляк олды,
Бизни исе сюрдюлер,
Узакъларгъа гъурбетликке
Янъгъыз къалды сельбилер.

Иджретликте эр кес киби
Асрет олып яшадым.
Айле къурып, эвляд корип
Юрттан хабер бекледим.

Ёл ачылып къайтып кельдим
Сюргюнликтен эвиме.
Козьяшымны зорнен тутып,
Бакъып къалдым сельбиге.

Чатырдагъгъа бою еткен,
Къуветлешкен, етильген.
Аман келип къучакъларым,
Тыпкъы бабам элинден.

Пытакъларны яваш сыкъам,
Япракъларны сыйпайман.



Bir kün babam alıp keldi
Bir qaç selbi fidanı.
Azbarımız köşesinde
Oturttı fidanlarını.

Soñ çağırıp maña ayttı:
«Dört balama – dört terek!
Alla berse tamır atar,
Yeşillenir dört terek.

Men körerim, ya da körmem
Selbilerniñ öskeniñ.
Ballarımniñ dördüsi de
Körer boyğa yetkeniñ...».

Babam cenkte elâk oldı,
Bizni ise sürdüler,
Uzaqlarğa ğurbetlikke
Yañğız qaldı selbiler.

İcretlikte er kes kibi
Asret olıp yaşadım.
Ayle qurıp, evlâd körip
Yurttan haber bekledim.

Yol açılıp qayıp keldim
Sürgünlikten evime.
Közyaşımni zornen tutıp,
Baqıp qaldım selbigе.

Çatırdağğa boyu yetken,
Quvetleşken, yetilgen.
Aman kelip quçaqladım,
Tıpqı babam elinden.

Pıtaqlarını yavaş sıqam,
Yapraqlarını sıypayman.

Дертлеримни онъа айтып,
Окюр-окюр джылайман.

Дёрт сельбиден бири къалгъан,
Учь данеси джоюлгъан
Къардашларым ольгеннини
Алла-Таала дуйдургъан.

Акъшам, саба мен келемен,
Турам сельби къатында.
Дуа этип, мен тилеймен
Омюр бер, деп Алладан.

Анам ольди, бабам ольди
Бу яланджы дюньяда.
Корьмей ольди бу куньлерни
Учь къардашым узакъта.

Неслинъ, бабам, джойылмады
Къалды сенден бир бала.
Сельби терек къурумады,
Даа турар, Иншалла.

Баба-терек этрафында
Фиданлар дал атаджакъ,
Учь торунынъ баба койде
Сельбилер отуртаджакъ.

КЪУВАНЧ КОРЬМЕЙ ЮРЕГИМ

Етмиш бешке толды яшым,
Къуванч корьмей юрегим.
Хайырлавны беклемеймен,
Санки янгъыз терегим.

Озь-озюме суаль берем,
Не къуванмай яшайсынъ?



Dertlerimni oña aytıp,
Ökür-ökür cılayman.

Dört selbiden biri qalğan,
Üç danesi coyulğan
Qardaşlarım ölgennini
Alla-Taalâ duyduğan.

Aqşam, saba men kelemen,
Turam selbi qatında.
Dua etip, men tileymen
Ömür ber, dep Alladan.

Anam öldi, babam öldi
Bu yalancı dünyada.
Körmey öldi bu künlerni
Üç qardaşım uzaqta.

Nesliñ, babam, coyılmadı
Qaldı senden bir bala.
Selbi terek qurumadı,
Daa turar, İnşalla.

Baba-terek etrafında
Fidanlar dal atacaq,
Üç torunıñ baba köyde
Selbiler oturtacaq.

QUVANÇ KÖRMEY YÜREGİM

Yetmiş beşke toldı yaşım,
Quvanç körmey yüregim.
Hayırlavnı beklemeymen,
Sanki yangız teregim.

Öz-özüme sual berem,
Ne quvanmay yaşaysıñ?

Озь юртунъда яшап турып,
Юртсыз къушкъа ошайсын.

Не чекейим мен къасеветлер,
Оксюз ельдей осьтим мен.
Гъурбетликте анам ольди,
Баба корьмей осьтим мен.

Яныгъымны унуттам мен,
Миллетимни ойласам.
Юрт къасевети, халкъ къасевети,
Тынчлыкъ бермей юкъласам.

Джигит олып ат минмедим,
Озь юртумда яйлада.
Сербест къушдай учалмадым,
Къанат керип Ватанда.

Языкъ олсун, яшлыкъ отти,
Гъурбетликте, узакъта.
Нидже достлар джан чекишти,
Азиз юрттан иракъта.

Халкъ чекишсе, сен де чекиш,
Деп айтаман озюме,
Халкъ къуванса, сен де къуван,
Деп айтаман гонълюме.

Нидже йыллар чадырларда,
Хорлукъ чектик яшадыкъ,
Курешлерде бирлик олып,
Юртумызда биз къалдыкъ.

Озь юртумда омрюм оте,
Къуш къафесте олгъандай.
Не куньгедже явур бизни,
Богъар юртта йыландай.



Öz yurtuñda yaşap turıp,
Yurtsız quşqa oşaysın.

Ne çekeyim men qasevetler,
Öksüz yeldeý össtim men.
Ğurbetlikte anam öldi,
Baba körmey östim men.

Yanığımny unuttam men,
Milletimni oylasam.
Yurt qaseveti, halq qaseveti,
Tınçlıq bermey yuqlasam.

Cigit olıp at minmedim,
Öz yurtumda yaylada.
Serbest quşday uçalmadım,
Qanat kerip Vatanda.

Yazıq olsun, yaşlıq ötti,
Ğurbetlikte, uzaqta.
Nice dostlar can çekişti,
Aziz yurttan iraqta.

Halq çekişse, sen de çekiş,
Dep aytaman özüme,
Halq quvansa, sen de quvan,
Dep aytaman göñlüme.

Nice yıllar çadırlarda,
Horluq çektik yaşadıq,
Küreşlerde birlik olıp,
Yurtumuzda biz qaldıq.

Öz yurtumda ömrüm öte,
Quş qafeste olğanday.
Ne küngece yavur bizni,
Boğar yurtta yılanday.

Къалгъан омрюм багъышлайман,
Куреш ичюн, юрт ичюн.
Джан бермеге мен азырым,
Келеджек эвлят ичюн.

Къурбан олсакъ, биз болайыкъ
Адалетнинъ ёлунда
Укюметке баш болсунлар,
Бизим несиль Ватанда.

Хайырлавны беклемеймен,
Къасевет толу юрегим,
Етмиш бешке толды яшым,
Санки яныгъыз терегим.

Акъмесджит, 28.07.2014 с.

МАЙЫС АЙЫНЫНЪ ОН СЕКИЗИ

Майыс айынынъ он секизи
Йылы олса къыркъ дёртни
Козъ алдыма кетирдим мен
Къара дертли кунълерни.

Майыс айынынъ он секизи
Бизлер ичюн къарадыр.
Асырларда савулмаджакъ
Сызлайджакъ бир ярадыр.

Мен айтайым сюргюнликнинъ
Къара олгъан кунълерни.
Менден гъайры башкъасы да
Айтсынъ баштан кечкенин.

Абла-къардаш эки ана
Секиз бала къатында



Qalğan ömrüm bağışlayman,
Küreş için, yurt için.
Can bermege men azırım,
Kelecek evlât için.

Qurban olsaq, biz bolayıq
Adaletniñ yolunda
Ükümetke baş bolsunlar,
Bizim nesil Vatanda.

Hayırlavnı beklemeymen,
Qasevet tolu yüregim,
Yetmiş beşke toldı yaşıım,
Sanki yañgız teregim.

Aqmescit, 28.07.2014 s.

MAYIS AYINIÑ ON SEKİZİ

Mayıs ayınıñ on sekizi
Yılı olsa qırq dörtni
Köz aldıma ketirdim men
Qara dertli künlerni.

Mayıs ayınıñ on sekizi
Bizler için qaradır.
Asırlarda savulmacaq
Sızlaycaq bir yaradır.

Men aytayım sürgünlikniñ
Qara olğan künlerni.
Menden ğayrı başqası da
Aytsıñ baştan keçkenin.

Abla-qardaş eki ana
Sekiz bala qatında

Бир вагонда гъурбетликке
Айдалдылар Ватандан.

Ана сеси такъат бере,
Вагон сеси юкълата.
Къайтып кельмек, ниетимен
Ташкъа ёлгъа козь ата.

Фидан киби секиз бала
Юкъысырай вагонда,
НКВД аскерлери
Гурь давушнен къоркъыза.

Станциягъа кельген вакъыт
Поезд токътап тургъанда.
Эки ана тез-тез тюшип.
Аш пешинде долана.

Аман алып эки тола.
От джакъмагъа башлайлар.
Къайнап тургъан къазангъа тез
Мысыр уну ташлайлар.

Поезд сесин эшиткенмен
Вагонгъа тез минелер.
Бирер къашыкъ мамелекни
Балларына берелер.

Бир кунь дегиль, беш кунь дегиль,
Ёл бастыкъ биз афталап.
Онлап, юзлеп ватандашлар
Къалгъан ёлда абдырап.

Не олса да, кельдик бизлер
Сюргюн олгъан ерлерге.
Алла энди сабыр берсин
Омюр берсин бизлерге.



Bir vagonda ğurbetlikke
Aydaldılar Vatandan.

Ana sesi taqat bere,
Vagon sesi yuqlata.
Qaytıp kelmek, niyetimen
Taşqa yolğa köz ata.

Fidan kibi sekiz bala
Yuqısıray vagonda,
NKVD askerleri
Gür davuşnen qorqıza.

Stantsiyağa kelgen vaqıt
Poyezd toqtap turğanda.
Eki ana tez-tez tüşip.
Aş peşinde dolana.

Aman alıp eki tola.
Ot caqmağa başlaylar.
Qaynap turğan qazanğa tez
Mısır unu taşlaylar.

Poyezd sesin eşitkenmen
Vagonğa tez mineler.
Birer qaşıq mamelekni
Ballarına bereler.

Bir kün degil, beş kün degil,
Yol bastıq biz aftalap.
Onlap, yüzlep vatandaşlar
Qalğan yolda abdırap.

Ne olsa da, keldik bizler
Sürgün olğan yerlerge.
Alla endi sabır bersin
Ömür bersin bizlerge.

Бирер богъча къолгъа алдыкъ.
Бутюн байлыкъ шуларда.
Гъурбетликте бизлер ичюн
Хорлукъ куньлер башлана.

Картада ёкъ бир койчикке
Алып кельди бир адам.
Бир эвчикке кирсетти де
Аман къачты шу заман.

Не къапу бар, не пенджере.
Эвден сокъакъ корюне
Ерде тобан тёшельген де,
Сыджакъ еллер уфюре.

Гедже-куньдюз эки ана
Бир къапым аш къыдыра,
Фидан киби секиз бала
Эвде ап-ач отура.

Хаста олып, бири оле.
Экинджиси джан бере,
Учюнджиси ачлыгъындан
Аш къыдырып делире.

Не кучьлюсинъ, сен, эй Танърым.
Недай сабыр бердинъ сен.
Ана къальби таш дегиль де!
Не куньлерге салдынъ сен?

Йыллар кечип къалдыкъ бизлер
Эки бала секизден
Языкъ олсун, гъарипчиклер,
Омюрлери аз экен.

Алла берди бизге омюр
Яшлыкъ кечти, окъудыкъ

Birer boğça qolğa aldıq.
Bütün baylıq şularda.
Ğurbetlikte bizler için
Horluq künler başlana.

Kartada yoq bir köyçikke
Alıp keldi bir adam.
Bir evçikke kirsetti de
Aman qaçtı şu zaman.

Ne qapu bar, ne pencere.
Evden soqaq körüne
Yerde toban töşelgen de,
Sıcaq yeller üfüre.

Gece-kündüz eki ana
Bir qapım aş qıdıra,
Fidan kibi sekiz bala
Evde ap-aç otura.

Hasta olıp, biri öle.
Ekincisi can bere,
Üçüncisi açlığından
Aş qıdırıp delire.

Ne küçlüsiñ, sen, ey Tañrım.
Neday sabır berdiñ sen.
Ana qalbi taş degil de!
Ne künlerge saldıñ sen?

Yıllar keçip qaldıq bizler
Eki bala sekizden
Yazıq olsun, ğaripçikler,
Ömürleri az eken.

Alla berdi bizge ömür
Yaşlıq keçti, oqudıq

Урьмет этип аналарны.
Тёрге кьойып кьарадыкъ.

Омюр оте, куньлер бите
Эки ана кьартайды.
Узакъларда гьурбтеликте
Мезарлары кьазылды.

Эки бала эвлендилер
Эр биринде дёрт бала
Эки ана секиз бала
Юрткъа кьарап, ёл ала.

Эки ана, секиз бала
Гьурбетликтен кьайттылар.
Асрет олгъан озь юртында
Янъы омюр кьуралар.

Кетсин, кетсин, кельмез олсун.
О куньлер бизлер ичюн.
Гьурбетликтен кьайткъан халкъым.
Яшасынъ эвляд ичюн.

Айттым сизге гьурбетликнинъ
Агъыр олгъан куньлерни
Менден гъайры башкъасы да
Айсынъ баштан кечкенинъ.

Майыс айынынъ он секизи
Къара куньдир биз ичюн.
Элли йылгъа толды чокътан,
Тарих олсун халкъ ичюн.

Акъмесджит, 1994 с.



Ürmet etip analarnı.
Törge qoyıp qaradıq.

Ömür öte, künler bite
Eki ana qartaydı.
Uzaqlarda ğurbtelikte
Mezarları qazıldı.

Eki bala evlendiler
Er birinde dört bala
Eki ana sekiz bala
Yurtqa qarap, yol ala.

Eki ana, sekiz bala
Ğurbetlikten qayttılar.
Asret olğan öz yurtında
Yañı ömür quralar.

Ketsin, ketsin, kelmez olsun.
O künler bizler için.
Ğurbetlikten qaytqan halqım.
Yaşasıñ evlâd için.

Ayttım sizge ğurbetlikniñ
Ağır olğan künlerni
Menden ğayrı başqası da
Aysıñ baştan keçkeniñ.

Mayıs ayınıñ on sekizi
Qara kündir biz için.
Elli yılğa toldı çoqtan,
Tarih olsun halq için.

Aqmescit, 1994 s.

ЭВ КЪҰРДЫКЪ БИЗ ОЗЫБЕККЕ

*Озбекистанда Коканд шеэринде 1951–1952
сенелери бир азбарда яшан, оськен ве
1989 сенесинде Къырымгъа кочип келип,
Совет районында яшагъан достум
рехбер МУСЛЯДИНОВгъа багъышлайым*

Меним яшым он экиде,
Рехбер исе он учъте,
Эки козьлю эв къурдыкъ биз
Озбекке гъурбетликте.

Юрт асретин бильмей осьтик,
Кузьде памукъ чёпледик.
Майкамызны къатлап-къатлап,
Сазлы сувны биз ичтик.

Махалледан махаллегъа*
Бизлер чапып ойнадыкъ.
Ашыкъ тептик, тютюн тарттыкъ,
Башымызны джоймадыкъ.

Осьтик бизлер бир азбарда,
Къавгъа, дава япмадыкъ.
Озбек, таджик, я татармы,
Фаркъына биз бармадыкъ.

Узун чапан,** акъ сакъаллы,
Яшлары бир алтмышта
Озбек кельген тувгъанына,
Озю яшай къышлакъта.

Бир кунъ бизни токътатты да,
Айтты бизге мерамын:

* маалле.

** бурнуз, джуббе.



EV QURDIQ BİZ ÖZBEKKE

*Özbekistanda Kokand şeerinde 1951–1952
seneleri bir azbarda yaşap, ösken ve
1989 senesinde Qırımğa köçip kelip,
Sovet rayonında yaşağan dostum
rehber MUSLÂDİNOVğa bağışlayım*

Menim yaşım on ekide,
Rehber ise on üçte,
Eki közlü ev qurdıq biz
Özbekke ğurbetlikte.

Yurt asretin bilmey östik,
Küzde pamuq çöpledik.
Maykamıznı qatlap-qatlap,
Sazlı suvnı biz içtik.

Mahalledan mahalleğa*
Bizler çapıp oynadıq.
Aşıq teptik, tütün tarttıq,
Başımızın coymadıq.

Östik bizler bir azbarda,
Qavğa, dava yapmadıq.
Özbek, tacik, ya tatarmı,
Farqına biz barmadıq.

Uzun çapan,** aq saqallı,
Yaşları bir altmışta
Özbek kelgen tuvğanına,
Özü yaşay qışlaqta.

Bir kün bizni toqtattı da,
Ayttı bizge meramın:

* maalle.

** burnuz, cübbe.

«Эв кѳурсанѳыз сизлер манѳа
Берир эдим парасын...

Мен достумнен разы олдым,
Озьбекке биз сѳз бердик.
Ерни бизге косьтерген сонѳ,
Эртен, саба биз кельдик.

Эв темелин биз ольчедик,
Ташнен тизип чыкѳтыкѳ биз.
Озьбекни биз чагѳырдыкѳ да,
Разылыгѳын алдыкѳ биз.

Чамыр, балчыкѳ кѳарыштырдыкѳ,
Ясадыкѳ чокѳ гуваляк*
Бирер-бирер ерге тиздик,
Кѳурусын, деп томалакѳ.

Кѳуругѳан сонѳ гуваляклар
Диварларны кѳалаймыз.
Учѳ-дѳрт афта кечти, бизлер
Кѳыйналсакѳ да талмаймыз.

Не олса да, кѳалав битти,
Сельби терек кесемиз.
Биткен эвнинѳ таванына
Бирер-бирер тиземиз.

Эр кунѳ саба чайнен пите,
Акѳшам берди шорбасын.
Эв биткен сонѳ экимизге
Берди ишнинѳ парасын.

Мардикяр** деп ад салдылар
О девирде бизлерге

* томалакѳ чий тула.

** ишчи.



«Ev qursañız sizler maña
Berir edim parasın...

Men dostumnen razı oldım,
Özbekke biz söz berdik.
Yerni bizge köstergen soñ,
Erten, saba biz keldik.

Ev temelin biz ölçedik,
Taşnen tizip çıqtıq biz.
Özbekni biz çağırdıq da,
Razılığın aldıq biz.

Çamır, balçıq qarıştırdıq,
Yasadıq çoq guvalâk*
Birer-birer yerge tizdik,
Qurusın, dep tomalaq.

Quruğan soñ guvalâklar
Divarlarnı qalaymız.
Üç-dört afta keçti, bizler
Qıynalsaq da talmaymız.

Ne olsa da, qalav bitti,
Selbi terek kesemiz.
Bitken evniñ tavanına
Birer-birer tizemiz.

Er kün saba çaynen pite,
Aqşam berdi şorbasın.
Ev bitken soñ ekimizge
Berdi işniñ parasın.

Mardikâr** dep ad saldılar
O devirde bizlerge

* tomalaq çiy tula.

** işçi.

Аз эдими пите ичюн
Чалышкъанлар озьбекке?

Эв биткен сонъ къорантасын
Алып кельди кышлакътан
Бизни эвге чагъырды да,
Сёз башлады узакътан:

«Сизинъ миллет – бирдем миллет,
Юртынъызгъа къайтырсыз.
Мында кечкен омрюнъизни
Несиллерге айтырсыз...

Сиз мытлакъа къайтаджакъсыз», –
Деди озьбек, юткъунды.
Бизге сагълыкъ тиледи де,
Бир де дуа окъуды.

...Биз ольмедик, йигит олдыкъ,
Окъудыкъ, сонъ эвлендик.
Юрткъа къайттыкъ, эвлер къурдыкъ,
Гъурбетликни эследик.

Хатырладыкъ яшлыкъ деврин,
Яхшы-яман кунълерни.
Озьбеклерге аш-су ичюн.
Бизлер яптыкъ ишлерин.

Дуа этип, дедик бизлер:
«Къара кунълер къайтмасын,
Эр бир миллет мабет-мабет
Озь юртында яшасын.

Эв къураджакъ олса эгер,
Озь юртында эв къурсын.
Ормандаки тереклердай
Несиль-несиль эп артсын».

Акъмесджит, 1998 с., апрель.



Az edimi pite için
Çalışqanlar özbekke?

Ev bitken soñ qorantasın
Alıp keldi qışlaqtan
Bizni evge çağırdı da,
Söz başladı uzaqtan:

«Siziñ millet – birdem millet,
Yurtıñızğa qaytırsız.
Mında keçken ömrüñizni
Nesillerge aytırsız...

Siz mıtlaqa qaytacaqsız», –
Dedi özbek, yutqundı.
Bizge sağılıq tiledi de,
Bir de dua oqudı.

...Biz ölmedik, yigit oldıq,
Oqudıq, soñ evlendik.
Yurtqa qayttıq, evler qurdıq,
Gurbetlikni esledik.

Hatırladıq yaşlıq devrin,
Yahşı-yaman künlerni.
Özbeklerge aş-su için.
Bizler yaptık işlerin.

Dua etip, dedik bizler:
«Qara künler qaytmasın,
Er bir millet mabet-mabet
Öz yurtında yaşasın.

Ev quracaq olsa eger,
Öz yurtında ev qursın.
Ormandaki tereklerday
Nesil-nesil ep artsın».

Aqmescit, 1998 s., aprel.

БАГЪЧАСАРАЙ – ХАНСАРАЙ

Багъчасарайны корип, мен
Ойгъа далдым шу заман.
Ханлар баскъан ерлерге мен,
Аякъ бастым яваштан.

Багъчасарай, деп айтылгъан,
Дюнъя бою танылгъан.
Юзьлеп, бинълеп девир сюрген,
Онъгъан, оськен, яшагъан.

Тарихкъа бир назар салсам,
Мырзалар, ханлар олгъан.
Гузель юртта тойлар олгъан,
Шеньленген халкъ, ойнагъан.

Юртта олгъан гузелликке,
Козьлер къарап тоймагъан.
Багъ-багъчанынъ мейвалары,
Бал, шекер, шербет олгъан.

Козьяшындай чокъракъ сувы
Акъя-акъя голь олгъан.
Къызлар, яшлар севишкенлер,
Бир-бирине яр олгъан.

О девирде гузель къызлар
Алтын феслер кийгенлер.
Къамыш киби беллерине
Кумюш къушакъ тиккенлер.

Къызлар севген йигитлерни,
Омюр бою севгенлер.
Урьмет этип акъайларын,
Татлы-мабет юрьгенлер.

BAĞÇASARAY – HANSARAY

Bağçasarayı körüp, men
Oyğa daldım şu zaman.
Hanlar basqan yerlerge men,
Ayaq bastım yavaştan.

Bağçasaray, dep ayılğan,
Dünya boyu tanılğan.
Yüzlep, biñlep devir sürgen,
Oñğan, ösken, yaşağan.

Tarihqa bir nazar salsam,
Mırzalar, hanlar olğan.
Güzel yurttı toylar olğan,
Şeñlengen halq, oynağan.

Yurttı olğan güzellikke,
Közler qarap toymağan.
Bağ-bağçanıñ meyvaları,
Bal, şeker, şerbet olğan.

Közyaşınday çoqraq suvı
Aqa-aqa göl olğan.
Qızlar, yaşlar sevişkenler,
Bir-birine yar olğan.

O devirde güzel qızlar
Altın fesler kiygenler.
Qamış kibi bellerine
Kümüş quşaq tikkenler.

Qızlar sevgen yigitlerni,
Ömür boyu sevgenler.
Ürmet etip aqayların,
Tatlı-mabet yürgenler.

Юртын севген балаларгъа
Ана топракъ кучь берген.
Дюнья корьген эвлядларгъа,
Козьайдын, деп той эткен.

О девирде яшагъанлар,
Гъурбетликни бильмеген.
Гузель юртнынъ къучагъында,
Асретликни корьмеген.

Селям сизге ханлыкъларнынъ
Деврин сюрген эвлядлар.
Мешур олып, дюнья корип,
Юртын севген инсанлар.

Татар адын дюнья билип,
Эшиткенде титреген.
Шу девирни корьген душман,
Куньлер, фурсат беклеген.

Джигитлеринъ аткъа минсе,
Арслан киби туташкъан.
Душманларын башларында
Къылычларны ойнаткъан.

О девирлер халкъым ичюн
Алтын девир сайылсын.
Къалгъан куньлер халкъым ичюн
Къара кунь деп язылсын.

Откен ханлар шуретини
Шаин Герай джоюткъан.
Къазакъларгъа ишангъан о,
Шартнамеге къол къойгъан.

Бирликтедир байлыгъымыз,
Деп къазакълар алдаткъан.



Yurtın sevgen balalarğa
Ana topraq küç bergen.
Dünya körgen evlâdlarğa,
Közaydın, dep toy etken.

O devirde yaşağanlar,
Ğurbetlikni bilmegen.
Güzel yurtnıñ quçağında,
Asretlikni körmegen.

Selâm sizge hanlıqlarnıñ
Devrin sürgen evlâdlar.
Meşur olıp, dünya körüp,
Yurtın sevgen insanlar.

Tatar adın dünya bilip,
Eşitkende titregen.
Şu devirni körgen duşman,
Künler, fursat beklegen.

Cigitleriñ atqa minse,
Arslan kibi tutaşqan.
Duşmanların başlarında
Qılıçlarını oynatqan.

O devirler halqım içün
Altın devir sayılsın.
Qalğan künler halqım içün
Qara kün dep yazılsın.

Ötken hanlar şüretini
Şain Geray coyutqan.
Qazaqlarğa işanğan o,
Şartnamege qol qoyğan.

Birliktedir baylığımız,
Dep qazaqlar aldatqan.

Эки асыр олды чокътан,
Алдангъанлар, алдаткъан.

Къырым деген гузель юртны
Бир афтада от баскъан.
Шу девирден башлап халкъым,
Бойнун бурып, яс туткъан.

Юзлеп, бинълеп халкъ юртындан
Сюргюнликке огърагъан.
Койлер, эвлер от астында*
Яна-яна куль олгъан.

Копи кеткен озь юртындан,
Кяфир душман кетер, деп.
Гъурбетликте беклеп тургъан,
Явур душман олер, деп.

Бир заманлар кучълю олгъан
Юрта кучълер къалмагъан.
Явур душман юртумызда
Къырым халкъын хорлагъан.

Алла берсин, девир кельсин,
Дагъылгъан халкъ топлансын.
Эркин олгъан юртумызда
Несиллер къанатлансын.

Алданмасын кимсе бугунь,
Явур душман къолунда.
Къавий турсын, сарсылмасын,
Миллий куреш ёлунда.

Бугунь бизлер Ватандамыз,
Ач, Ватаным, къучагъынъ,

* Атешлер ичинде. Омрюм ичинде ильк кере Хансарайны корип, ойгъа далып язгъан шиирим.



Eki asır oldı çoqtan,
Aldanğanlar, aldatqan.

Qırım degen güzel yurtı
Bir aftada ot basqan.
Şu devirden başlap halqım,
Boynun burıp, yas tutqan.

Yüzlep, biñlep halq yurtından
Sürgünlikke oğrağan.
Köyler, evler ot astında*
Yana-yana kül olğan.

Köpi ketken öz yurtından,
Kâfir duşman keter, dep.
Ğurbetlikte beklep turğan,
Yavur duşman öler, dep.

Bir zamanlar küçlü olğan
Yurta küçler qalmağan.
Yavur duşman yurtumuzda
Qırım halqın horlağan.

Alla bersin, devir kelsin,
Dağılğan halq toplansın.
Erkin olğan yurtumuzda
Nesiller qanatlınsın.

Aldanmasın kimse bugün,
Yavur duşman qolunda.
Qaviy tursın, sarsılmasın,
Milliy küreş yolunda.

Bugün bizler Vatandaşımız,
Aç, Vatanım, quçağıñ,

* Ateşler içinde. Ömrüm içinde ilk kere Hansaraynı körüp, oyğa dalıp yazğan şiiirim.

Бирлик олып яшайыкъ биз,
Багърынъа бас эвлядынъ.

Чал чалгъыджы Хайтарманы,
Миллет йырлап-ойнасын.
Ватан ичюн, халкъым ичюн,
Янъы девир башлансын.

Тарих олып къалдынъ бизге
Багъчасарай-Хансарай.
Гъурбетликтен къайта халкъым,
Санъа умютлер багълай.

Акъмесджит, 25.02.1994 с.

ХЫДЫРЛЕЗ БАЙРАМЫ

– Хыдырлез де кирип кельди,
Бизим ешилъ адагъа,
Бугунъ байрам, эй, джемаат,
Оюн-кулькю сефагъа! –

Деп маалледен, мааллелерге.
Осман агъа багъыра.
Артындан да, бир топ бала.
Зий-чув олып джувура.

– Койнинъ арты, къыр астында.
Джемаат топланаджакъ.
Къурбан чалып, аш пиширип,
Дуалар окъуладжакъ.

Къалакъайны пиширгенлер.
Бир сырада тураджакъ.
Къалакъайны тыгъырткъан сонъ,
Чалгъы, оюн оладжакъ.



Birlik olıp yaşayıq biz,
Bağrıña bas evlâdın.

Çal çalğıcı Haytarmanı,
Millet yırlap-oynasın.
Vatan için, halqım için,
Yañı devir başlansın.

Tarih olıp qaldın bizge
Bağçasaray-Hansaray.
Ğurbetlikten qayta halqım,
Saña ümütler bağlay.

Aqmescit, 25.02.1994 s.

HIDIRLEZ BAYRAMI

– Hıdırlez de kirip keldi,
Bizim yeşil adağa,
Bugün bayram, ey, cemaat,
Oyun-külkü sefağa! –

Dep maalleden, maallelerge.
Osman ağa bağıra.
Artından da, bir top bala.
Ziy-çuv olıp cuvura.

– Köyniñ artı, qır astında.
Cemaat toplanacaq.
Qurban çalıp, aş pişirip,
Dualar oqulacaq.

Qalaqaynı pişirgenler.
Bir sırada turacaq.
Qalaqaynı tığirtqan soñ,
Çalğı, oyun olacaq.

Ана-баба, бала-чагъа,
Джемаатнен болайыкъ.
Къалмаз бугунъ койде кимсе,
Ойнап-куллоп йырлайыкъ

Мемет чалыр зиль зурнасынъ,
Яя къакъар даресин,
Асан тартар гармошкасын
Нусрет чалыр трубасыны.

Джемаат, мытлакъ озюнъизмен,
Чанакъ, къашыкъ алынъыз!
Къартлар ичюн отурмагъа
Кийиз, тѣшев салынъыз.

Мен де бардым корюшмеге,
Джемаатнен, достларнен
Яшны-къартны хайырладым,
Кирип кельген байрамнен.

Хыдырлезнинъ тарихындан.
Бир къач сѣзлер айтынъыз!
Яшларымыз анъласынълар,
Деди бизге молламыз.

Хыдырлезнинъ тарихындан
Мен де бир къач сѣз айттым.
Миллий байрам олгъаныны.
Яш-явкъагъа анълаттым.

Тебрик сѣзлер биткенинен
Давул, зурна чалынды.
Бала-чагъа, яшлар, къартлар
Ойнамагъа талпынды.

Ana-baba, bala-çağa,
Cemaatnen bolayıq.
Qalmaz bugün köyde kimse,
Oynap-külüp yırlayıq

Memet çalır zil zurnasıñ,
Âya qaçar daresin,
Asan tartar garmoşkasın
Nusret çalır trubasını.

Cemaat, mıtlaq özüñizmen,
Çanaq, qaşıq alıñız!
Qartlar içün oturmağa
Kiyiz, töşev salıñız.

Men de bardım körüşmege,
Cemaatnen, dostlarnen
Yaşnı-qartnı hayırladım,
Kirip kelgen bayramnen.

Hıdırlezniñ tarihından.
Bir qaç sözler aytıñız!
Yaşlarımız añlasıñlar,
Dedi bizge mollamız.

Hıdırlezniñ tarihından
Men de bir qaç söz ayttım.
Milliy bayram olğanını.
Yaş-yavqağa añlattım.

Tebrik sözler bitkeninen
Davul, zurna çalındı.
Bala-çağa, yaşlar, qartlar
Oynamağa talpındı.

Кокте кунеш шавле сачып
Джыллылыкъ багъышлады.
Хыдырлез де джемааткъа
Севги, уют ашлады.

25.04.2014 с.

БААРЪ КЕЛЬДИ

Бааръ кельди, бугунъ байрам,
Эй, гузель къадын-къызлар!
Танърым берсин узун омюр,
Бахтлы, хайырлы яшлар!

Бузлар ирип, ерлер йымшап,
Дагъда къарлар сув олды.
Къара булут ягъмур олып,
Салгъырымны толдурды.

Козъ ташладым яйлаларгъа
Онда олгъан гузеллик
Юзюнъизге келип къонгъан
Шу гузеллик, назиклик.

Бугунъ байрам, гуль кетирдим,
Севгилиме яйладан.
Тиз чёкип мен, седем! – дедим,
Гуллер сепип башындан.

Бу дуйгъулар сизге олсун,
Сёнген чыракъ нурлансын.
Оджакъларда янгъан атеш
Севгим киби тавлансын.

Бааръ кельди ана юрткъа,
Халкъкъа къувет бермеге.
Эй, йигитлер, тотай къызлар,
Севги кельди улькеге.



Kökte küneş şavle saçıp
Cıllılıq bağısladı.
Hıdırlez de cemaatqa
Sevgi, ümüt aşladı.

25.04.2014 s.

BAAR KELDİ

Baar keldi, bugün bayram,
Ey, güzel qadın-qızlar!
Tañrım bersin uzun ömür,
Bahtlı, hayırlı yaşlar!

Buzlar irip, yerler yımşap,
Dağda qarlar suv oldı.
Qara bulut yağmur olup,
Salğırımını toldurdı.

Köz taşladım yaylalarğa
Onda olğan güzellik
Yüzüñizge kelip qonğan
Şu güzellik, naziklik.

Bugün bayram, gül ketirdim,
Sevgilime yayladan.
Tiz çökip men, sevem! – dedim,
Güller sepip başından.

Bu duyğular sizge olsun,
Söngen çıraqlar nurlansın.
Ocaqlarda yanğan ateş
Sevgim kibi tavlansın.

Baar keldi ana yurtqa,
Halqqa quvet bermege.
Ey, yigitler, totay qızlar,
Sevgi keldi ülkege.



Риза Юсуф. 1961 с.

Riza Yusuf. 1961 s.





Мунире Юсуф. 1961 с.

Münire Yusuf. 1961 s.

Яшларымыз эвленсинлер
Бизим гульдай кызларгъа.
Башкъа къанлар къарышмасын
Татарлыккъа, татаргъа!

Эй, къадынлар, валиделер,
Сизге таазим эмен.
Севем сизни чынъ юректен
Къолунъызны опемен!

05.03.1998 с.

КЕРЕКСИНЪ

Сен анагъа керексинъ,
Сен бабагъа керексинъ,
Сен осьмеге керексинъ,
Сен эвленмек керексинъ,
Сен эвлядкъа керексинъ,
Къорантагъа керексинъ,
Сен яшамакъ керексинъ,
Сен чалышмакъ керексинъ,
Сен ойнамакъ керексинъ,
Сен достларгъа керексинъ,
Сен душмангъа керексинъ,
Сой-сопунъа керексинъ,
Сен миллетке керексинъ,
Сен юртунъа керексинъ,
Сен курешмек керексинъ,
Керек олса Ватан ичюн
Джан бермеге керексинъ.

Алушта, 05.03.2002 с.



Yaşlarımız evlensinler
Bizim gülday qızlarğa.
Başqa qanlar qarışmasın
Tatarlıqqa, tatarğa!

Ey, qadınlar, valideler,
Sizge taazim etemen.
Sevem sizni çïñ yürekten
Qoluñızın öpemen!

05.03.1998 s.

KEREKSİÑ

Sen anağa kereksiñ,
Sen babağa kereksiñ,
Sen ösmege kereksiñ,
Sen evlenmek kereksiñ,
Sen evlâdqa kereksiñ,
Qorantağa kereksiñ,
Sen yaşamaq kereksiñ,
Sen çalışmaq kereksiñ,
Sen oynamaq kereksiñ,
Sen dostlarğa kereksiñ,
Sen duşmanğa kereksiñ,
Soy-sopuña kereksiñ,
Sen milletke kereksiñ,
Sen yurtuña kereksiñ,
Sen küreşmek kereksiñ,
Kerek olsa Vatan içün
Can bermege kereksiñ.

Aluşta, 05.03.2002 s.

ДУА ОКЪУ ХАЛКЪЫНЪА

Бугунь иштен эрте къайттым,
Синъирлерим пек тартыкъ.
Пенджеренден тышкъа бакътым,
Ойгъа далдым мен артыкъ.

Юксек эвнинъ талдасында
Осе терек, уфачыкъ,
Онынъ салкъын талдасында
Отура къартанайчыкъ.

Къартанайчыкъ башын тутып,
Терен ойларгъа далгъан.
Бетте олгъан къасветлери
Дерсинъ тынгъан бир туфан.

Эй, байгъушым, не ойлайсынъ,
Не къасеветлер чекесинъ?
Билем, манъа айтмазсынъ сен,
Мен айтайым эписин.

Узакъларда омюр кечти,
Юрт дердинен яшадыкъ.
Бизлер бугунь юртта олып,
Къуванчларгъа зар олдыкъ.

Биз чобансыз къойлар киби,
Къырым бойлап джоюлдыкъ.
Кимсинъ деген киши ёкътыр,
Эр кошеден къувулдыкъ.

Бир вакъытлар комитеттен*
Бирер кягъыт бердилер:

* Докъсанынъджы сенелерининъ башларында сюрдюнлик ерлеринден къырымтатарларны Къырымгъа кочюрюв боюнджа махсус комитетлер мейдангъа кетирилген эди.



DUA OQU HALQIÑA

Bugün işten erte qayttım,
Siñirlerim pek tartıq.
Pencereden tısqa baqtım,
Oyğa daldım men artıq.

Yüksek evniñ taldasında
Öse terek, ufaçıq,
Onıñ salqın taldasında
Otura qartanayçıq.

Qartanayçıq başın tutıp,
Teren oylarğa dalğan.
Bette olğan qasvetleri
Dersiñ tınğan bir tufan.

Ey, bayğuşım, ne oylaysıñ,
Ne qasevetler çekesiñ?
Bilem, maña aytmazsıñ sen,
Men aytayım episin.

Uzaqlarda ömür keçti,
Yurt derdinen yaşadıq.
Bizler bugün yurttā olıp,
Quvançlarğa zar oldıq.

Biz çobansız qoylar kibi,
Qırım boylap coyuldıq.
Kimsiñ degen kişi yoqtır,
Er köşeden quvuldıq.

Bir vaqıtlar komitetten*
Birer kâğıt berdiler:

* Doqsanıñcı seneleriniñ başlarında sürgünlik yerlerinden qırımtatarlarını Qırımğa köçürüv boyunca mahsus komitetler meydanğa ketirilgen edi.

«Тез къайтсанъыз юрткъа сизлер,
Участкалар берирлер...»

Деп чагъырып, бутюн халкъны,
Къозгъап юрткъа догърултты.
Ялан ваде, бош лафларнен
Халкънынъ бойну урулды.

Шимди нидже бизим халкълар
Участкада яшайлар.
Эв къурмагъа пара ёкътыр,
Сувсыз, отсыз агълайлар.

Омрю кыскъа олгъан инсан
Мезарлыкъта комюле.
Омрю узун олгъан къартлар,
Бугунъ сизни ким биле?

Мусульманмыз, эй, юртдашлар,
Ярдым этинъ къартларгъа.
Олар олса миллет ольмез,
Къорай толмаз тарлагъа.

...Къартанайым, сюрт козьяшынъ,
Кимсе алынъ анъламаз.
Бизни бойле алгъа къойгъан
Мурадына еталмаз.

Бу хорлукълар бир кунъ битер,
Перде киби чекилир.
Къырымгъа да бааръ келир,
Кене девран сюрюлир.

Къасветленме, тур къартийим,
Эсир олма алынъа.



«Tez qaytsañız yurtqa sizler,
Uçastkalar berirler...»

Dep çağırıp, bütün halqını,
Qozğap yurtqa doğrulttı.
Yalan vade, boş laflarnen
Halqnıñ boynu uruldı.

Şimdi nice bizim halqlar
Uçastkada yaşaylar.
Ev qurmağa para yoqtır,
Suvsız, otsız ağlaylar.

Ömrü qısqa olğan insan
Mezarlıqta kömüle.
Ömrü uzun olğan qartlar,
Bugün sizni kim bile?

Musulmanmız, ey, yurtdaşlar,
Yardım etiñ qartlarğa.
Olar olsa millet ölmez,
Qoray tolmaз tarlağa.

...Qartanayım, sürt közyaşñı,
Kimse alıñ añlamaz.
Bizni böyle alğa qoyğan
Muradına yetalmaz.

Bu horluqlar bir kün biter,
Perde kibi çekilir.
Qırımğa da baar kelir,
Kene devran sürülir.

Qasvetlenme, tur qartiyim,
Esir olma alña.

Хайыр, ихсан Алладандыр,
Дуа окъу халкъынъа.

Акъмесджит, 1990–1991 сс.

МИЛЛЕТ АКЪКЪЫ

Юрткъа къайткъан миллетимиз
Зорлукъ чекип яшады.
Эв къурмагъа парасы ёкъ,
«Захватларда» отурды.

Агъыр девир, имкяны ёкъ
Ватанда эв къурмагъа.
Ябанджылар ашыкълар
Яхшы ерни сатмагъа.

Укюметтен ферман кельди,
Къоранталы татаргъа
Алтмыш бинъден пара бермек,
Юртта эвлер къурмагъа.

Халкъ къуванып, билек тиреп,
Эв темелин къаздылар.
Бала-чагъа, къарты-яшы
Юректен къувандылар.

Кунълер кечти, айлар кечти,
Ич бир хабер бермейлер.
Пара керек, халкъкъа беринъ,
Дегенде, индемейлер.

Сонъра бильдик, параларны
Ёлбашчылар ишлеткен.
Алыш-вериш ишлеринен,
Халкъ параны ёкъ эткен.



Hayır, ihsan Alladandır,
Dua oqu halqıña.

Aqmescit, 1990–1991 ss.

MİLLET AQQI

Yurtqa qaytqan milletimiz
Zorluq çekip yaşadı.
Ev qurmağa parası yoq,
«Zahvatlarda» oturdı.

Ağır devir, imkânı yoq
Vatanda ev qurmağa.
Yabancılar aşıqlar
Yahşı yerni satmağa.

Ükümetten ferman keldi,
Qorantalı tatarğa
Altmış biñden para bermek,
Yurtta evler qurmağa.

Halq quvanıp, bilek tirep,
Ev temelin qazdılar.
Bala-çağa, qartı-yaşı
Yürekten quvandılar.

Künler keçti, aylar keçti,
İç bir haber bermeyler.
Para kerek, halqqa beriñ,
Degende, indemeyler.

Soñra bildik, paralarını
Yolbaşçılar işletken.
Alış-veriş işlerinen,
Halq paranı yoq etken.

Акъмесджитте банкалардан
Файызларын алгъанлар,
Утанмайып халкъ огюнде
Эйкель киби тургъанлар.

Парам бар, деп ятлар иле
Дост олмагъа тырышкъан.
Озь динини четке ташлап,
Явурларман сырдашкъан.

Эфендилер, сиз кимлерсиз,
Къоркъмайсызмы Аллахтан?!
Миллетимиз чекише де!
Къоркъмайсызмы къахрындан?

Копни корьген бизим миллет
Кимсеге къул олмады.
Эвлер къурды ве къуралар
Тилленджилик япмады.

Халкъым омрю узун олсун,
Онъа даим сукъланам.
Джесюрликмен юртта яшай,
Эр кунь корем, къуванам.

Миллет акъкъын ашагъанлар!
Ич бир вакъыт онъмазсыз.
О дюньягъа кеткен вакъыт
Дженнетке ёл тапмазсыз.

Акъмесджит, 21.11.2000 с.

АКЪЫЗ, АНИФЕ

Акъыз, неден шенъленесинъ,
Тыпкъы яшынь он секиз.
Дудакъларынъ боягъансынъ,
Яшынь «бир къач» он секиз.



Aqmescitte bankalardan
Fayızların alğanlar,
Utanmayıp halq ögünde
Eykel kibi turğanlar.

Param bar, dep yatlar ile
Dost olmağa tırıışqan.
Öz dinini çetke taşlap,
Yavurlarman sırdaşqan.

Efendiler, siz kimlersiz,
Qorqmaysızımı Allahtan?!
Milletimiz çekişe de!
Qorqmaysızımı qahrından?

Köpni körgeñ bizim millet
Kimsege qul olmadı.
Evler qurdı ve quralar
Tillencilik yapmadı.

Halqım ömrü uzun olsun,
Oña daim suqlanam.
Cesürlikmen yurttı yaşay,
Er kün körem, quvanam.

Millet aqqın aşğanlar!
İç bir vaqıt oñmazsız.
O dünyağa ketken vaqıt
Cennetke yol tapmazsız.

Aqmescit, 21.11.2000 s.

AQIZ, ANİFE

Aqız, neden şeñlenesiñ,
Tıpqı yaşıñ on sekiz.
Dudaqlarıñ boyañansiñ,
Yaşıñ «bir qaç» on sekiz.

Янъы антер тиктиргенсинъ,
Этегинъде гъыджвалар.
Юргенинъде окчелеринъ
Ерни опип алалар.

Огълунъ эвли, къыз да бердинъ,
Олдынъ энди къартанай.
Акъайынънынъ ольгенини
Эши-досту хатырлай.

Эльбет, гузель къадынларгъа
Акъайлар чокъ козь ташлай.
Сени корьсем узакътан мен
Юрегим ойнап башлай.

Корьген адам пек сукълана
Эдебинъе, озюнъе.
Торунларынъ осьтюресинъ,
Севип алып элинъе.

Аят дейсинъ, бала-чагъа,
Ана-баба, эш-достлар,
Эв къурасынъ, чалышалар
Сенде яхшы усталар.

Гедже-куньдюз тырмашасынъ
Омюр деген терекке.
Акъшам олса сёз къатмайсынъ
Дюк-дюк ургъан юрекке.

Ашыкълыгъынъ, джесюрлигинъ
Олса керек Аллахтан.
Мен беллесем сенинъ неслинъ
Герайлардан, мырзадан.

Козьлеринъе бакъкъан сайын
Нурлангъанынъ сеземен.



Yañı anter tiktirgensin,
Eteginde ğıcvallar.
Yürgeninde ökçelerini
Yerni öpip alalar.

Oğluñ evli, qız da berdin,
Oldıñ endi qartanay.
Aqayınñın ölgenini
Eşi-dostu hatırlay.

Elbet, güzel qadınlarğa
Aqaylar çoq köz taşlay.
Seni körsem uzaqtan men
Yüregim oynap başlay.

Körgeñ adam pek suqlana
Edebiñe, özüñe.
Torunların östüresin,
Sevip alıp eliñe.

Ayat deysin, bala-çağa,
Ana-baba, eş-dostlar,
Ev qurasın, çalışalar
Sende yahşı ustalar.

Gece-kündüz tırmaşasın
Ömür degen terekke.
Aqşam olsa söz qatmaysın
Dük-dük urğan yürekke.

Aşıqlığın, cesürligini
Olsa kerek Allahtan.
Men bellesem seniñ neslin
Geraylardan, mırzadan.

Közleriñe baqqan sayın
Nurlanğanın sezemen.

Юрегинъде севги отын
Айтмасанъ да, анълайман.

Акъыз, санъа севги етмей,
Гульдай гузель тенинъе.
Къалгъан омрюнъ толу олсун,
Ташла озюнъ севгиге.

Ашыкъ эдим, севген эдим...
Бир вакъытта яшлыкъта.
Санъа текрар севда олдым,
Севги кельди къартлыкъта.

Разы олсанъ корюшейик,
Юреклерни багълайыкъ.
Эгер севсенъ, разы олсанъ,
Бизлер бирге олайыкъ.

Юрегимни санъа ачтым.
Умют этип беклеймен.
Севем, дие хабер берсенъ
Севгинъ иле ольмем мен.

Акъмесджит, 15.04.2000 с.

ЗИЯЛЫЛАР

Юрткъа къайттыкъ, имкян догъды.
Ана тильде окъуймыз.
Яваш-яваш, бирер-бирер
Неслимизни таныймыз.

Бир заманлар ясакъ олгъан
Халкъкъа бильги алмагъа.
Къырымтатар миллетине
Не керек окъумагъа?..



Yüregiñde sevgi otın
Aytmasañ da, añlayman.

Aqız, saña sevgi yetmey,
Gülday güzel teniñe.
Qalğan ömrüñ tolu olsun,
Taşla özüñ sevgige.

Aşırıq edim, sevgen edim...
Bir vaqıtta yaşlıqta.
Saña tekrar sevda oldım,
Sevgi keldi qartlıqta.

Razı olsañ körüşeyik,
Yüreklerni bağlayıq.
Eger sevseñ, razı olsañ,
Bizler birge olayıq.

Yüregimni saña açtım.
Ümüt etip bekleymen.
Sevem, diye haber berseñ
Sevgiñ ile ölmem men.

Aqmescit, 15.04.2000 s.

ZİYALILAR

Yurtqa qayttıq, imkân doğdı.
Ana tilde oquymız.
Yavaş-yavaş, birer-birer
Neslimizni tanıymız.

Bir zamanlar yasaq olğan
Halqqa bilgi almağa.
Qırımtatar milletine
Ne kerek oqumağa?..

Деп явурлар мектеп ачмай,
Халкъны тек чалыштыргъан.
Бильгилиден ыргъат олмаз,
Деген ферман чыкъаргъан.

Имкяны бар о заманда
Медреседе окъугъан.
Тюркиеге барып, окъуп,
Юрткъа келип чалышкъан.

Зиялымыз Гаспралы
Юртта мектеплер ачкъан.
Бүтюн дюнъя халкъларына
Миллетини таныткъан.

Сонъра исе Чобан-заде
Къарасувда догъулгъан.
Тюрк дюнъясы ичерсинде
Буюк бир оджа олгъан.

Ватан ичюн къурбан олгъан
Номан бейни анъамыз.
Эр йыл Акъяр мейданында
«Ант эткенмен...» айтамыз.

Шеит олгъан Озенбашлы,
Къабри бугунь Ватанда.
Джумле миллетперверлерни
Хатырлайлар Къырымда.

Та къадимден шу Къырымда
Пек чокъ зиялы олгъан.
Бизге къалгъан мирасларын
Атешлерде джагъылгъан.

Алим, шаир – джумле эрбап
Миллет ичюн чалышкъан.

Dep yavurlar mektep açmay,
Halqını tek çalıştırğan.
Bilgiliden ırğat olmaz,
Degen ferman çıqarğan.

İmkânı bar o zamanda
Medresede oquğan.
Türkiyege barıp, oqup,
Yurtqa kelip çalışqan.

Ziyalımız Gaspralı
Yurtta mektepler açqan.
Bütün dünya halqlarına
Milletini tanıqtan.

Soñra ise Çoban-zade
Qarasuvda doğulğan.
Türk dünyası içersinde
Büyük bir oca olğan.

Vatan için qurban olğan
Noman beyni añamız.
Er yıl Aqyar meydanında
«Ant etkenmen...» aytamız.

Şeit olğan Özenbaşlı,
Qabri bugün Vatanda.
Cümle milletperverlerni
Hatırlaylar Qırımnda.

Ta qadimden şu Qırımnda
Pek çoq ziyalı olğan.
Bizge qalğan mirasların
Ateşlerde çağılğan.

Alim, şair – cümle erbap
Millet için çalışqan.

«Халкъ душманы» деп явурлар
Чокъларыны джоиткъан.

Ватан ичюн, миллет ичюн
Сизлер къурбан олдынъыз.
Зульмет киби къаранлыкъта
Бизге чыракъ олдынъыз.

Сюргюнликте сизни биле
Ташыдыкъ биз юректе.
Эбедиен яшайджакъсыз
Халкъынъызнынъ къальбинде.

Алушта, 05.03.2002 с.

КҮРЕШ ТОКЪТАМАЙДЖАКЪ

Бизлер юрттан сюргюн олдыкъ
Узакъларгъа Къырымдан.
Эджадымыз шеит олгъан
Асрап бизни явурдан.

Гъурбетликте миллет иле
Асрет олып яшадыкъ.
Аллах берди бизге омюр,
Яшав ичюн тырыштыкъ.

Айлар дегиль, узун йыллар
Озбеклернен яшадыкъ.
Сиз саткъынсыз дегенлерге
Бизлер къулакъ асмадыкъ.

Вакъты келип, бизлер осьтик,
Алымызны анъладыкъ.
Меджлис япып, мейданларда
Аккъымызны сорадыкъ.



«Halq duşmanı» dep yavurlar
Çoqlarını coitqan.

Vatan içün, millet içün
Sizler qurban oldıñız.
Zulmet kibi qaranlıqta
Bizge çıraq oldıñız.

Sürgünlikte sizni bile
Taşdıq biz yürekte.
Ebediyen yaşaycaqsız
Halqıñızniñ qalbinde.

Aluşta, 05.03.2002 s.

KÜREŞ TOQTAMAYCAQ

Bizler yurttan sürgün oldıq
Uzaqlarğa Qırımndan.
Ecdadımız şeit olğan
Asrap bizni yavurdan.

Ğurbetlikte millet ile
Asret olıp yaşadıq.
Allah berdi bizge ömür,
Yaşav içün tırıştıq.

Aylar degil, uzun yıllar
Özbeklernen yaşadıq.
Siz satqınsız degenlerge
Bizler qulaq asmadıq.

Vaqtı kelip, bizler östik,
Alımızni añladıq.
Meclis yapıp, meydanlarda
Aqqımızni soradıq.

Шу девирден башлап, халкътан
Мустафалар чыкътылар.
Ватан ичюн курешкенлер,
Апслерде яттылар.

Меджлислерде сёзге чыкъкъан
Миллетпервер рехберлер
Умютини узыген халкъкъа
Берди янъы умютлер.

Такъдир бизге кулюп бакъты,
Къапалы ёл ачылды.
Миллетимиз аякъланды,
Юрткъа къарап ёл алды.

Кельдик. Бизни йибермейлер,
Эв десенъ, эв сатмайлар.
Къырым бизим, деп айтамыз,
Бизге къулакъ салмайлар.

Явурларман талашамыз,
Пикетлерде турамыз.
Акъмесджитнинъ ортасында
Чадыр-кентлер къурамыз.

Гедже-кунъдюз бала-чагъа
Чадыр-кентте яшадыкъ.
Алты айлыкъ пикеттен сонъ
Ташлы топракълар алдыкъ.

Болип берген ташлы ерде
Къую къазсанъ суву ёкъ.
Эв темелин къазгъан вакъыт
Ташы чыкъа топракъ ёкъ.

Не олса да джесюр халкъым
Белин сыкъып багълады.

Şu devirden başlap, halqtan
Mustafalar çıqtılar.
Vatan için küreşkenler,
Apslerde yattılar.

Meclislerde sözge çıqqan
Milletperver rehberler
Ümütini üzgen halqqa
Berdi yañı ümütler.

Taqdir bizge külüp baqtı,
Qapalı yol açıldı.
Milletimiz ayaqlandı,
Yurtqa qarap yol aldı.

Keldik. Bizni yibermeyler,
Ev deseñ, ev satmaylar.
Qırım bizim, dep aytamız,
Bizge qulaq salmaylar.

Yavurlarman talaşamız,
Piketlerde turamız.
Aqmescitniñ ortasında
Çadır-kentler quramız.

Gece-kündüz bala-çağa
Çadır-kentte yaşadıq.
Altı aylıq piketten soñ
Taşlı topraqlar aldıq.

Bölip bergen taşlı yerde
Quyu qazsañ suvu yoq.
Ev temelin qazğan vaqıt
Taşı çıqa topraq yoq.

Ne olsa da cesür halqım
Belin sıqıp bağladı.

Эвлер кѣурды, джами кѣурды,
Кѣайта баштан джанланды.

Халкѣым яшай, куреш кете,
Ниетимиз аз дегиль.
Ватан ичюн курешкенлер
Сафымыз да аз дегиль.

Юртта эркин олмакѣ ичюн
Курешлер токѣтамайджакѣ.
Бутюн дюнѣя ярдым кѣолун
Бизге узатаджакѣ.

Акѣмесджит, 12.12.2001 с.

СЕРБЕСТЛИКНИ ДЖАНЫМ ИСТЕЙ

Сербестликни джаным истей,
Гедже-кунѣдюз ойлайман.
Ватанымнынѣ бахтлы омрюн,
Алладан мен сорайман.

Бизим Кѣырым гузель юрт ки,
Бу дюнѣяда бир дане
Дженнет десем янѣлыш олмаз,
Гузеллиги – эфсане.

Бу дженнетте деделеримиз,
Гузель омюр кечирген.
Озѣ юртунда сербест яшап,
Джесюр эвлят осьтюрген.

О девирлер энди тарих,
Башкѣа кѣайтып кельмейджек
Эркин халкѣым озѣ юртунда,
Асретликни чекмейджек.



Evler qurdı, cami qurdı,
Qayta baştan canlandı.

Halqım yaşay, küreş kete,
Niyetimiz az degil.
Vatan için küreşkenler
Safımız da az degil.

Yurtta erkin olmaq için
Küreşler toqtamaycaq.
Bütün dünya yardım qolun
Bizge uzatacaq.

Aqmescit, 12.12.2001 s.

SERBESTLİKNİ CANIM İSTEY

Serbestlikni canım istey,
Gece-kündüz oylayman.
Vatanımniñ bahtlı ömrün,
Alladan men sorayman.

Bizim Qırım güzel yurt ki,
Bu dünyada bir dane
Cennet desem yañlış olmaz,
Güzelliği – efsane.

Bu cennette dedelerimiz,
Güzel ömür keçirgen.
Öz yurtunda serbest yaşap,
Cesür evlât östürgen.

O devirler endi tarih,
Başqa qayıp kelmeycek
Erkin halqım öz yurtunda,
Asretlikni çekmeycek.



Риза Юсуф. Ялта. «Юбилейный» концерт залы. 1993 г.
Riza Yusuf. Yalta. «Yubileyniy» kontsert zalı. 1993 s.





Концертнен соң. Къырымтатар академик театри. 1994 с.

Риза Юсуф театрининъ баш дирижёръ.

Kontsertnen soñ. Qırım tatar akademik teatri. 1994 s.

Rıza Yusuf teatrinin baş dirijörü.

Сербестликни джаным истей,
Олса экен шу саат.
Юрек сызлай, гонъюм таша,
Табалмайман бир фурсат.

Озь юртунда сербест яшай
Туркмен, къазах, озбеклер.
Сербестликни бизге бермей
Юртта олгъан копеклер.

Эр кунь саба танъ аткъанда,
Халкъым корип йырлайман.
Иджретликте ольгенлерни,
Хатырласам, агълайман.

Эрте танъда мен уянам,
Къушлар сесин эшитем.
Миллетимнинъ сербестлигин,
Козъ алдына кетирем.

Алла берген омюр бите,
Гонъюль исе къартаймай.
Сербестликни коръсем экен,
Эсим башым джойытмай.

Менмен кетсин къара кунълер,
Бизим гузель Къырымдан.
Танърым асра миллетими,
Къаранлыкътан зулумдан.

Умют иле мен кетермен,
Коръмей бахтлы олгъанын.
Ватанымда гузель халкъым,
Сербестликке чыкъкъанын.

Кене айтсам, сенден гузель,
Ульке ёкътыр, Ватаным.



Serbestlikni canım istey,
Olsa eken şu saat.
Yürek sızlay, gönlüm taşa,
Tabalmayman bir fursat.

Öz yurtunda serbest yaşay
Turkmen, qazah, özbekler.
Serbestlikni bizge bermey
Yurtta olğan köpekler.

Er kün saba tañ atqanda,
Halqım körüp yırlayman.
İcretlikte ölgenlerni,
Hatırlasam, ağlayman.

Erte tañda men uyanam,
Quşlar sesin eşitem.
Milletimniñ serbestligin,
Köz aldına ketirem.

Alla bergen ömür bite,
Göñül ise qartaymay.
Serbestlikni körsem eken,
Esim başım coyıtmay.

Menmen ketsin qara künler,
Bizim güzel Qırımıdan.
Tañrım asra milletimi,
Qaranlıqtan zulumdan.

Ümüt ile men ketermen,
Körmey bahtlı olğanın.
Vatanımda güzel halqım,
Serbestlikke çıqqanın.

Kene aytsam, senden güzel,
Ülke yoqtır, Vatanım.

Сенинъ ташынъ, топрагъынъда,
Олсун меним мезарым.

Акъмесджит, 09.10.2001 с.

ИЛЪЯС ДЕДЕМ*

Яшлыгъымда чокъ эшиттим
Дедем къайдан кельгенинъ.
Эвлядларынъ бахтны корьмей,
Къасевет чекип ольгенинъ.

Илъяс дедем Истанбулдан
Келип, юрттан къыз алгъан.
Балларына баш олгъан да,
Девир сюрген, яшагъан...

Бий-эли кой – гузель койчик,
Къырлар, тавлар арасы.
Темиз олгъан койден акъкъан
Чокъракъ суву, авасы.

Койнинъ халкъы шенъ яшагъан,
Бир-биринен къонушкъан.
Бою еткен йигит, къызлар
Эвлегенлер, тойлашкъан.

Большевиклер кельмегендже
Сынъырлар ачыкъ олгъан.
Юрткъа совет кельгенден сонъ
Сынъырлар да къапалгъан.

* Бу ширни Н. Челебиджихан азретлерининъ хатыра кунюне багъышладым. Ольгенлернинъ ери дженнетте олсун. 1783 сенеси Русие Къырымны басып алгъан сонъ бинълернен кырымтатарлар Романия, Тюркиеге кочип кеткенлер.



Seniñ taşın, toprağıñda,
Olsun menim mezarım.

Aqmescit, 09.10.2001 c.

İLYAS DEDEM*

Yaşlığımda çoq eşittim
Dedem qaydan kelgeniñ.
Evlâdların bahtnı körmey,
Qasevet çekip ölgeniñ.

İlyas dedem İstanbuldan
Kelip, yurttan qız alğan.
Ballarına baş olğan da,
Devir sürgen, yaşağan...

Biy-eli köy – güzel köyçik,
Qırlar, tavlar arası.
Temiz olğan köyden aqqan
Çoqraq suvu, avası.

Köyniñ halqı şeñ yaşağan,
Bir-birinen qonuşqan.
Boyu yetken yigit, qızlar
Evlegenler, toylaşqan.

Bolşevikler kelmegence
Sınırlar açıq olğan.
Yurtqa sovet kelgenden soñ
Sınırlar da qapalğan.

* Bu şiirni N. Çelebicihan azretleriniñ hatıra kününe bağışladım. Ölgenlerniñ yeri cennette olsun. 1783 senesi Rusiye Qırımını basıp alğan soñ biñlernen qırımtatarlar Romaniya, Türkiyege köçip ketkenler.

Советлернен зулум кельген,
Ильяс дедем ашыккъан.
Тюркиеге кетемиз, деп
Сой-сопуны чагъырткъан.

Нидже-нидже мектюп язгъан
Къырымдан о, Москвагъа.
Йыллар кече, къысмет олмай
Андан джевап алмагъа.

Он йылдан сонъ рухсет кельген
Русиеден, Москвадан.
Ильяс дедем коралмады,
Кетти фаний дюньядан.

Огъланлары топлангъанлар
Ильяс дедем эвинде.
«Тюркиеге халкълар кете,
Невбет кельди бизге де...».

Деп эмджемлер анълаткъанлар,
Бабам разы олмагъан.
Себепчиси анам олгъан,
Балларыны ойлагъан.

Бабам ады Юсуф олгъан,
Орта бойлу къара къаш.
Табиатча гъает юваш,
Бабам бизге олгъан баш.

Дженк башланды. Биз яш эдик.
Бабам дженкке ёлланды.
Дёрт баланен анам къалды,
Бабам дженктен къайтмады.

Дайымларны ве бабамны
Коръмек къысмет олмады.



Sovetlernen zulüm kelgen,
İlyas dedem aşıqqan.
Türkiyege ketemiz, dep
Soy-sopunı çağırtqan.

Nice-nice mektüp yazğan
Qırımıdan o, Moskvağa.
Yıllar keçe, qısmet olmay
Andan cevap almağa.

On yıldan soñ ruhset kelgen
Rusiyeden, Moskvadan.
İlyas dedem köralmadı,
Ketti faniy dünyadan.

Oğlanları toplanğanlar
İlyas dedem evinde.
«Türkiyege halqlar kete,
Nevbet keldi bizge de...».

Dep emcemler añlatqanlar,
Babam razı olmağan.
Sebepçisi anam olğan,
Ballarını oylağan.

Babam adı Yusuf olğan,
Orta boylu qara qaş.
Tabiatça ğayet yuvaş,
Babam bizge olğan baş.

Cenk başlandı. Biz yaş edik.
Babam cenkke yollandı.
Dört balanen anam qaldı,
Babam cenkten qaytmadı.

Dayımlarnı ve babamnı
Körmek qısmet olmadı.

Коп арадым, койдешлерден
Корьген киши олмады.

Гъурбетликте ачлыкъ корьдим,
Бинълеп халкъым ольгенни.
Агъаларым, къардашларым
Бу дюньядан кеткенинъ.

Сюргюнликке айдалгъанда
Бешке толмагъан яшым.
Къыркъ беш йылдан сонъ къайтаман,
Акъ сач толу шу башым.

Алла манъа омюр берген,
Гъурбетликтен къайтсын, деп.
Озь юртунда яшасын да,
Деде юртны корьсин деп.

Мен юрттаман, азмы-чокъмы
Хызмет этем халкъыма.
Аркъадашым, эвлядларым
Къувет бере джаныма.

Девир кельди, атландым мен
Деде юртым корьмеге.
Истанбулгъа ёл алдым мен,
Барып седжде этмеге.

Учакъ келип ерге къонды,
Истанбулгъа сабадан.
Тюрк дияры багърын ачты,
Хош кельдинъ де, Къырымдан.

Къайда бакъсам мусульманлар,
Дин къардашлар, тувгъанлар.
Минарелер узангъанлар,
Кокни опип туралар.



Köp aradım, köydeşlerden
Körgeñ kişi olmadı.

Ğurbetlikte açlıq kördim,
Biñlep halqım ölgenni.
Ağalarım, qardaşlarım
Bu dünyadan ketkeniñ.

Sürgünlikke aydalğanda
Beşke tolmağan yaşıım.
Qırq beş yıldan soñ qaytaman,
Aq saç tolu şu başım.

Alla maña ömür bergen,
Ğurbetlikten qaytsın, dep.
Öz yurtunda yaşasın da,
Dede yurtı körsin dep.

Men yurttaman, azmı-çoqmı
Hızmet etem halqıma.
Arqadaşım, evlâdlarım
Quvet bere canıma.


Devir keldi, atlandım men
Dede yurtım körmege.
İstanbulğa yol aldım men,
Barıp secde etmege.

Uçaq kelip yerge qondı,
İstanbulğa sabadan.
Türk diyarı bağrın açtı,
Hoş keldiñ de, Qırımıdan.

Qayda baqsam musulmanlar,
Din qardaşlar, tuvğanlar.
Minareler uzanğanlar,
Kökni öpip turalar.



*И. Бахшишининъ рехберлигинде «Насреддин оджа»
спектакльнинъ репетициясы вакътында. 1991 с.
İ. Bahşışınî rehberliğinde «Nasreddin oca» spektaklîñ
repetitsiyası vaqtında. 1991 s.*



Р. Юсуф санада. 1992 с.
R. Yusuf sanada. 1992 s.

Корип, энди, мен анъладым,
Ильяс дедем къальбини.
Тюрк девлети – буюк девлет,
Мусульманлыкъ мекаяны.

Эки асыр эвель мында
Кельген къырымтатарлар.
Тюркиеге сыгъынгъанлар,
Мында къысмет тапкъанлар.

Бугунь энди девир отип,
Учь-дёрт миллион олгъанлар.
Тюрк татары олып къалгъан
Бизим къырымтатарлар.

Кельген кунюм мен джамиге
Бардым, имам къатына.
Агълап айттым юрегимде
Олгъан дертни янында.

Ольгенлерге Ясин окъуп,
Рахмет кетир, деп айттым.
Абдест алып намаз къылдым,
Таазим эттим де, къайттым.

Ильяс дедем догъып оськен,
Юртунда да олдым мен.
Алтымыш яшкъа еткенимде
Мурадыма еттим мен.

Бу языны окъугъангъа
Алла сагълыкъ, кучъ берсин.
Шеит кеткен сой-сопуна
Къол джайып дуа этсин.

23.02.1999 с.



Köröp, endi, men aňladım,
İlyas dedem qalbini.
Türk devleti – büyük devlet,
Musulmanlıq mekânı.

Eki asır evel mında
Kelgen qırımtatarlar.
Türkiyege sığınğanlar,
Mında qısmet tapqanlar.

Bugün endi devir ötip,
Üç-dört million olğanlar.
Türk tatarı olıp qalğan
Bizim qırımtatarlar.

Kelgen künüm men camige
Bardım, imam qatına.
Ağlap aytım yüregimde
Olğan dertni yanında.

Ölgenlerge Yasin oqup,
Rahmet ketir, dep aytım.
Abdest alıp namaz qıldım,
Taazim ettim de, qayttım.

İlyas dedem doğıp ösken,
Yurtunda da oldım men.
Altmış yaşqa yetkenimde
Muradıma yettim men.

Bu yazını oquğanğa
Alla sağlıq, küç bersin.
Şeit ketken soy-sopuna
Qol cayıp dua etsin.

23.02.1999 s.

АЛУШТАГЪА ЁЛ АЛДЫМ

Гъурбетликтен къайтып келип,
Къырым бойлап кезмедим.
Ерлешмемиз къыйын олды,
Дагъын, чёлюн корьмедим.

Не олса да, вакъты келип,
Алуштагъа ёл алдым.
Къара денъиз этегинде
Эм къувандым, эм яндым.

Беш-он къатлы эвлер толгъан,
Пансионатлар къурулгъан.
Бизим эвлер, мезарлыкълар
Тоз этилип саврулгъан.

Къайда бизим къартбабалар,
Марамалы битайлар
Антерлери, феси алтын
Ал янакълы тотайлар?

Алушталы къарт деделер
Къырда бостан асрагъан,
Таш чыкъарып, топракъ ташып,
Чокъракъ сувман суваргъан.

Девир кете, омюр оте,
Яшав шундан ибарет.
Къартлар кете, несиль келе,
Аллахкъа тек эманет.

Козюм тюшти бир эвчикке,
Ёлу таштан ясалгъан.
Дженктен эвель бу эвчикте
Бельки, татар яшагъан.



ALUŞTAĞA YOL ALDIM

Ğurbetlikten qayıtp kelip,
Qırım boylap kezmedim.
Yerleşmemiz qıyın oldı,
Dağın, çölün körmedim.

Ne olsa da, vaqtı kelip,
Aluştağa yol aldım.
Qara deñiz eteginde
Em quvandım, em yandım.

Beş-on qatlı evler tolğan,
Pansionatlar qurulğan.
Bizim evler, mezarlıqlar
Toz etilip savrulğan.

Qayda bizim qartbabalar,
Maramalı bitaylar
Anterleri, fesi altın
Al yanaqlı totaylar?

Aluştalı qart dedeler
Qırda bostan asrağan,
Taş çıkarıp, topraq taşıp,
Çoqraq suvman suvarğan.

Devir kete, ömür öte,
Yaşav şundan ibaret.
Qartlar kete, nesil kele,
Allahqa tek emanet.

Közüm tüşti bir evçikke,
Yolu taştan yasalğan.
Cenkten evel bu evçikte
Belki, tatar yaşağan.

Дуварлары эшилген де
Кираметлер чатлагъан
Азбардаки тереклерин
Копи къурып йыкъылгъан.

Кунь бою мен машинада
Алуштаны доландым,
Уйле вакъыт тарет алып
Ясин дуа окъудым.

Намаз къылар экеним мен,
Аллахыма ялвардым:
Ольгенлерге рахмет эйле,
Сагъларгъа сен яп ярдым.

Алушта, 25.02.2002 с.

ЯНЪЫ АСЫР АРФЕСИНДЕ

Джан-юректен хайырлайман
Янъы йылнен достларны.
Узакъ омюр, сагълыкъ тилеп,
Къолун опем къартларнынъ.

Ватаным, деп омюр бою,
Япракъ киби сарардыкъ.
Танърым берсе бере экен,
Гъурбетликтен къутулдыкъ.

Эр бир инсан озь юртунда
Къасевет, дертлер чекмесин.
Хорлукъ чекти меним халкъым,
Энди зулум корьмесин.

Гъурбетликте яшлыкъ отти,
Чокъ бекледик девирни.



Duvarları eşilgen de
Kirametler çatlağan
Azbardaki tereklerin
Köpi qurıp yıqılğan.

Kün boyu men maşınada
Aluştanı dolandım,
Üyle vaqıt taret alıp
Yasin dua oqudım.

Namaz qılar ekenim men,
Allahıma yalvardım:
Ölgenlerge rahmet eyle,
Sağlarga sen yap yardım.

Aluşta, 25.02.2002 s.

YAÑI ASIR ARFESİNDE

Can-yürekten hayırlayman
Yañı yılınen dostlarını.
Uzaq ömür, sağlıq tilep,
Qolun öpem qartlarını.

Vatanım, dep ömür boyu,
Yapraq kibi sarardıq.
Tañrım berse bere eken,
Ğurbetlikten qutuldıq.

Er bir insan öz yurtunda
Qasevet, dertler çekmesin.
Horluq çekti benim halqım,
Endi zulum körmesin.

Ğurbetlikte yaşlıq ötti,
Çoq bekledik devirni.

Куню келип юрткъа къайттыкъ,
Хатырлайман сизлерни.

Юрта олгъан юрдашларгъа
Таазим этем къол берип,
Отъкен куреш ёлларына
Кок байракълар котерип.

Тышта къалгъан семетдешлер,
Биз сизлерни беклеймиз.
Асретликнинъ куню бите,
Ёллардан козь узьмеймиз.

Миллет яшай узакъларда,
Дюнъя бойлап даркъалып.
Заман башкъа девир кельди,
Къайтынъ юрткъа къуванып.

Сиз кельген сонъ чокълашырмыз,
Янъы кучъке толармыз.
«Ватан бизим, топракъ бизим», –
Деп бирликте йырлармыз.

«Олды энди чекишкени
Асырларман халкъымнынъ.
Биз инсанмыз, биз миллетмиз,
Сахибимиз Къырымнынъ...», –

Деп юртта биз багъыргъанда
Дюнъя бизни эшитсин.
Мерхаметли девлетлер де
Ярдым къолун узатсын.

Севем халкъым, Ватанымнынъ
Чёлюн, дагъын, денъизин.
Джамилерде яшы-къарты
Къылгъанларда намазын.



Künü kelip yurtqa qayttıq,
Hatırlayman sizlerni.

Yurta olğan yurtdaşlarğa
Taazim etem qol berip,
Ötken küreş yollarına
Kök bayraqlar köterip.

Tısta qalğan semetdeşler,
Biz sizlerni bekleyimiz.
Asretlikniñ künü bite,
Yollardan köz üzmeymiz.

Millet yaşay uzaqlarda,
Dünya boylap darqalıp.
Zaman başqa devir keldi,
Qaytñ yurtqa quvanıp.

Siz kelgen soñ çoqlaşırımız,
Yañı küçke tolarmız.
«Vatan bizim, topraq bizim», –
Dep birlikte yırlarmız.

«Oldı endi çekişkeni
Asırlarman halqımniñ.
Biz insanımız, biz milletimiz,
Sahibimiz Qırımniñ...», –

Dep yurtta biz bağırğanda
Dünya bizni eşitsin.
Merhametli devletler de
Yardım qolun uzatsın.

Sevem halqım, Vatanımniñ
Çölün, dağın, deñizin.
Camilerde yaşı-qartı
Qılğanlarda namazın.

Янъы йылда бахтлы куньлер
Бизден иракъ олмасын.
Эр бир инсан, эр къоранта
Бахтлы олып яшасын.

Акъмесджит, 29.12.1999 с.

НАЗЛАНМА

Гузеллернинъ ичинде сен чокъ гузельсинъ,
Гуль багъында сен бир назик, назлы гульсинъ.
Сени корьген санъа бакъып козь узалмай,
Ашыкъ олып, сархошланып, сёз тапалмай.

Багълама:

Чокъ назланма, назланма,
Сёз бер манъа, алдатма.
Севда олдым сызлатма,
Атешлерде сен якъма.

Гузеллигинъ биле турып, назланасын,
Атешинъде янгъанларгъа кылынасын.
Ашыкъ олдым сени корип, эй, гузелим,
Сёз бермесенъ манъа гузель, мен нейлерим.

Багълама:

Чокъ назланма, назланма,
Сёз бер манъа, алдатма.
Севда олдым, сызлатма,
Атешлерде сен якъма.

Халкъта олгъан бир адет бар, сен билесинъ.
Севген кыызгъа къуда ёллап, кыыз сорайсынъ.
Эгер сизден бош къайтсалар къудаларым.
Джигитим мен, сени алып тез къачарым.



Yañı yılda bahtlı künler
Bizden iraq olmasın.
Er bir insan, er qoranta
Bahtlı olıp yaşasın.

Aqmescit, 29.12.1999 s.

NAZLANMA

Güzellerniñ içinde sen çoq güzelsin,
Gül bağında sen bir nazık, nazlı gülsiñ.
Seni körgeñ saña baqıp köz üzalmay,
Aşıq olıp, sarhoşlanıp, söz tapalmay.

Bağlama:

Çoq nazlanma, nazlanma,
Söz ber maña, aldatma.
Sevda oldım sızlatma,
Ateşlerde sen yaqma.

Güzelligiñ bile turıp, nazlanasın,
Ateşiñde yanğanlarğa qılınasın.
Aşıq oldım seni körüp, ey, güzelim,
Söz bermeseñ maña güzel, men neylerim.

Bağlama:

Çoq nazlanma, nazlanma,
Söz ber maña, aldatma.
Sevda oldım, sızlatma,
Ateşlerde sen yaqma.

Halqta olğan bir adet bar, sen bilesiñ.
Sevgen qızğa quda yollap, qız soraysıñ.
Eger sizden boş qaytsalar qudalarım.
Cigitim men, seni alıp tez qaçarım.

Багълама:

Чокъ назланма, назланма
Сёз бер магъа алдатма.
Севда олдым сызлатма,
Атешлерде сен якъма.

Акъмесджит, 21.04.2001 с.

ЮРЕГИМ ЯНА

Кетти ярем, кетти менден айырылып,
Янъгъыз къалдым, сельби киби сарарып.
Асретликтен оксюз киби агълайман
Аначыгъым, энди нелер япарман.

Багълама:

Яна юрек, севгиден яна
Гонълум аза, севги деп яна.
Бу мусибет, такъдирми манъа
Азапларны чектим де ана.

Хатырмайман, «севем, джаным» дегенинъ,
Севем дие къоларымны опыкенинъ.
Бар сесинъмен севем, севем дегенинъ
Омрюнъни меннен багъла дегенинъ.

Багълама:

Яна юрек, севгиден яна
Гонълум аза, севги деп яна.
Бу мусибет, такъдирми манъа
Азапларны чектим де ана.

Бу дюньяда нейлерим, сен олмасанъ
Ашкъым, бахтым ёкъ олур, сен кельмесенъ.
Меним ичюн, кунъ ярыгъы тунъ олды,
Сен кельмесенъ, демек яренъ куль олды.



Bağlama:

Çoq nazlanma, nazlanma
Söz ber mağa aldatma.
Sevda oldım sızlatma,
Ateşlerde sen yaqma.

Aqmescit, 21.04.2001 s.

YÜREGİM YANA

Ketti yarem, ketti menden ayrılıp,
Yañğız qaldım, selbi kibi sararıp.
Asretlikten öksüz kibi ağlayman
Anaçığım, endi neler yaparman.

Bağlama:

Yana yürek, sevgiden yana
Gönlüm aza, sevgi dep yana.
Bu müsibet, taqdirmi maña
Azaplarını çektim de ana.

Hatırmayman, «sevem, canım» degeniñ,
Sevem diye qolarımını öpkeniñ.
Bar sesiñmen sevem, sevem degeniñ
Ömrüñni mennen bağla degeniñ.

Bağlama:

Yana yürek, sevgiden yana
Gönlüm aza, sevgi dep yana.
Bu müsibet, taqdirmi maña
Azaplarını çektim de ana.

Bu dünyada neylerim, sen olmasañ
Aşqım, bahtım yoq olur, sen kelmeseñ.
Menim içün, kün yarığı tuñ oldı,
Sen kelmeseñ, demek yareñ kül oldı.

Багълама:
Яна юрек, севгиден яна
Гонълуюм аза, севги деп яна
Бу мусибет, такъдирми манъа
Азапларны чектим де ана.

15.08.2014 с.

СИЗГЕ СЕЛЯМ КЕТИРДИМ МЕН

(Романия татарларына)

Сизге селям кетирдим мен,
Чынъ къальбимден, юректен.
Кельдим сизге узакътан мен,
Къырым деген улькеден.

Селям берем ватандашлар,
Къырымтатар халкъындан.
Сизлер, бизлер олсакъ керек,
Бир анадан, тамырдан.

Къырым, юртым, деп чокъ йыллар,
Къартбабалар агълашкъан.
Меджбур олдыкъ биз къачмагъа,
Кяфирликтен, беиядан.

Къач несиллер мерхум олгъан,
Юрттан хабер алмайып.
Асретликтен къартлар ольген,
Догъгъан юртын корьмейип.

Сиз несильсиз юрттан кельген,
Асретликтен агълагъан.
Деде киби кунъ беклейип,
Сабыр сорап отургъан.



Bağlama:

Yana yürek, sevgiden yana
Gönlüm aza, sevgi dep yana
Bu müsibet, taqdirmi maña
Azaplarını çektim de ana.

15.08.2014 s.

SİZGE SELÂM KETİRDİM MEN

(Romaniya tatarlarına)

Sizge selâm ketirdim men,
Çıñ qalbimden, yürekten.
Keldim sizge uzaqтан men,
Qırım degen ülkeden.

Selâm berem vatandaşlar,
Qırımtatar halqından.
Sizler, bizler olsaқ kerek,
Bir anadan, tamırdan.

Qırım, yurtım, dep çoq yıllar,
Qartbabalar ağlaşqan.
Mecbur oldıq biz qaçmağa,
Kâfirlikten, belâdan.

Qaç nesiller merhum olğan,
Yurttan haber almayıp.
Asretlikten qartlar ölgen,
Doğğan yurtın körmeyip.

Siz nesilsiz yurttan kelgen,
Asretlikten ağlaşan.
Dede kibi kün bekleyip,
Sabır sorap oturğan.

Биз де сиздай, ярым асыр,
Асрет олып яшадыкъ
Къырым деген гузель юртны
Гедже-куньдюз оиладыкъ.

Совет деген туздим бугунь,
Ер юзюнден джойылды.
Коп миллетлер юрты ара,
Къырым юрты корюльди.

Сюргюнликте олгъан халкъым,
Тез-тез арткъа ёл алды.
Асрет олгъан юртында о
Багърынъ ачып къуванды.

Ватан агълай, халкъ агълай,
Хорлукъ чеккен оксюздай.
Корьген киши бу алларны
Озюн тутып туралмай.

Бири сорап кой къыдыра
Бири деде мезарын.
Бири агълап эв къыдыра,
Къолгъа алып эвлядын.

Не олса да бугунь халкъым,
Азмы, чокъмы Ватанда.
Эвлер къурып, эвлят корип,
Девир сюръсин юртында.

Алла берди ёл ачылды,
Баба-деде юртына.
Дюнъя бойлап, догъып оськен,
Къырымтатар халкъына.

Озь козюмен корьдим бугунь,
Чокъ девирлер беклейип.



Biz de sizday, yarım asır,
Asret olıp yaşadığ
Qırım degen güzel yurtını
Gece-kündüz oyladıq.

Sovet degen tuzdim bugün,
Yer yüzünden coyıldı.
Köp milletler yurtı ara,
Qırım yurtı körüldi.

Sürgünlükte olğan halqım,
Tez-tez artqa yol aldı.
Asret olğan yurtında o
Bağrıñ açıp quvandı.

Vatan ağlay, halq ağlay,
Horluq çekken öksüzday.
Körgeñ kişi bu allarnı
Özün tutıp turalmay.

Biri sorap köy qıdırı
Biri dede mezarın.
Biri ağlap ev qıdırı,
Qolğa alıp evlâdın.

Ne olsa da bugün halqım,
Azımı, çoqımı Vatanda.
Evler qurıp, evlât körip,
Devir sürsin yurtında.

Alla berdi yol açıldı,
Baba-dede yurtına.
Dünya boylap, doğıp ösken,
Qırımtatar halqına.

Öz közümen kördim bugün,
Çoq devirler bekleyip.

Романиядан таптым сизни,
Джоша гонълюм къуванып.

Шаир болып, эльчи олсам,
Дюнъя бойлап багъырсам.
Ер юзюнде олгъан халкъым,
Озь юртуна чагъырсам.

Сонъра бизлер юртымызда,
Кучъ топласакъ бирлешип.
Юртта олгъан кяфирлерин,
Къувсакъ бизлер ерлешип.

Ябанларгъа нафрет айтам,
Бутюн халкъым намындан.
Бизлер корьген хорлыкъларны
Олар корьсин Алладан.

Келир девир сиз къайтарсыз.
Баба-деде юртына.
Къурбан чалып багъышларсыз
Ольгенлернинъ джанына.

Кельдим сизге узакътан мен,
Къырым деген улькеден.
Сизге селям кетирдим мен,
Чынъ къальбимден, юректен.

Акъмесджит, 10.04.1997 с.

ОМЮРИНЪНИ КЪЙДИРДИНЪ

Гъурбетликте бойгъа етип,
Къанымыз къайнагъанда
Ана, баба, тувгъанларгъа
Къулакъ салдыкъ айткъанда.



Romaniyadan taptım sizni,
Coşa gönlüm quvanıp.

Şair bolıp, elçi olsam,
Dünya boylap bağırsam.
Yer yüzünde olğan halqım,
Öz yurtuna çağırsam.

Soñra bizler yurtımızda,
Küç toplasaq birleşip.
Yurtta olğan kâfirlerin,
Quvsaq bizler yerleşip.

Yabanlarğa nafret aytam,
Bütün halqım namından.
Bizler körge horlıqlarını
Olar körsin Alladan.

Kelir devir siz qaytarsız.
Baba-dede yurtına.
Qurban çalıp bağışlarsız
Ölgenlerniñ canına.

Keldim sizge uzaqdan men,
Qırım degen ülkeden.
Sizge selâm ketirdim men,
Çıñ qalbimden, yürekten.

Aqmescit, 10.04.1997 s.

ÖMÜRİÑNİ KÜYDİRDİÑ

Ğurbetlikte boyğa yetip,
Qanımız qaynağanda
Ana, baba, tuvğanlarğa
Qulaq saldıq aytqanda.

Эльхамдулилля мусульманмыз
Догъру ёлдан юринъиз.
Бу дюнъяда бизлер азмыз
Татар аиле къурынъыз.

Башкъа къанлар къарышмасын
Оладжакъ эвлятларгъа.
Биз кетермиз, вакъты келип
Къулакъ салынъ къартларгъа.

Бизлер алгъан тербиени
Омрюмизде къулландыкъ.
Эвлениджек олгъанда биз
Татар къызны къыдырдыкъ.

Биз ананънен яш экенде
Севги иле эвленидик
Алла берсе ана, баба,
Олурмыз деп бекледик.

Куню келип баба олдым,
Огълан коръдик мырзадай.
Къартананъман ананъ эвде
Осьтюрдилер чечекдай.

Аман-аман, беш йыл отъмей,
Да бир агъанъ догъулды.
Бизде олгъан къуванч хабер,
Сой-сопкъа да дагъылды.

Сизни севген къартананъыз,
Бир кунъ айткъан ананъа.
Эки огълунъ энди осьти,
Бир къыз керек тапмагъа.

Къыз балада мерамет бар,
Аилеге бахт кетирир.



Elhamdulillâ musulmanmız
Doğru yoldan yuriñiz.
Bu dünyada bizler azmız
Tatar aile qurıñız.

Başqa qanlar qarışmasın
Olacaq evlâtlarğa.
Biz ketermiz, vaqtı kelip
Qulaq salıñ qartlarğa.

Bizler alğan terbiyeni
Ömrümüzde qullandıq.
Evlenecek olğanda biz
Tatar qızını qıdırdıq.

Biz anañnen yaşı ekende
Sevgi ile evlendik
Alla berse ana, baba,
Olurmız dep bekledik.

Künü kelip baba oldım,
Oğlan kördik mırzaday.
Qartanañman anañ evde
Östürdiler çeçekday.

Aman-aman, beş yıl ötmey,
Da bir ağań doğuldı.
Bizde olğan quvanç haber,
Soy-sopqa da dağıldı.

Sizni sevgen qartanañız,
Bir kün aytqan anaña.
Eki oğluñ endi östi,
Bir qız kerek tapmağa.

Qız balada meramet bar,
Ailege baht ketirir.

Къартайгъанда сени къарар,
Ашынь, сувунъ да берир.

Биз ананъманъ къыз бекледик,
Огълан олып догъулдынъ.
Учъ огъланлы баба олдым,
Кендже огълум сен олдынъ.

Эркелетип «баламыз» деп,
Севип сени осьтюрдик.
Къартбабанънынъ адын бердик,
Яман козьден сакъладыкъ.

Омюр оте, кунълер кете,
Юрттан хабер бекледик.
Иджретликнинъ куню битер,
Деп, Аллагъа сыгъындыкъ.

Ватангъа ёл ачылгъаннен,
Миллет иле биз къайттыкъ.
Ябанларман къавгъа-дава,
Топракъ алдыкъ, ерлештик.

Юртта сизлер тез осьтинъиз,
Айлар, йыллар тез отти.
Эки агъанъ эвлендилер,
Яшлыкъ деври де битти.

Сен де осьтинъ, куни келип,
«Эвленемен» деп айттынъ.
«Севем баба явур кызынъ»
Деп, юрекни сен якътынъ.

«Разы олмам», деп багъырдым,
Ерни-кокни авдарып.
Ананъ кельди козь яшыман,
Къучакълады, ялварып.



Qartayğanda seni qarar,
Aşıñ, suvuñ da berir.

Biz anañmañ qız bekledik,
Oğlan olıp doğuldıñ.
Üç oğlanlı baba oldım,
Kence oğlum sen oldıñ.

Erkeletip «balamız» dep,
Sevip seni östürdik.
Qartbabañnıñ adın berdik,
Yaman közden saqladıq.

Ömür öte, künler kete,
Yurttan haber bekledik.
İcretlikniñ künü biter,
Dep, Allağa sığındıq.

Vatanğa yol açılğannen,
Millet ile biz qayttıq.
Yabanlarman qavğa-dava,
Topraq aldıq, yerleştik.

Yurtta sizler tez östiñiz,
Aylar, yıllar tez ötti.
Eki ağañ evlendiler,
Yaşlıq devri de bitti.

Sen de östiñ, küni kelip,
«Evlenemen» dep ayttıñ.
«Sevem baba yavur qızın»
Dep, yürekni sen yaqtıñ.

«Razı olmam», dep bağırdım,
Yerni-kökni avdarıp.
Anañ keldi köz yaşıman,
Quçaqladı, yalvarıp.

Зорнен озюм кьолгъа алып,
Башым тутып чыкътым мен.
Сой-сопуна анълаталмай,
Эй, достларым, яндым мен.

Баба олып, мен къачырдым,
Догъру ёлгъа салмадым.
Деп озюмни айыплайман,
Башкъа чаре тапмадым.

Себебини чокъ кыдырдым,
Джевабын тапамадым.
Мени якъып кеткенинънен,
Тенден узюп атмадым.

Якътынъ, балам, юрегимни,
Ябанларгъа кьошулдынъ.
Ана-бабанъны ынджытып сен,
Омюринъни куйдюрдинъ.

Акъмесджит, 28.07.2002 с.

ВАТАН, НЕ ИЧЮН СЕН АГЪЛАЙСЫНЪ!

Ватан, не ичюн сен агълайсынъ?
Козь яшларынъ тѣкесинъ,
Себеби не, манъа айтчы,
Неге раатсыз оласынъ?

Не кульмейсинъ, шеньленмейсинъ?
Халкы сенинъ багърында.
Асретликтен агълагъанынъ
Азмы эди, биз ёкъта.

Акылыныъда олса керек –
Герайларнынъ девринде



Zornen özüm qolğa alıp,
Başım tutıp çıqtım men.
Soy-sopuna añlatalmay,
Ey, dostlarım, yandım men.

Baba olıp, men qaçırdım,
Doğru yolğa salmadım.
Dep özümni ayıplayman,
Başqa çare tapmadım.

Sebebini çoq qıdırdım,
Cevabın tapamadım.
Meni yaqıp ketkeniñnen,
Tenden üzüp atmadım.

Yaqtıñ, balam, yüregimni,
Yabanlarğa qoşuldıñ.
Ana-babañnı ıncıtıp sen,
Ömürini küydürdiñ.

Aqmescit, 28.07.2002 s.

VATAN, NE İÇÜN SEN AĞLAYSIÑ!

Vatan, ne içün sen ağlaysıñ?
Köz yaşlarıñ tökesiñ,
Sebebi ne, maña aytçı,
Nege raatsız olasıñ?

Ne külmeysiñ, şeñlenmeysiñ?
Halqı seniñ bağrında.
Asretlikten ağlağanıñ
Azı edi, biz yoqta.

Aqlılında olsa kerek –
Geraylarnıñ devrinde

Ятлар келип аскерлернен
Сени эсир эткенде.

Бир чокъ халкъынъ сени ташлап
Явурлардан къачкъанынъ,
«Биз къайтармыз, Ватаным», – деп
Козъ яшларынъ тѣккенинъ.

Бизлер исе сюргюн олдыкъ,
Иджретликте яшадыкъ.
Алла берген омюримен
Бала-чагъа осьтюрдик.

Юрткъа къайтып гуль багъчада
Шенъ-шерамет олгъанда.
Эвлер къурып, торун корип,
Тойлар олып тургъанда.

Ябанджылар апансыздан,
Юртны басып алдылар.
Къырым бизим, топракъ бизим,
Деп бизлерге айттылар.

Тамыр халкъны козъге алмай
Референдум кечирди,
Русиеден кельген аскер
Бойсунмагъа чагъырды.

Бир афтада Къырым бойлап,
Юртны басып алдылар.
Бизде олгъан сербестликни
Бастырыкъкъа салдылар.

Бутюн дюнья шашып къалды
Ябанларнынъ ишине.
Баш котерген миллетиме
Мушкюль тюшти пешине.



Yatlar kelip askerlennen
Seni esir etkende.

Bir çoq halqıñ seni taşlap
Yavurlardan qaçqanıñ,
«Biz qaytarmız, Vatanım», – dep
Köz yaşlarıñ tökkeniñ.

Bizler ise sürgün oldıq,
İcretlikte yaşadıq.
Alla bergen ömürimen
Bala-çağa östürdik.

Yurtqa qayıtp gül bağçada
Şeñ-şeramet olğanda.
Evler qurıp, torun körüp,
Toylar olıp turğanda.

Yabancılar apansızdan,
Yurtnı basıp aldılar.
Qırım bizim, topraq bizim,
Dep bizlerge ayttılar.

Tamır halqnı közge almay
Referendum keçirdi,
Rusiyeden kelgen asker
Boysunmağa çağırdı.

Bir aftada Qırım boylap,
Yurtnı basıp aldılar.
Bizde olğan serbestlikni
Bastırıqqa saldılar.

Bütün dünya şaşıp qaldı
Yabanların işine.
Baş kötergen milletime
Müşkül tüşti peşine.

Кене олар, бизим юртта
Шень-шерамет яшайджакъ.
Бизлер ичюн, несиь ичюн,
Къара куньлер оладжакъ.

Чаремиз не? Сен агълама,
Козь яшларны токътат сен,
Халкънынъ бугунъ къучагъында
Ич те раатсыз олма сен.

Кунъ келир дюнья бойлап,
Сачылгъан халкъ топланыр.
Санъа олгъан севги иле
Янъы омюр башланыр.

Керек олса куреширмиз –
Халкъ къудрети сен иле.
Девир башкъа, заман башкъа,
Биз кучълюмиз сен иле.

18.03.2014 с.

МЕН ШАИР ДЕГИЛИМ

Мен шаир дегилим, достлар,
Косьтерменъиз пармакъман.
Гъурбетликтен юрткъа къайтып,
Къуванч йырны йырайман.

Сёзлер келе, мен топлайман,
Сонъра бир-бир язаман.
Юректеки дуйгъуларны
Сизге язып ташлайман.

Мен шаир дегилим, достлар,
«Шаир олгъан!» – деменъиз.



Kene olar, bizim yurttā
Şeñ-şeramet yaşaycaq.
Bizler içün, nesil içün,
Qara künler olacaq.

Çaremiz ne? Sen ağlama,
Köz yaşlarnı toqtat sen,
Halqnıñ bugün quçağında
İç te raatsız olma sen.

Kün kelir dünya boylap,
Saçılğan halq toplanır.
Saña olğan sevgi ile
Yañı ömür başlanır.

Kerek olsa küreşirmiz –
Halq qudreti sen ile.
Devir başqa, zaman başqa,
Biz küçümüz sen ile.

18.03.2014 s.

MEN ŞAİR DEĞİLİM

Men şair degilim, dostlar,
Köstermeñiz parmaqman.
Ğurbetlikten yurtqa qayıtp,
Quvañc yırmı yırlayman.

Sözler kele, men toplayman,
Soñra bir-bir yazaman.
Yürekteki duyğularnı
Sizge yazıp taşlayman.

Men şair degilim, dostlar,
«Şair olğan!» – demeñiz.

Янгъан юрек алевини
Язгъанда сильменъиз.

Мен шаир дегилим, достлар,
Сѣзнен килим орем мен.
Сахналарда окъугъанда
Козьяшларны корем мен.

Мен шаир дегилим, достлар,
Лякин турып сахнадан
Коръдиклерим бирер-бирер
Айтып, халкъкъа анълатам.

Мен шаир дегилим, достлар,
Шаир олып догъмалы.
Халкъынъ сени севсе, бильсе,
Онъа ляйыкъ олмалы.

Элли яшта юрткъа къайттым,
Алтмыш яшкъа мен толдым.
Шаирлернинъ эсерлерни
Гедже-кунъдюз окъудым.

Мен шаир дегилим, достлар,
Шаирлернен къонушам.
Олар берди манъа илъхам,
Мен сизлернен пайлашам.

Илъхамыма илъхам къоша
Гаспралы, Амдилер,
Чобан-заде, Шемьи-заде,
Шакир, Юнус, Идрислер*

Мен шаир дегилим, достлар,
Бинъ йыл яшанъ, ольменъиз.

* Исмаил Гаспралы, Амди Гирайбай, Бекир Чобан-заде, Эшреф Шемьи-заде, Шакир Селим, Юнус Къандым, Идрис Асанин.



Yanğan y  rek alevini
Yazğanda silme  iz.

Men řair degilim, dostlar,
S  znen kilim   rem men.
Sahnalarda oquğanda
K  zyařlarını k  rem men.

Men řair degilim, dostlar,
L  kin turıp sahnadan
K  rdiklerim birer-birer
Aytıp, halqqa a  latam.

Men řair degilim, dostlar,
řair olıp doğmalı.
Halqı   seni sevse, bilse,
O  a l  y  q olmalı.

Elli yařta yurtqa qayttım,
Altmıř yařqa men toldım.
řairlerini   eserlerini
Gece-k  nd  z oqudım.

Men řair degilim, dostlar,
řairlernen qonuřam.
Olar berdi ma  a ilham,
Men sizlernen paylařam.

  lhamıma ilham qořa
Gaspralı, Amdiler,
  oban-zade, řemi-zade,
řakir, Yunus,   drisler*

Men řair degilim, dostlar,
Bi   yıl yařa  ,   lme  iz.

*   smail Gaspralı, Amdi Giraybay, Bekir   oban-zade, Eřref řemi-zade, řakir Selim, Yunus Qandım,   dris Asanın.

Шаир олмай шиир язсам
Мыскъыл этип, кульменъиз.

Гъурбетликте отькен кунни
Къалем алып язаман.
Ватанымда юрек таша,
Умют, арзум айтаман.

БИЛЬМЕЙИМ...

Иджаткяр адам чокъракъа бенъзей
Оны бу ерде къапатсанъ.
О анавы ерден, умюр этильмеген
Ерден, янъы бир къувет, янъы бир
Аэнкнен къайнап чыкъа.

Бельки меним ильхамым да
Шойле бир чокъракътыр.

Бельки де сюргюнликтен юрткъа
Къайтып, элиме къалем алып
Шиирлер язгъаным.
Саналарда чокъ йыллар
Девамында шиирлер окъугъаным.
Алланынъ керемидир.
Бильмейим.

15.08.2004 с.

БАТАНДАМАН

Къырымдаман Ватандаман
Акъмесджитте яшайман.
Халкъымызнынъ тарихыны
Бирер-бирер окъуйман.

Ханлыкъ деври биткенинен
Миллетимиз сачылгъан.



Şair olmay şiir yazsam
Mısıql etip, külmeñiz.

Ğurbetlikte ötken künni
Qalem alıp yazaman.
Vatanımda yürek taşa,
Ümüt, arzum aytaman.

BİLMEYİM...

İcatkâr adam çoqraqa beñzey
Onı bu yerde qapatsañ.
O anavı yerden, ümür etilmegen
Yerden, yañı bir quvet, yañı bir
Aenknen qaynap çıqa.

Belki benim ilhamım da
Şöyle bir çoqraqtır.

Belki de sürgünlikten yurtqa
Qaytıp, elime qalem alıp
Şiirler yazğanım.
Sanalarda çoq yıllar
Devamında şiirler oquğanım.
Allanıñ keremidir.
Bilmeyim.

15.08.2004 s.

VATANDAMAN

Qırımdaman Vatandaman
Aqmescitte yaşayman.
Halqımıznıñ tarihını
Birrer-birer oquyman.

Hanlıq devri bitkeninen
Milletimiz saçılğan.

Алы олгъан, къачып кеткен,
Олмагъаны куль олгъан.

Озь юртунда къуллукъ япмакъ,
Демек юртны асрамакъ.
Ябанларман зор олса да,
Келеджекни ойламакъ.

Юртны ташлап кеткен халкълар
Юрт къайгъысыны ойламай,
Асырлардыр тыш девлетте,
Ватанына къайталмай.

Бугунь олар, бир къач миллион
Тюркиеде яшайлар.
Дедемизнинъ юрты Къырым,
Деп бизлерге айталар.

Бизлер кельдик иджретликтен,
Бугунь бизде яшаймыз.
Тамгъалы кок байракъларнен
Юртны бизлер асраймыз.

Акъмесджит, 22.02.2002 с.

БАГЪЫШЛАВЛАР

МОНОЛОГ

(Норик Шириннинъ хатырасына багъышлана)

Тесадуфен таныш олдым,
Норик Ширин огъланнен.
Гонълю ачыкъ, сёзге уста,
Гузель бир яш баланен.



Alı olğan, qaçıp ketken,
Olmağanı kül olğan.

Öz yurtunda qulluq yapmaq,
Demek yurtnı asramaq.
Yabanlarman zor olsa da,
Kelecekni oylamaq.

Yurtnı taşlap ketken halqlar
Yurt qayğısını oylamay,
Asırlardır tış devlette,
Vatanına qaytalmay.

Bugün olar, bir qaç million
Türkiyede yaşaylar.
Dedemizniñ yurtı Qırım,
Dep bizlerge aytalar.

Bizler keldik icretlikten,
Bugün bizde yaşaymız.
Tamğalı kök bayraqlarnen
Yurtnı bizler asraymız.

Aqmescit, 22.02.2002 s.

BAĞIŞLAVLAR

MONOLOG

(Norik Şirinniñ hatırasına bağışlana)

Tesadufen tanış oldım,
Norik Şirin oğlannen.
Gönlü açıq, sözge usta,
Güzel bir yaş balanen.

Сонъра бильсем, оны юртта,
Намы чыкъкъан, даркъалгъан.
Къырым бойлап эр бир яшнынъ,
Урьметини къазангъан.

«Бирлик» деген джемиетнинъ,
Ёлбашчысы о олгъан.
Бутюн миллет яшларыны,
Меджлис этип топлагъан

Нуреддиндир къартбабасы,
Гулистанда яшагъан.
Коп эвлятлы аилесинде,
Решат огълу догъулгъан.

Решат осюп эвленгенде,
Бахткъа толгъан эвлери.
Догъулгъан яш эвлятчыкъны,
Нургъа толгъан козьлери.

Бахт-къуванчкъа толгъан аиле,
Моллакъайны чагъыргъан.
Урф-адетнен дуа этип,
Норик адын къойдыргъан.

Къара денъиз ялысында,
Къырым деген ульке бар.
Чокъракъ суву шербет киби,
Ватан деген ульке бар.

Гъурбетликнинъ куню битер,
Сизлер юрткъа къайтарсыз.
Хорлукъ чеккен халкъымызгъа,
Сербестликни арарсыз.

Бу сёзлерни айта эди,
Бизге бизим битайлар.



Soñra bilsem, onı yurttta,
Namı çıqqan, darqalğan.
Qırım boylap er bir yaşnıñ,
Ųrmetini qazanğan.

«Birlik» degen cemiyetniñ,
Yolbaşçısı o olğan.
Bütün millet yaşlarınıı,
Meclis etip toplağan

Nureddindir qartbabası,
Gülistanda yaşağan.
Köp evlâtlı ailesinde,
Reşat oğlu doğulğan.

Reşat ösüp evlengende,
Bahtqa tolğan evleri.
Doğulğan yaş evlâtçıqnı,
Nurğa tolğan közleri.

Baht-quvançqa tolğan aile,
Mollaqaynı çağırğan.
Urf-adetnen dua etip,
Norik adın qoydırğan.

Qara deñiz yalısında,
Qırım degen űlke bar.
Çoqraq suvu şerbet kibi,
Vatan degen űlke bar.

Ğurbetlikniñ künü biter,
Sizler yurtqa qaytarsız.
Horluq çekken halqımızğa,
Serbestlikni ararsız.

Bu sözlerni ayta edi,
Bizge bizim bitaylar.

Иджретликте бизни севип,
Къорчалагъан анайлар.

Иджретликте чешит ерде,
Бизим миллет яшады.
Бир кесечик отъмек тапса,
Бир-биринен пайлашты.

Кунълер оте, йыллар кече,
Норик осе, о анълай.
Ватанына миллет асрет,
Деп юреги къан агълай.

Сюргюнликнинъ куню бите,
Халкъ ашыкъа Къырымгъа.
Халкънен бирге Османовлар,
Къайтып келе Ватангъа.

Юрткъа къайтув агъыр олды,
Бизге къаршы турдылар.
Ябанларнен куреш иле,
Халкълар топракъ алдылар.

Эв къуралар, эвлят осе,
Акъларыны сорайлар.
Сербестликке къол узатып,
Тюрлю ёллар арайлар.

Яш олса да Норик Ширин,
Баш котерип къычыра.
Юрта олгъан бутюн яшны,
Курешмеге чагъыра.

Бельки одыр келеджекте,
Догъру ёлгъа саладжакъ.
Бельки одыр миллет ичюн,
Сербестликни араджакъ.



İcretlikte bizni sevip,
Qorçalağan anaylar.

İcretlikte çeşit yerde,
Bizim millet yaşadı.
Bir keseçik ötmek tapsa,
Bir-birinen paylaştı.

Künler öte, yıllar keçe,
Norik öse, o añlay.
Vatanına millet asret,
Dep yüregi qan ağlay.

Sürgünlikniñ künü bite,
Halq aşıqa Qırımğa.
Halqnen birge Osmanovlar,
Qaytıp kele Vatanğa.

Yurtqa qaytuv ağır oldı,
Bizge qarşı turdılar.
Yabamlarnen küreş ile,
Halqlar topraq aldılar.

Ev quralar, evlât öse,
Aqlarını soraylar.
Serbestlikke qol uzatıp,
Türlü yollar araylar.

Yaş olsa da Norik Şirin,
Baş köterip qıçıra.
Yurta olğan bütün yaşnı,
Küreşmege çağıra.

Belki odır kelecekte,
Doğru yolğa salacaq.
Belki odır millet için,
Serbestlikni aracaq.

Къайсы иблис къол котерди,
Умют берген эвляткъа.
Къырым бойлап намы кеткен,
Норик Ширин огълангъа.

«Миллетим», деп къурбан кеттинъ,
Яткъан еринъ нур олсун.
Яш омрюнъе къаст эткеннинъ,
Омрю ерде куль олсун.

16.04.2009 с.

ЮНУС КЪАНДЫМНЫНЪ ХАТЫРАСЫНА

Эрте саба козюм ачып,
Кокке къарап мен шаштым.
Къара булут кокни саргъан,
Танъ шавлесин тапмадым.

Копке бармай хабер алдым,
Эль-аягъым бузлады
Юнус Къандым вефат эткен,
Агълап къалгъан эвляды.

Ишанмайман, инанмайман,
Деп багъырдым, агъладым.
Дженазеге бармакъ иле.
Эвден яваш мен чыкътым.

Ёл бою мен хатырладым,
Онынъ татлы сёзлерин.
Ватанпервер олгъанынъны.
Кулип бакъкъан козьлеринъ.

Гъурбет ильде Юрткъа къайтып,
Таныш олдыкъ, достлаштыкъ.
Бир чокъ йыллар иджат этип,
Ильхамланып биз таштыкъ.



Qaysı iblis qol köterdi,
Ümüt bergen evlâtqa.
Qırım boylap namı ketken,
Norik Şirin oğlanğa.

«Milletim», dep qurban kettiñ,
Yatqan yeriñ nur olsun.
Yaş ömrüñe qast etkenniñ,
Ömrü yerde kül olsun.

16.04.2009 s.

YUNUS QANDIMNIŇ HATIRASINA

Erte saba közüм açıp,
Kökke qarap men şaştım.
Qara bulut kökni sarğan,
Taň şavlesin tapmadım.

Köpke barımay haber aldım,
El-ayağım buzladı
Yunus Qandım vefat etken,
Ağlap qalğan evlâdı.

İşanmayman, inanmayman,
Dep bağırdım, ağladım.
Cenazege barmaq ile.
Evden yavaş men çıqtım.

Yol boyu men hatırladım,
Onıñ tatlı sözlerin.
Vatanperver olğanıñnı.
Külip baqqan közleriñ.

Ğurbet ilde Yurtqa qaytıp,
Tanış oldıq, dostlaştıq.
Bir çoq yıllar icat etip,
İlhamlanıp biz taştıq.

«Селям санъа, Къара денъиз!»,
Деп йырынъны башладынь.
Джан бергендже бар сесинънен,
Халкъкъа севинч ашладынъ.

Иджат иле сен яшадынъ,
Акъикъатны кыдырып.
Бу дюньядан эрте кеттинъ,
Арзуларынъ къалдырып.

Бар Къырымдан достлар кельди,
Яна къалыплер ве юрек.
Кок сиярды санки агълап,
Къарлар ягъды сонъ кере.

Ватандашлар теслим этти,
Сени ана топракъкъа.
Эсерлеринъ бизнен къалды,
Кетмедилер узакъкъа.

Эльведа, эй, шаир достум,
Сени дайым анъармыз.
Арамызда сенъ ёкъсынъ деп,
Даа чокъ йыллар яшармыз.

Акъмесджит, 20.03.2005 с.

ХАЛКЪЫМЫЗНЫНЪ БИР ГҮЛЮ

(Асие Саале ханымгъа багъышлана)

Ананъ, бабанъ эр кес киби,
Иджретликте олгъанлар.
Бир-бирини тапып, севип,
Къавий аиле къургъанлар.



«Selâm saña, Qara deñiz!»,
Dep yırını başladıñ.
Can bergence bar sesiñnen,
Halqqa sevinç aşıladıñ.

İcat ile sen yaşadıñ,
Aqıqatnı qıdırıp.
Bu dünyadan erte kettiñ,
Arzularıñ qaldırıp.

Bar Qırımdan dostlar keldi,
Yana qalpler ve yürek.
Kök siyardı sanki ağlap,
Qarlar yağdı soñ kere.

Vatandaşlar teslim etti,
Seni ana topraqqa.
Eserleriñ biznen qaldı,
Ketmediler uzaqqa.

Elveda, ey, şair dostum,
Seni dayım añarmız.
Aramızda señ yoqsıñ dep,
Daa çoq yıllar yaşarmız.

Aqmescit, 20.03.2005 s.

HALQIMIZNIÑ BİR GÜLÜ

(Asiye Saale hanımğa bağıslana)

Anañ, babañ er kes kibi,
İcretlikte olğanlar.
Bir-birini tapıp, sevip,
Qaviy aile qurğanlar.

Бабанъ ады Айдер олгъан,
Ананъ исе Зекие.
Севги иле бу аиледе
Догъулгъан къыз Асие.

Бешикте сен яткъанында,
Ананъ йырлар йырагъан
Гузель сеснен, халкъ йырларын,
Яшлыгъындан ашлагъан.

Ёл ачылып, юрткъа къайтып,
Макъсудовлар аилеси
Къарасувда ерлешкенлер
Биткен эзгъу, къайгъысы.

Къарасувда ансамбльде
Халкъ йырларынъ йырадынъ
Къыскъа вакъыт ичерсинде
Халкъ севгисин къазандынъ.

Алла берген гузель сеснен
Унванлар сен алдынъ.
Къырымтатар халкъ йырынен
Дюнъя бойлап сен гездинъ

Сени корьген ашыкъ ола,
Айтмагъа сёз тапалмай,
Йырларынъны эшиткен сонъ
Юрек ура токътамай.

Сен гузельсинъ муляимсинъ.
Санамызнынъ бульбули,
Алла санъа омюр берсин
Халкъымызнынъ бир гулю.

21.07.2018 с.



Babañ adı Ayder olğan,
Anañ ise Zekiye.
Sevgi ile bu ailede
Doğulğan qız Asiye.

Beşikte sen yatqanıñda,
Anañ yırlar yırlağan
Güzel sesnen, halq yırların,
Yaşlığıñdan aşlağan.

Yol açılıp, yurtqa qayıtp,
Maqsudovlar ailesi
Qarasuvda yerleşkenler
Bitken ezğu, qayğısı.

Qarasuvda ansamblde
Halq yırların yırladıñ
Qısqa vaqıt içersinde
Halq sevgisin qazandıñ.

Alla bergen güzel sesnen
Unvanlar sen aldıñ.
Qırımtatar halq yırinen
Dünya boylap sen gezdiñ

Seni körgeñ aşıq ola,
Aytmağa söz tapalmay,
Yırların eşitken soñ
Yürek ura toqtamay.

Sen güzelsiñ mulâimsiñ.
Sanamızñıñ bülbüli,
Alla saña ömür bersin
Halqımızñıñ bir gülü.

21.07.2018 s.

ДОСТУМЫЗНЫНЪ ДОГЪГЪАН КҮНЮ

(Рустем Мевлюдовгъа)

Рустем бейнинъ, догъгъан кунюнинъ,
Яшын сорап отурмам.
Иш билермен, сиясетчи,
Мен онъа ич еталмам.

Иш адамы мераметли,
Этрафында досту чокъ.
Мевлюдовлар несилинде
Онъа етер акъай ёкъ.

Яшлыгъында джесюр олгъан
Кимседен о къоркъмагъан.
Котеклешсе устюн чыкъкъан
Ондай огълан олмагъан.

Иджретликте догъулса да,
Ватаным деп яшагъан.
Гедже-куньдюз, хызмет этип
Зенгилигин арттыргъан.

Куню келип ёл ачылды.
Асрет олгъан Ватангъа
Юзлеп бинълеп миллетимиз
Къайтып кельди Къырымгъа.

Къайтув юрткъа агъыр олды.
Бизге къаршы турдылар.
Куреш иле миллетимиз,
Юртта темель алдылар.

Рустем достум торунларман
Мырза киби яшайсынъ.



DOSTUMIZNIŇ DOĞĞAN KÜNÜ

(Rustem Mevlüdovğa)

Rustem beyniň, doğğan kününiň,
Yaşın sorap oturmam.
İş bilermen, siyasetçi,
Men oňa iç yetalmam.

İş adamı merametli,
Etrafında dostu çöq.
Mevlüdovlar nesilinde
Oňa yeter aqay yoq.

Yaşlığında cesür olğan
Kimseden o qorqmağan.
Kötekleşse üstün çıqqan
Onday oğlan olmağan.

İcretlikte doğulsa da,
Vatanım dep yaşağan.
Gece-kündüz, hizmet etip
Zengiligin arttırğan.

Künü kelip yol açıldı.
Asret olğan Vatanğa
Yüzlep biňlep milletimiz
Qaytıp keldi Qırımğa.

Qaytuv yurtqa ağır oldı.
Bizge qarşı turdılar.
Küreş ile milletimiz,
Yurtta temel aldılar.

Rustem dostum torunlarman
Mırza kibi yaşaysıň.

Сой-сопунъны, достларыньны
Севип, урьмет этесинъ.

Достлар бугунъ алгъышлайлар
Сенинъ догъгъан кунюньни
Узакъ омюр, сагълыкъ тилеп
Хайырлайлар юректен.

Акъмесджит, 25.10.2017 с.

БАГЪЫШЛАВ

(Сейтумер Ниметулаевгъа)

Алтмыш бешке толды яшынъ.
Алла берген инсансынъ.
Акъ сют берген ананъны.
Джандан севген эвлядсынъ.

Сен догъылдынъ узакъларда,
Иджретликте, хорлукъта.
Сейтумер деп ад берильди,
Къуванч олды ёкълукъта.

Сюргюнликте ананъ, бабанъ,
Ватан деп яшагъан.
Джандан севген эвлядларына,
Юрт севгисин ашлагъан.

Осюп, окъуп, айле къурып,
Умют иле яшадынъ.
Ватанпервер достларыньман
Миллет ичюн къайгъырдынъ.

Сюргюнликнинъ куню бите,
Миллет къайта Къырымгъа.



Soy-sopuñnı, dostlarıñnı
Sevip, ürmet etesiñ.

Dostlar bugün algıslaylar
Seniñ doğğan küñüñni
Uzaq ömür, saqlıq tilep
Hayırlaylar yürekten.

Aqmescit, 25.10.2017 c.

BAĞIŞLAV

(Seytumer Nimetulayevğa)

Altmış beške toldı yaşıñ.
Alla bergen insansiñ.
Aq süt bergen anañnı.
Candan sevgen evlâdsıñ.

Sen doğıldıñ uzaqlarda,
İcretlikte, horluqta.
Seytumer dep ad berildi,
Quvanç oldı yoqluqta.

Sürgünlikte anañ, babañ,
Vatan dep yaşağan.
Candan sevgen evlâdlarına,
Yurt sevgisin aşlağan.

Ösüp, oqup, ayle qurıp,
Ümüt ile yaşadıñ.
Vatanperver dostlarıñman
Millet içün qayğırdıñ.

Sürgünlikniñ küñü bite,
Millet qayta Qırımğa.

Ниметулла аилеси де,
Къайтып келе Ватангъа.

Къыскъа вакъыт ичерсинде,
Сизни миллет таныды.
Къырым Бирлик тешкиляткъа
Реис этип сайлады.

Тынчлыкъ олсун, дженк олмасын
Миллет юртта яшасынъ,
Сейтумер къардашымыз
Бизим халкъкъа баш болсын.

Узакъ омюр, бакъый савлукъ
Ондан иракъ олмасынъ,
Джандан севген аилесине
Къаза, бея кельмесин.

10.06.2017 с.

ХАЙЫРЛАВ

(Сервер Чумаков достумыз 80 яшында)

Сексен бааръ омюр коръдинъ
Алла деген инсансынъ.
Иджретликте халкъынъ ичюн
Хызмет эткен эвлядысынъ.

Яш экенде сюргюнлюкте,
Нидже-нидже хорландынъ
Акъылынъдамы, ираденен
Ана юрткъа сен къайттынъ.

Бугунъ юртта шень-шерамет
Къорантанъман яшайсынъ,



Nimetulla ailesi de,
Qayıp kele Vatanğa.

Qısqa vaqıt içersinde,
Sizni millet tanıdı.
Qırım Birlik teşkilâtqa
Reis etip sayladı.

Tinçlıq olsun, cenk olmasın
Millet yurtta yaşasın,
Seytumer qardaşımız
Bizim halqqa baş bolsın.

Uzaq ömür, baqıy savluq
Ondan iraq olmasın,
Candan sevgen ailesine
Qaza, belâ kelmesin.

10.06.2017 s.

HAYIRLAV

(Server Çumakov dostumuz 80 yaşında)

Seksen baar ömür kördiñ
Alla degen insansıñ.
İcretlikte halqıñ için
Hızmet etken evlâdıñ.

Yaş ekende sürgünlükte,
Nice-nice horlandıñ
Aqlıñdamı, iradenen
Ana yurtqa sen qayttıñ.

Bugün yurtta şeñ-şeramet
Qorantañman yaşaysıñ,

Этрафынъда достларынь бар,
Дост къадрини анълайсынъ.

Олар бугунъ хайырлайлар,
Узакъ омюр тилейлер.
Достларыньман бильярд ойнап,
Джюргениньни истейлер.

Та бир тилек достларыньдан,
Джан-юректен истейлер.
Огълунъ, кызынъ тез вакъытта
Сени деде этсинлер.

Узакъ омюр, бакъий сагълыкъ
Сенден иракъ олмасын.
Джандан севген къорантанъа
Яман козьлер тиймесин.

17.02.2016 с.

КЪЫРЫМ БИРЛИГИНИНЪ ГИМНИ

Биз Къырымгъа къайтып кельдик,
Деп достларгъа айтайыкъ.
Къырым бизим Ватанымыз,
Деп бирликте йырлайыкъ.

Кок байракъны къолгъа алып,
Ант эткенмен айтайыкъ.
Бирлик олып гузель юртта,
Янъы яшав къурайыкъ.

Олды энди, азиз халкъым,
Хорлукъ асрет чеккенинъ.
Ана юртта сен яшайсынъ,
Тарих олсун корьгенинъ.



Etrafında dostların bar,
Dost qadrini aňlaysın.

Olar bugün hayırlaylar,
Uzaq ömür tileyler.
Dostlarınman bilyard oynap,
Cürgeniñni isteyler.

Ta bir tilek dostlarıñdan,
Can-yürekten isteyler.
Oğluñ, qızıñ tez vaqıtta
Seni dede etsinler.

Uzaq ömür, baqiy saqlıq
Senden iraq olmasın.
Candan sevgen qorantaña
Yaman közler tiymesin.

17.02.2016 s.

QIRIM BİRLİĞİNİN GİMNİ

Biz Qırımğa qayıtp keldik,
Dep dostlarğa aytayıq.
Qırım bizim Vatanımız,
Dep birlikte yırlayıq.

Kök bayraqnı qolğa alıp,
Ant etkenmen aytayıq.
Birlik olıp güzel yurтта,
Yañı yaşav qurayıq.

Oldı endi, aziz halqım,
Horluq asret çekkeniñ.
Ana yurтта sen yaşaysıñ,
Tarih olsun körgeniñ.

Кок байракъны къолгъа алып,
«Ант эткенмен» айтайыкъ.
Гузель Къырым узеринде,
Юрт саиби олайыкъ.

Сёз беремиз санъа, Ватан,
Энди ич айырылмамакъ.
Сен корьсеткен ёлдан кетип,
Бир адымда бурулмакъ.

Кок байракъны къолгъа алып,
Ант эткенмен айтайыкъ.
Чокъмиллетли юртымызда,
Бирлик олып яшайыкъ.

Акъмесджит, 15.04.2015 с.

ЯШ НЕСИЛЪГЕ

Сюргюн олып, хорлыкъ корьдик
Хасталыкъны ачлыкъны.
Яшлыкъ кечти иджретликте,
Юрткъа къайтып бирликте.

Бабам дженкте эляк олды,
Анам исе иджретте.
Оксюз къалдым мен узакъта,
Арзу иле ниетте.

Ватаным деп бир чокъ йыллар,
Асрет олып яшадыкъ.
Танърым берсе бере экен,
Иджретликтен биз къайттыкъ.

Аллах берсин бахтлы куньлер,
Бизден иракъ олмасын.



Kök bayraqnı qolğa alıp,
«Ant etkenmen» aytayıq.
Güzel Qırım üzerinde,
Yurt saibi olayıq.

Söz beremiz saña, Vatan,
Endi iç ayrılılmamaq.
Sen körsetken yoldan ketip,
Bir adımda burulmaq.

Kök bayraqnı qolğa alıp,
Ant etkenmen aytayıq.
Çoqmilletli yurtımızda,
Birlik olıp yaşayıq.

Aqmescit, 15.04.2015 s.

YAŞ NESİLGE

Sürgün olıp, horlıq kördik
Hastalıqı açlıqı.
Yaşlıq keçti icretlikte,
Yurtqa qayıp birlikte.

Babam cenkte elâk oldı,
Anam ise icrette.
Öksüz qaldım men uzaqta,
Arzu ile niyette.

Vatanım dep bir çoq yıllar,
Asret olıp yaşadıq.
Tañrım berse bere eken,
İcretlikten biz qayttıq.

Allah bersin bahtlı künler,
Bizden iraq olmasın.

Эр бир инсан озь юртында,
Татлы-мабет яшасын.

Тойлар олсун эр аиледе,
Давул, зурна чалынъсын.
Ватанынъда догъып оськен,
Сербест олып яшасын.

Биз къартайдыкъ, омюр оте,
Невбет, яшлар, сизлерге.
Ватан ичюн курешмеде,
Огге бакъып кетмеге.

Кок байракъны къолга алып,
«Ант эткенмен» айтынъыз,
Ватан ичюн къурбан олгъан,
Халкъкъа дуа этинъиз.

Бу сатырлар яш несильге,
Тарихны огренсинлер.
Къырым деген улькемизни,
Джан-юректен севсинлер.

15.01.2014 с.

БАБАМ КОЮ ГҮЛЮМБЕЙ

(Сулейман Идрисовгъа)

Ватаным, деп омюр бою
Япракъ киби сарардыкъ.
Танърым берсе бере экен,
Иджретликтен биз къайттыкъ.

Багъчасарай гузеллигин,
Тюшлеримде мен коръдим.
Онынъ багъынъ, бостанларынъ,
Козь алдына кетирдим.



Er bir insan öz yurtında,
Tatlı-mabet yaşasın.

Toylar olsun er ailede,
Davul, zurna çalıñsın.
Vatanıñda doğıp ösken,
Serbest olıp yaşasın.

Biz qartaydıq, ömür öte,
Nevbet, yaşlar, sizlerge.
Vatan için küreşmede,
Ögge baqıp ketmege.

Kök bayraqnı qolga alıp,
«Ant etkenmen» aytıñız,
Vatan için qurban olğan,
Halqqa dua etiñiz.

Bu satırlar yaş nesilge,
Tarihnı ögrensinler.
Qırım degen ölkemizni,
Can-yürekten sevsinler.

15.01.2014 s.

BABAM KÖYÜ GÜLÜMBEY

(Suleyman İdrisovğa)

Vatanım, dep ömür boyu
Yapraq kibi sarardıq.
Tañrım berse bere eken,
İcretlikten biz qayttıq.

Bağçasaray güzelligin,
Tüşlerimde men kördim.
Onıñ bağıñ, bostanlarıñ,
Köz aldına ketirdim.

Иджретликте догъылсам да,
Къырым меним Ватаным.
Онда догъгъан меним бабам,
Демек меним мекаяным.

Ниет эттим баба коюн,
Корип тазим этмеге.
Аллах берди манъа омюр
О куньлерге етмеге.

Гулюмбей кой, дерсинъ дженнет,
Этрафлары бостан-багъ.
Корьмегенлер келип корьсин,
Дёрт тарафы гузель дагъ.

Ватанымнынъ эр бир ери,
Дерсинъ дженнет кошеси.
Анда олгъан гузелликлер,
Аллахнынъ муджизеси.

Гулюмбейге къуванч иле,
Зияретке мен кельдим.
Шукрий бабам догъгъан эвде,
Ясин дуа окъудым.

Гулюмбейде корюшювде,
Койлю къартнен корюштим.
Шукрий бабам акъкъында мен,
Яхшы сёзлер эшиттим.

Аллах берсин бахтлы куньлер,
Бизден иракъ олмасын.
Эр бир инсан, эр къоранта,
Татлы маабет яшасын.

Акъмесджит, 10.07.2013 с.



İcretlikte doğılsam da,
Qırım benim Vatanım.
Onda doğğan benim babam,
Demek benim mekânım.

Niyet ettim baba köyün,
Körip tazim etmege.
Allah berdi maña ömür
O künlerge yetmege.

Gülumbey köy, dersin cennet,
Etrafları bostan-bağ.
Körmegenler kelip körsin,
Dört tarafı güzel dağ.

Vatanımın er bir yeri,
Dersin cennet köşesi.
Anda olğan güzellikler,
Allahnın mucizesi.

Gülumbeyge quvanç ile,
Ziyaretke men keldim.
Şükriy babam doğğan evde,
Yasin dua oqudım.

Gülumbeyde körüşüvde,
Köylü qartnen körüştim.
Şükriy babam aqqında men,
Yahşı sözler eşittim.

Allah bersin bahtlı künler,
Bizden iraq olmasın.
Er bir insan, er qoranta,
Tatlı maabet yaşasın.

Aqmescit, 10.07.2013 s.

ЭСКЕНДЕРНИНЪ ЙЫЛДЫЗЫ

Эскендер Мемет огълуна

Орта яшлы бир йигитни
Докъсанынджы йылларда
Акъмесджитте расткетирдим,
Сыкъынтылы ёлларда.

– Эфендимсиз таныш олунъ,
Эскендер Мемет огълу! –
Деди буюк гъурур иле
Ибраим Амет огълу.

Козъ узъмейип мен къарадым,
Деликъанлы йигитке.
Онда олгъан аят нуры
Салды мени айретке.

Омюр ичюн курешкенде
Ёлда янъгъыз олмагъан.
Рефикъасы, эвлядлары
Онъа къанат багълагъан.

Чокъкъа бармай озъ юртында
Мырзаларгъа тенъ олгъан.
Этрафында зеэр сачкъан
Йыланларны дуймагъан.

Ябанджылар ичинде о
Татар намын котерген.
Яш олса да, аз олса да
Тахткъа ельге тиреген.

Инсан догъса озъ йылдызы
Иле мытлакъ догъула.
Омрю битсе, йылдыз сёне,
Деп чокъ халкъта айтыла.



ESKENDERNİN YILDIZI

Eskender Memet oğluna

Orta yaşlı bir yigitni
Doqsanıncı yıllarda
Aqmescitte rastketirdim,
Sıqıntılı yollarda.

– Efendimsiz tanış oluñ,
Eskender Memet oğlu! –
Dedi büyük gurur ile
İbraim Amet oğlu.

Köz üzmeyp men qaradım,
Deliqanlı yigitke.
Onda olğan ayat nurı
Saldı meni ayretke.

Ömür içün küreşkende
Yolda yañğız olmağan.
Refiqası, evlâdları
Oña qanat bağlağan.

Çoqqa barıy öz yurtında
Mırzalarğa teñ olğan.
Etrafında zeer saçqan
Yılanlarını duymağan.

Yabancılar içinde o
Tatar namın kötergen.
Yaş olsa da, az olsa da
Tahtqa yelge tiregen.

İnsan doğsa öz yıldızı
İle mıtlaq doğula.
Ömrü bitse, yıldız söne,
Dep çoq halqta aytıla.

Козь котерип, кокке бакътым,
Ярыкъ йылдыз арадым.
Таптым, сонъра пек къувандым,
Сагъ ол, деп Яраданым.

Парылдагъан шу йылдызгъа
Эскендер, деп ад къойдым.
Эр геджеси кокке бакъып,
Чокъ дуалар окъудым.

Бир мен дегиль оны корьген,
Кокте гульдай ачкъанын.
Ёлунъ джойгъан, ёл шашыргъан
Халкъкъа шавле сачкъанын.

Куньлер отип, Акъмесджитни
Къара булут къаплады.
Кок гульдюрдеп, йылдырымлар
Юреклерге сапланды.

Насыл кельген олса, шай да
Къара булут дагъылды.
Шавле сачкъан бизим йылдыз
Козь огюнде джоюлды.

Къара булут, лянет булут,
Недир сенинъ яптыгъынъ?
Бир чокъ олгъан йылдызлардан
Тапмадынъмы ляйыгъын?

Йылдыз сёнди. Бизлер къалдыкъ,
Къуванч бильмей яшаймыз.
Сен къалдыргъан шавлелерни
Несиллерге ашлаймыз.

Акъмесджит, 25.09.1994 с.



Köz köterip, kökke baqtım,
Yarıq yıldız aradım.
Taptım, soñra pek quvandım,
Sağ ol, dep Yaradanım.

Parıldağan şu yıldızğa
Eskender, dep ad qoydım.
Er gecesi kökke baqıp,
Çoq dualar oqudım.

Bir men degil onı körgen,
Kökte gülday açqanın.
Yoluñ coyğan, yol şaşırğan
Halqqa şavle saçqanın.

Künler ötip, Aqmescitni
Qara bulut qapladı.
Kök güldürdep, yıldırımlar
Yüreklerge saplandı.

Nasıl kelgen olsa, şay da
Qara bulut dağıldı.
Şavle saçqan bizim yıldız
Köz ögünde coyuldı.

Qara bulut, lânet bulut,
Nedir seniñ yaptığın?
Bir çoq olğan yıldızlardan
Tapmadıñmı lâyığın?

Yıldız söndi. Bizler qaldıq,
Quvañ bilmey yaşaymız.
Sen qaldırğan şavlelerni
Nesillerge aşlaymız.

Aqmescit, 25.09.1994 s.

«ЧОБАН ОЮНЫ»НЫНЪ УСТАСЫ

Къырымда белли оюнджы, хореограф, чокъ йыллар девамында гъурбетликте, Ташкенте «Хайтарма» ансамблининъ балетмейстери олгъан, 1990 сенеси Къырымда Къырымтатар музыкалы-драма театринде баш балетмейстер олып, меннен берабер 1994 сенесинедже чалышкъан Аким агъа Джемилевге багъышлана.

Селям берем, седжде этем,
Сизни джандан алгъышлап.
Байрамынъыз шерефине
Шиир яздым багъышлап.

Санатчылар тюрлю ола,
Артист ола, чалгъыджы,
Я бестекяр, я бир рессам,
Я да мешур языджы.

Яш олгъанда Сиз сахнадан
Ойнагъанда «Чобан»ны*
Эльчырпмалар анъдырырды
Денъиздеки боранны.

Гъурбетликте эзгин халкъкъа
Юрек берип юрьдинъиз.
Козълер яшкъа толгъан вакъыт,
Козьяшларын сильдинъиз.

Къол котерип ойнагъанда
Чатырдагълар корюнген.
Перуэтлер япкъан вакъыт
Къара денъиз копюрген.

* Мешур «Чобан оюны».



«ÇOBAN OYUNU»NİN USTASI

Qırımda belli oyuncu, horeograf, çoq yıllar devamında ğurbetlikte, Taşkente «Haytarma» ansambliniñ baletmeysteri olğan, 1990 senesi Qırımda Qırımtatar muzıkalı-drama teatrinde baş baletmeyster olıp, mennen beraber 1994 senesinece çalışqan Akim ağa Cemilevge bağıslana.

Selâm berem, secde etem,
Sizni candan algıslap.
Bayramıñız şerefine
Şiir yazdım bağıslap.

Sanatçılar türlü ola,
Artist ola, çalgıcı,
Ya bestekâr, ya bir ressam,
Ya da meşur yazıcı.

Yaş olğanda Siz sahnadan
Oynağanda «Çoban»nı*
Elçirpmalar añdırırdı
Deñizdeki borannı.

Ğurbetlikte ezgin halqqa
Yürek berip yürdiñiz.
Közler yaşqa tolğan vaqıt,
Közyaşların sildiñiz.

Qol köterip oynağanda
Çatırdağlar körüngen.
Peruetler yapqan vaqıt
Qara deñiz köpürgen.

* Meşur «Çoban oyunu».

Бойле гузель бир оюнны
Корьген киши сукълангъан.
Эваллар айта-айта,
Чокъ дуалар окъугъан.

1998 с.

БЕСТЕКЯР

(Белли бестекяр Эдем Налбантовгъа багъышлана)

Бугунь юртта кене байрам,
Бестекярнынъ акъшамы.
Эдем агъа етмиш яшта,
Чалсын той макъамы.

Инсан ичюн азмы, чокъмы
Етмиш яшны яшамакъ?
Иджат эткен инсан ичюн
Бу бир кучюк басамакъ.

Бир заманда юртумызда
Давул, зурна чалынгъан.
Ашыкъ сазын къолгъа алып,
Халкъ къайгъысын чынълагъан.

О девирден мирас къалды
Бизге йырлар, макъамлар.
Сиз олардан ильхам алып,
Яздынъыз чокъ акъшамлар.

Сиздай адам чокъ дегильдир,
Пармакъ иле саювлы.
Асан Рефат, Шерфединов,
Ильяс Бахшыш... айтувлы.

Яшлар да бар, биз билемиз,
Келир девир чокълашыр.



Böyle güzel bir oyunnu
Körgen kişi suqlanğan.
Evallar ayta-ayta,
Çoq dualar oquğan.

1998 s.

BESTEKÂR

(Belli bestekâr Edem Nalbantovğa bağışlana)

Bugün yurtta kene bayram,
Bestekârniñ aqşamı.
Edem ağa yetmiş yaşta,
Çalsın toy maqamı.

İnsan içün azmı, çoqmı
Yetmiş yaşnı yaşamaq?
İcat etken insan içün
Bu bir küçük basamaq.

Bir zamanda yurtumuzda
Davul, zurna çalınğan.
Aşıq sazın qolğa alıp,
Halq qayğısın cıñlağan.

O devirden miras qaldı
Bizge yırlar, maqamlar.
Siz olardan ilham alıp,
Yazdıñız çoq aqşamlar.

Sizday adam çoq degildir,
Parmaq ile sayuvlı.
Asan Refat, Şerfedinov,
İlyas Bahşış... aytuvlı.

Yaşlar da bar, biz bilemiz,
Kelir devir çoqlaşır.

Бестекярлар сырасына
Ифтихарнен кьошулыр.

Сизге бугунь достларыньыз
Сагълыкъ тилей юректен,
Узун омюр, айдын ильхам
Сорап Аллах-Керимден.

14.12.1996 с.

ЮРТКЪА КЪАЙТЫП ДЕСТАН ОЛДЫНЪ

(Достум бестекяр Февзи Алиевге)

Озь юртумда къалем алып,
Шиир язып кельдим мен
Бугунь тоюнь, Февзи достум,
Сен бахтлысынъ билем мен.

Хайырлайым чынъ къальбимден,
Толды яшынъ алтмышкъа.
Алла узун омюр берсин,
Юз кьошулсын алтмышкъа!

Йырла, достум, чал сазынъны,
Ана-Ватан кучь бере.
Юрткъа къайтып, дестан олдыкъ,
Шукюрлер айт бинъ кере.

Февзи адынъ бильмеген ёкъ,
Гъурбетликте, Ватанда.
Йырлар язып, йырлар йырлап,
Парылдайсынъ сахнада.

Чокъ хислетлер Алла берип
Ерлештирди къальбинъе.
Бестекярсинъ, сен шаирсинъ,
Иджат къайнай гонълюньде.



Bestekârlar sırasına
İftiharnen qoşulır.

Sizge bugün dostlarıñız
Sağlıq tiley yürekten,
Uzun ömür, aydın ilham
Sorap Allah-Kerimden.

14.12.1996 s.

YURTQA QAYTIP DESTAN OLDIÑ

(Dostum bestekâr Fevzi Aliyevge)

Öz yurtumda qalem alıp,
Şiir yazıp keldim men
Bugün toyuñ, Fevzi dostum,
Sen bahtlısıñ bilem men.

Hayırlayım çıñ qalbimden,
Toldı yaşıñ altmışqa.
Alla uzun ömür bersin,
Yüz qoşulsın altmışqa!

Yırla, dostum, çal sazıñnı,
Ana-Vatan küç bere.
Yurtqa qayıp, destan oldıq,
Şükürler ayt biñ kere.

Fevzi adıñ bilmegen yoq,
Ğurbetlikte, Vatanda.
Yırlar yazıp, yırlar yırlap,
Parıldaysıñ sahnada.

Çoq hisletler Alla berip
Yerleştirdi qalbiñe.
Bestekârsıñ, sen şairsiñ,
İcat qaynay göñlünde.

Йырла, достум, чал сазынъны,
Ана-Ватан кучь бере.
Кельди бугунъ достлар санъа,
Тазим эте бинъ кере.

Акъмесджит, 03.11.1996 с.

САНАМЫЗНЫНЪ ЙЫЛДЫЗЫ

*(Селиме Челебиеванынъ догъгъанына
80 йыл толувы мунасебетинен)*

Халкъ севгиси – буюк севги,
Онъа чокълар ынтылгъан.
Лякин халкънынъ севгисини
Къазангъанлар аз олгъан.

Озь санатын халкъкъа берип,
Халкъкъа хызмет эткенлер
Ич бир вакъыт халкъ анъындан
Силинмейлер, кетмейлер...

Бугунъ акъшам хатырлаймыз
Шанлы Къырым къызыны,
Бизлерни чокъ сукъландыргъан
Саналар йылдызыны.

Онынъ гузель оюнлары,
«Эмирджелял», «Тым-тым»ы
Юреклерни джоштыргъыны
Сарып алгъан тылсымдыр.

Устаз олды бир чокъ яшкъа
Узакъ, гъурбет диярда.
Селименинъ шегиртлери
Бугунъ устаз Ватанда.



Yırla, dostum, çal sazıñnı,
Ana-Vatan küç bere.
Keldi bugün dostlar saña,
Tazim ete biñ kere.

Aqmescit, 03.11.1996 s.

SANAMIZNIÑ YILDIZI

*(Selime Çelebiyevanıñ doğğanına
80 yıl toluvu munasebetinen)*

Halq sevgisi – büyük sevgi,
Oña çoqlar ıntılğan.
Lâkin halqñıñ sevgisini
Qazanğanlar az olğan.

Öz sanatın halqqa berip,
Halqqa hizmet etkenler
İç bir vaqıt halq añından
Silinmeyler, ketmeyler...

Bugün aqşam hatırlaymız
Şanlı Qırım qızını,
Bizlerni çoq suqlandırğan
Sanalar yıldızını.

Onıñ güzel oyunları,
«Emircelâl», «Tım-tım»ı
Yüreklerni çoştırğın
Sarıp alğan tılsımdır.

Ustaz oldı bir çoq yaşqa
Uzaq, ğurbet diyarda.
Selimeniñ şegirtleri
Bugün ustaz Vatanda.

Онынъ назик сымалары
Козь огюнден кетмейджек.
Селименинъ шегиртлери
Артаджакъ, эксильмейджек.

«Тым-тым» бугунъ саналарда
Къуванч бере бизлерге
Селименинъ талебеси
Зия кызы Джемиле...

Талмай чалсын кеманелер,
Музыкамыз ольмесин.
Селименинъ йылдызлары
Даим янсын, сёнмесин.

Акъмесджит, 18.08.2001 с.

САНАДАКИ «УЧАН-СУВ»

*«Учан-сув» ансамблининъ
Он йыллыкъ юбилейине багъышлана
(бедий рехбери Али Алимов)*

Акъмесджитте кене байрам,
«Учан-сув»нынъ байрамы.
Сейирджилер топландылар,
Бугунъ яшлар байрамы.

«Учан-сув»нынъ гузеллиги
Табиатнынъ ишидир.
Санадаки «Учан-сув»нынъ
Себепчиси Алидир.

Энди онгъа толгъан яшынъ
Санадаки «Учан-сув»,
Иджат чешменъ къурумасын,
Олсун джанлы чокъракъ, сув.



Onıñ nazik sımaları
Köz ögünden ketmeycek.
Selimeniñ şegirtleri
Artacaq, eksilmeycek.

«Tım-tım» bugün sanalarda
Quvanç bere bizlerge
Selimeniñ talebesi
Ziya qızı Cemile...

Talmay çalsın kemaneler,
Muzıkamız ölmesin.
Selimeniñ yıldızları
Daim yansın, sönmesin.

Aqmescit, 18.08.2001 s.

SANADAKI «UÇAN-SUV»

*«Uçan-suv» ansambliniñ
On yıllıq yubileyine bağışlana
(bediyy rehberi Ali Alimov)*

Aqmescitte kene bayram,
«Uçan-suv»nıñ bayramı.
Seyirciler toplandılar,
Bugün yaşlar bayramı.

«Uçan-suv»nıñ güzelligi
Tabiatnıñ işidir.
Sanadaki «Uçan-suv»nıñ
Sebepçisi Alidir.

Endi onğa tolğan yaşın
Sanadaki «Uçan-suv»,
İcat çeşmeñ qurumasın,
Olsun canlı çoqraq, suv.

Аля бугунь хатырлайман
Огълан, къызлар, яшларны.
Театрде Али оджа
Сайлай эди оларны.

Сайлангъан сонъ эр балагъа
Озю ойнап косътере.
Чарыкъ кийген огъланчыкъкъа
Чобан ойнын огрете.

Куньлер отип, йыллар кечти,
«Фидан» олгъан балалар,
Бугунь, мына «Учан-сув»да
Белли артист олгъанлар.

Тыпкъы баарь кельген вакъыт
Чечекдай ачкъанлар,
Оюнлары юреклерге
Къуванч алып толгъанлар.

Къавал сесин давул баса,
Даре исе зиль тутта.
Чокъкъа бармай кемане де
Озюнь дердин анълата.

«Агъыр ава» битер-битмез,
«Къайтарма»гъа айлана.
Оюнджылар ойнагъан сонъ,
Кене чынълар йырлана.

Оюн, йырлар, чалгъы сеси
Бир-биринен багълана.
Санадаки гузелликке
Сейирджилер сукълана.

Эльчырпмалар токътамады,
Концерт девам эткенде.



Alâ bugün hatırlayman
Oğlan, qızlar, yaşlarını.
Teatrde Ali oca
Saylay edi olarnı.

Saylanğan soñ er balağa
Özü oynap köstere.
Çarıq kiygen oğlançıqqa
Çoban oynın ögrete.

Künler ötip, yıllar keçti,
«Fidan» olğan balalar,
Bugün, mına «Uçan-suv»da
Belli artist olğanlar.

Tıpqı baar kelgen vaqıt
Çeçekday açqanlar,
Oyunları yüreklerge
Quvanç alıp tolğanlar.

Qaval sesin davul basa,
Dare ise zil tuta.
Çoqqa barmay kemane de
Özüñ derdin añlata.

«Ağır ava» biter-bitmez,
«Qaytarma»ğa aylana.
Oyuncılar oynanğan soñ,
Kene çıñlar yırlana.

Oyun, yırlar, çalgı sesi
Bir-birinen bağlana.
Sanadaki güzelliğe
Seyirciler suqlana.

Elçırpmalar toqtamadı,
Kontsert devam etkende.

«Машалла!» – деп алгыш ягъды
Перде яваш энгенде.

Али оджа чыкъты халкъкъа
Сепетте гуль котерип.
Кене перде ачылгъан сонъ
Артистлерни чагъырып.

Залгъа бакъып таазим этти,
Къолун къоюп коксюне.
Бир къач гузель сёзлер айтты
Севимли миллетине.

Къырымдаки муфтимиз де
Чагъырылды санагъа.
Бир дуа о, багъышлады
Он яшлы «Учан-сув»гъа.

Перде энди, халкъ таркъала,
Мен де залдан чыкъаман.
Сейирджилер теэссуратын
Къулакъ салып тынълайман.

Менде олгъан фикирлернинъ
Догърулыкънен анъладым.
Эвге келип, къалем алып,
Бир къач джыллы сёз яздым.

Акъмесджит, 06.03.2000 с.

ГҮНЕРДЕН РИЗАГЪА

Романиялы шаире Гунер Акъмолланынъ къырымлы сёз
устасы Риза Юсуфкъа ширий селямы.

(Романия, Костендже. 01.04.2000 с.)



«Maşalla!» – dep alğış yağdı
Perde yavaş engende.

Ali oca çıqtı halqqa
Sepette gül köterip.
Kene perde açılğan soñ
Artistlerni çağırıp.

Zalğa baqıp taazim etti,
Qolun qoyup köksüne.
Bir qaç güzel sözler ayttı
Sevimli milletine.

Qırımdaki müftimiz de
Çağırıldı sanağa.
Bir dua o, bağısladı
On yaşlı «Uçan-suv»ğa.

Perde endi, halq tarqala,
Men de zaldan çıqaman.
Seyirciler teessuratın
Qulaq salıp tıñlayman.

Mende olğan fikirlerniñ
Doğruluqnen añladım.
Evge kelip, qalem alıp,
Bir qaç cıllı söz yazdım.

Aqmescit, 06.03.2000 s.

GÜNERDEN RİZAĞA

Romaniyalı şaire Güner Aqmollanıñ qırımlı söz ustası Riza
Yusufqa şiiriy selâmı.

(Romaniya, Köstence. 01.04.2000 s.)

«Сизге селям кетирдим мен
Къырым деген улькеден.
Кельдим сизге узакътан мен
Сайып, севип юректен...».

«Биз де сиздай нидже йыллар
Асрет олуп яшадыкъ.
Къырым деген дженнет ичюн
Джан берип, джан талаштыкъ...»

«...Гъурбетликте бала эдим,
Бильмей осьтим кимлигим.
Акълым танып, сонъра бильдим
Ким олгъаным, кимлигим...»

«...Мен татарман, къырымлыман,
Деп багъырдым саба мен.
Ватан сесин эшиттим мен
Танъ аткъанда къыбладан!» –

Деди бизге джан-юректен
Риза Юсуф Къырымлы!
Биз де оны сеслегенде
Сагъынамыз Къырымны.

Эй, татарлар, Ешиль Ада
Эм истикъбаль, тарихтыр!
Дженнет болса, бу – Къырымдыр!
Бирлешмесек языкътыр.

01.04.2000 с.

«Къырымлы къырымлылар ве романиялы къырым-
лылар шиирлеримнен къол тутушып тарихкъа кире-
джеклер», – Гунер Акъмолланынъ къайды.



«Sizge selâm ketirdim men
Qırım degen ülkeden.
Keldim sizge uzaqdan men
Sayıp, sevip yürekten...».

«Biz de sizday nice yıllar
Asret olup yaşadığ.
Qırım degen cennet için
Can berip, can talaştıq...»

«...Ğurbetlikte bala edim,
Bilmey östim kimligim.
Aqlım tanıp, soñra bildim
Kim olğanım, kimligim...»

«...Men tatarman, qırımlıman,
Dep bağırdım saba men.
Vatan sesin eşittim men
Tañ atqanda qıbladan!» –

Dedi bizge can-yürekten
Rıza Yusuf Qırımlı!
Biz de onı seslegende
Sağınamız Qırımını.

Ey, tatarlar, Yeşil Ada
Em istiqbal, tarihtır!
Cennet bolsa, bu – Qırımdır!
Birleşmesek yazıqtır.

01.04.2000 s.

«Qırımlı qırımlılar ve romaniyalı qırımlılar şiirlerimnen qol
tutuşıp tarihqa kirecekler», – Güner Aqmollanın qaydı.

РИЗА ЮСУФНЫНЪ ИДЖАДЫ АКЪКЪЫНДА БЕЛЛИ ЗИЯЛЫЛАРЫМЫЗНЫНЪ ФИКИРИ

БАЯГЪЫ ТЮЗ САТЫРЛАР ЯРАТКЪАН САНАТЧЫ

Азиз юртумыз – Къырымгъа авдет этмекте олгъан халкъымызнынъ арасында Ватан севинчи иле къальплеринде жанлангъан рух ве истидат нуры янгъан бир чокъ иджаткярымыз булунмакъта. Булар озьлерини музыка, театр, рессамлыкъ, эдебият ве чешит илимлер киби сааларда сынамакъта ве меракълы теджрибелер этмектелер. Хусусан сонъ йыллар ичинде дюнья юзюни корьген дерги ве газеталарымызда иджатларындан базы нумюнелер басылгъан онлар ве юзлернен чешит сааларда чалышкъан иджаткярларымызнынъ адлары пейда ола. Назм эсерлер акъкъында лакъырды юрютильгенде, иште, бу янъы несиль шаирлер арасында зенгиндже образлар ве баягъы тюз сатырлар ярата бильгенлер де бардыр. Шулардан бириси Риза Юсуфтыр.

Риза Юсуф назмиеттеки иджадыны 50 яшындан сонъ башласа да, къалеми яваш-яваш кучъ алып, меракълы левхалар, къанатлы сатырлар иджат этмекте:

Тарих олып къалгъан бизге
Багъчасарай – Хансарай,
Таштан олгъан минарелер
Бизлер ичюн сыр сакълай...

(«Багъчасарай-Хансарай», 1994 с.)

яхут:

Майыс айнынъ он секизи
Бизлер ичюн къарадыр,
Асырларда савулмайджакъ,
Сызлайджакъ бир ярадыр!

(«Майыс айнынъ он секизи», 1994 с.)



RİZA YUSUFNİN İCADI AQQINDA BELLİ ZİYALILARIMIZNİN FİKİRİ

BAYAĞI TÜZ SATIRLAR YARATQAN SANATÇI

Aziz yurtumuz – Qırımğa avdet etmekte olğan halqımızınñ arasında Vatan sevinçi ile qalplerinde canlağan ruh ve istidat nurı yağan bir çoq icatkârımız bulunmaqta. Bular özlerini muzıka, teatr, ressamlıq, edebiyat ve çeşit ilimler kibi saalarda sınamaqta ve meraqlı tecribeler etmekte. Hususan soñ yıllar içinde dünya yüzünü körgegen dergi ve gazetalarımızda icatlarından bazı nümüneler basılğan onlar ve yüzlernen çeşit saalarda çalışqan icatkârlarımızınñ adları peyda ola. Nazm eserler aqqında laqırdı yürütülgende, işte, bu yañı nesil şairler arasında zengince obrazlar ve bayağı tüz satırlar yarata bilgenler de bardır. Şulardan birisi Riza Yusuftır.

Riza Yusuf nazmiyetteki icadını 50 yaşından soñ başlasa da, qalemi yavaş-yavaş küç alıp, meraqlı levhalar, qanatlı satırlar icat etmekte:

Tarih olıp qalğan bizge
Bağçasaray – Hansaray,
Taştan olğan minareler
Bizler içün sır saqlay...

(«Bağçasaray-Hansaray», 1994 s.)

yahut:

Mayıs aynıñ on sekizi
Bizler içün qaradır,
Asırlarda savulmaycaq,
Sızlaycaq bir yaradır!

(«Mayıs aynıñ on sekizi», 1994 s.)

Риза Юсуфнынъ лирик къараманы бинъ-бир тюрлю мешакъат ве фелякеттен кечип, ахыры Ватанына дёне. Ама сюр-гюнликте башындан кечирген дешетли вакъиалар хафызасындан силинмей, къанлы яралар савулмай, сызлап тура... Къырымнынъ эвельки маневияты ве темиз руху писиклер ичинде ёгъурылгъан, деделеримизнинъ бинъ йыллар девамында яратып кельген медениети ернен ексан этильген...

Азиз юртуна тараф реван олгъан ватандашларымызнынъ чокъусы эвсиз-баркъсыз, ёллар ичинде сепильген, токътамагъа бир дуракъ, дердине бир дерман буламайлар:

Бири сорап кой къыдыра,
Бири деде мезарын,
Бири юре эв къыдыра
Къолгъа алып эвлядын.

(«Сизге селям кетирдим», 1997 с.)

Лякин бу ёргъунлыкъ нагъмелери базан дигерлерине, умют ышыкъларына денъиштириле. Насыл агъыр ве зор олса да, лирик къараман артыкъ озъ асретли Ватанына ве халкъына къавуша. Эндиден сонъ, иншалла, яваш-яваш эр шей тюзеледжек ве хор миллет ниает бахтлы кунълерни кореджектир...

Айрыджа къайд этмели ки, Риза Юсуфнынъ ширий сатырлары озюнинъ ифадесинде сахнадан эшитильсе, даа да зевкълы ве меракълы олып чыкъа. Онынъ декламация усталыгъыны эшиткен адам мытлакъа джоша, хошлана ве устаны алгъышлай. Чокъ сенелер халкъымызда профессиональ ифадеджилер, сахна сёз усталары корюнмезди. Конферансье Аблямит Умеровнынъ вефатындан сонъра, сахнада истидатлы шекильде шиир окъугъанлар ёкъ эди.

Шунынъ ичюн Риза Юсуфнынъ назмиет иле огърашмасы ве сахнадан буюк усталыкъ иле шиир ифаде этмеси эр тюрлю такъдирлерге лайыкътыр.

Арды гурь олсун, урьметли Риза эфенди!

Исмаил Асан огълу Керим,
профессор, языджы.



Riza Yusufnıñ lirik qaramanı biñ-bir türlü meşaqat ve felâketten keçip, ahır Vatanına döne. Ama sürgünlükte başından keçirgen deşetli vaqialar hafızasından silinmey, qanlı yaralar savulmay, sızlap tura... Qırımın evelki maneviyatı ve temiz ruhu pisikler içinde yoğurulğan, dedelerimiznıñ biñ yıllar devamında yaratıp kelgen medeniyeti yernen yeksan etilgen...

Aziz yurtuna taraf revan olğan vatandaşlarımıznıñ çoqusı evsiz-barqsız, yollar içinde sepilgen, toqtamağa bir duraq, derdine bir derman bulamaylar:

Biri sorap köy qıdıra,
Biri dede mezarın,
Biri yüre ev qıdıra
Qolğa alıp evlâdın.

(«Sizge selâm ketirdim», 1997 s.)

Lâkin bu yorğunluq nağmeleri bazan digerlerine, ümüt ışıklarına deñiştirile. Nasıl ağır ve zor olsa da, lirik qaraman artıq öz asretli Vatanına ve halqına qavuşa. Endiden soñ, inşalla, yavaş-yavaş er şey tüzelecek ve hor millet niayet bahtlı künlerini körecektir...

Ayrıca qayd etmeli ki, Riza Yusufnıñ şiiriy satırları özünüñ ifadesinde sahnadan eşitse, daa da zevqlı ve meraqılı olıp çıqa. Onıñ deklamatsiya ustalığını eşitken adam mıtlaqa coşa, hoşlana ve ustanı alğışlay. Çoq seneler halqımızda professional ifadeciler, sahna söz ustaları körünmezdi. Konferansye Ablâmit Ümerovnıñ vefatından soñra, sahnada istidatlı şekilde şiir oquğanlar yoq edi.

Şunıñ içün Riza Yusufnıñ nazmiyet ile oğraşması ve sahnadan büyük ustalıq ile şiir ifade etmesi er türlü taqdirlerge lâyıqtır.

Ardı gür olsun, ürmetli Riza efendi!
İsmail Asan oğlu Kerim,
professor, yazıcı.

РҰХИЙ РААТЛЫКЪ БАГЪЫШЛАЙ

Къырымтатар халкъынынъ белли сёз устасы Риза Юсуф Озбекистанда Андижан шеэриндеки музыкалы драма ве комедия театринде чокъ йыл девамында баш дирижёр вазифесинде чалышкъан юксек бильгили мутехассыс.

Озбекистанда нам къазангъан артист, аджайип мутехассыс Къырымгъа къайтып кельгенинен 1990–1995 сенелери къырымтатар музыкалы драма театрининъ баш дирижёры вазифесини эда этти.

Тувгъан ана тилини огренюв ишине айрыджа дикъкъат этерек, классик ве земанемизнинъ илери шаирлерининъ иджадыны терен огренмеге тырышты.

Бир чокъ классик иле берабер Амди Гирайбай, Бекир Чобан-заде, Эшреф Шемъи-заде, Шамиль Алядин ве Шакир Селимнинъ эсерлерини пек бегенген Риза Юсуф бу белли эдиплернинъ бир сыра шиирлерини эзберлеп, мерасимлерде ифадели окъуды. Буюк саналарда чыккышларда булунаракъ, догъмуш халкъы арасында, сёз устасы намыны къазанды.

Сонъра озю де шиирлер язып башлады. 2005 сенеси Романияда муэллифнинъ «Мен шаир дегилим» адында шиирлер джыйынтыгъы нешир олунды.

2009 сенеси исе озю саналарда окъугъан классик шаирлеримизнинъ эсерлеринден тертип олунгъан «Санадан янгъырагъан шиирлер» адында джыйынтыкъ чыкъарды.

Чокъ йыл себатнен чалышувы нетиджесинде 2015 сенеси исе озь мухлислерине санатчылар акъкъында «Къырымтатар музыка эрбаплары» серлевхалы библиографик джыйынтыкъны такъдим этти.

Шимди буюк сёз устасы, языджы, аджайип инсан Риза Юсуфнынъ иджады пишкинлешкен бир девирдедир. Якъында иджаткяр озюнинъ сексен йыллыгъы мунасебетинен къыйметли окъуйыджыларына «Ана къальби» шиирлер джыйынтыгъыны такъдим этмекте. Анда ер алгъан эсерлер дюньяда улу зат аналаргъа багъышлана. Бу буюк санаткяр озь терен



RUHİY RAATLIQ BAĞIŞLAY

Qırımtatar halqınıñ belli söz ustası Rıza Yusuf Özbekistanda Andijan şeerindeki muzıkalı drama ve komediya teatrinde çoq yıl devamında baş dirijör vazifesinde çalışqan yüksek bilgili mütehassıs.

Özbekistanda nam qazanğan artist, acayip mütehassıs Qırımğa qayıp kelgeninen 1990–1995 seneleri qırımtatar muzıkalı drama teatriniñ baş dirijörü vazifesini eda etti.

Tuvğan ana tilini öğrenüv işine ayrıca diqqat eterek, klassik ve zamanemizniñ ileri şairleriniñ icadını teren öğrenmege tırıştı.

Bir çoq klassik ile beraber Amdi Giraybay, Bekir Çobanzade, Eşref Şemi-zade, Şamil Alâdin ve Şakir Selimniñ eserlerini pek begengen Rıza Yusuf bu belli ediplerniñ bir sıra şiirlerini ezberlep, merasimlerde ifadeli oqudı. Büyük sanalarda çıqışlarda bulunaraq, doğmuş halqı arasında, söz ustası namını qazandı.

Soñra özü de şiirler yazıp başladı. 2005 senesi Romaniyada müellifniñ «Men şair degilim» adında şiirler cıyıntığı neşir olundu.

2009 senesi ise özü sanalarda oquğan klassik şairlerimizniñ eserlerinden tertip olunğan «Sanadan yangırağan şiirler» adında cıyıntıq çıqardı.

Çoq yıl sebatnen çalışuvı neticesinde 2015 senesi ise öz mühlislerine sanatçılar aqqında «Qırımtatar muzıka erbapları» serlevhalı bibliografik cıyıntıqnı taqdim etti.

Şimdi büyük söz ustası, yazıcı, acayip insan Rıza Yusufniñ icadı pişkinleşken bir devirdedir. Yaqında icatkâr özüniñ seksen yıllığı munasebetinen qıymetli oquyıcılarına «Ana qalbi» şiirler cıyıntığını taqdim etmekte. Anda yer alğan eserler dünyada ulu zat analarğa bağışlana. Bu büyük

фельсефий чыккышларынен халкымызгъа рухий раатлыкъ баггышламакъта.

Илериде де туткъан бутюн ишлеринде онъа мувафакъиетлер тилеймиз.

*Урие Эдемова,
Къырымтатар
Языджылары бирлиги реиси.*

* * *

Сёз устасы Риза Юсуф шу кечкен йыллар ичинде. Чешит саналарда чешит тантаналы мерасимлерде юзлернен чыккышлар япты.

Аккыкий санаткяр оларакъ, озъ усталыгынен бинълернен сейирджининъ юрегине ёл тапты.

Шаир Риза Фазыл.

* * *

Эдждатларымыздан бизге мирас олгъан, энъ буюк байлыгъымыз – ана тилинде язылгъан эсерлерге озюнинъ текрарланмаз сесинен джуля берген Риза Юсуф тек Къырымда дегиль, Тюркиеде, Романияда кечкен фестиваллерде Юртдашларымыз огюнде шиирлер окъуп, Ватан асретлиги чеккенлернинъ де алггышларыны къазанып кельмекте.

Шаир Шерьян Али.

* * *

Риза Юсуф аккыында бир къач сёз...

Къырымтатар эдебиятына Риза Юсуф 90-нджы сенелернинъ сонъунда, энъ эвеля, нефис сёз устасы оларакъ келип кирди. Онынъ сеси, сёз усталыгъы къабилиети, чешит саналарда, радио ве телевидениеде япкъан чыккышлары мухлислернинъ севгисини, урметини ве алггышыны къазанды. Онынъ иджрасында къырымтатар шиириетининъ эм классиклери, эм земаневий муэллифлернинъ эсерлери бедий джеэттен алий бир дереджеде янггырап, янгы бир нефес алып, халккъа такъдим этильди.



sanatkâr öz teren felsefiy çıqışlarınen halqımızğa ruhiy raatlıq bağışlamaqta.

İleride de tutqan bütün işlerinde oña muvafaqiyetler tileymiz.

Uriye Edemova,

Qırımtatar

Yazıcıları birliği reisi.

* * *

Söz ustası Riza Yusuf şu keçken yıllar içinde. Çeşit sanalarda çeşit tantanalı merasimlerde yüzlernen çıqışlar yaptı.

Aqıqiy sanatkâr olaraq, öz ustalığınen biñlernen seyirciniñ yüregine yol taptı.

Şair Riza Fazıl.

* * *

Ecdatlarımızdan bizgemirasolğan, eñ büyük baylığımız – ana tilinde yazılğan eserlerge özünüñ tekrarlanmaz sesinen culâ bergen Riza Yusuf tek Qırımda degil, Türkiyede, Romaniyada keçken festivallerde Yurtdaşlarımız ögünde şiirler oqup, Vatan asretligi çekkenlerniñ de alğışlarını qazanıp kelmekte.

Şair Şeryan Ali.

* * *

Riza Yusuf aqqında bir qaç söz...

Qırımtatar edebiyatına Riza Yusuf 90-ncı senelerniñ soñunda, eñ evelâ, nefis söz ustası olaraq kelip kirdi. Onıñ sesi, söz ustalığı qabiliyeti, çeşit sanalarda, radio ve televideniyede yapqan çıqışları mühlislerniñ sevgisini, ũrmetini ve alğışını qazandı. Onıñ icrasında qırımtatar şiiriyetiniñ em klassikleri, em zemaneyiy müelliflerniñ eserleri bediyy ceetten aliy bir derecede yañğırıp, yañı bir nefes alıp, halqqa taqdim etildi.

Elbet, buña Riza Yusufnıñ professional muzıka alemine bağılı olğanı tesir etkenini farz etmege mümkündür. Çoq

Эльбет, бунъа Риза Юсуфнынъ профессиональ музыка алемине багълы олгъаны тесир эткенини фарз этмеге мумкюндир. Чокъ йыллар девамьнда Андижан, Акъмесджит театрлеринде оркестрлерде дирижёрлыкъ вазифесини беджерген, саналарда чешит актёрларнынъ санатынен таныш олгъаны оны нефис сёз устасы оларакъ шекилленмесине тесир этмей къалмагъандыр. Амма о бунынънен сынъырланмады. Чешит шаирлеримизнинъ эсерлерини окъур экен, олардан ильхамланып, гъыда алып Риза Юсуф озю де къалемини тебретип башлай. Бойле этип о кырымтатар шириет багъчасында ильк адымларыны атып башлай. Арекетте – берекет дегенлери киби, бугунъ биз Риза Юсуфны тек сёз устасы киби дегилъ де, бир шаир киби де билемиз.

Онынъ шириети озь юртуна, тувгъан халкъына, якъынларына олгъан сынъырсыз севги иле суварылгъан. Бу севги ве сайлагъан иджат ёлуна садыкълыкъ шаир яратыджылыгъынынъ темели, бу мевзу онынъ ширий дюньясынынъ кыбласыдыр. «Майыс айынынъ он секизи», «Гъурбетликте бала эдим», «Къуванч корьмей юрегим», «Ана къальби», «Сельби береги» онынъ ширий юзюни акс эткен, кимсени первасыз къалдырмайджакъ иджат емишлеридир.

Риза Юсуф «Санадан янъгъырагъан шиирлер», «Мен шаир дегилим» киби эки ширий джыйнтыкънынъ, «Къырымтатар музыка эрбаплары» китабынынъ да муэллифи, Къырымтатар яызджылары бирлигининъ азасы ола (2016 с.), Украинада нам къазангъан санат эрбабы. Шаирнинъ дюнья юзюни корьген «Ана къальби» джыйнтыгъы онынъ иджадынынъ даа бир кысмына екюн чекмекте. Окъуйдыжылар онынъ янъы эсерлерини, санадан янъгъырагъан сесини сабырсызлыкънен беклемектелер.

*Дилявер Осман,
«Йылдыз» меджмуасынынъ баши муаррири,
Къырымтатар яызджылары
бирлигининъ кятиби,
Къырымда ве Татаристанда нам
къазангъан санат эрбабы.*



yıllar devamında Andijan, Aqmescit teatrlerinde orkestrlerde dirijörlıq vazifesini becergen, sanalarda çeşit aktörlarnıñ sanatinen tanış olğanı onı nefis söz ustası olaraq şekillenmesine tesir etmey qalmağandır. Amma o bunıñnen sınırlanmadı. Çeşit şairlerimizniñ eserlerini oqur eken, olardan ilhamlanıp, ğıda alıp Riza Yusuf özü de qalemını tebretip başlay. Böyle etip o qırımtatar şiiyiet bağçasında ilk adımlarını atıp başlay. Arekette – bereket degenleri kibi, bugün biz Riza Yusufnı tek söz ustası kibi degil de, bir şair kibi de bilemiz.

Onıñ şiiyietı öz yurtuna, tuvğan halqına, yaqınlarına olğan sınırsız sevgi ile suvarılğan. Bu sevgi ve saylağan icat yoluna sadıqlıq şair yaratıcılığının temeli, bu mevzu onıñ şiiy dünyasınıñ qıblasıdır. «Mayıs ayının on sekizi», «Ğurbetlikte bala edim», «Quvañ körmey yüregim», «Ana qalbi», «Selbi teregi» onıñ şiiy yüzünü aks etken, kimseni pervasız qaldırmaycaq icat yemişleridir.

Riza Yusuf «Sanadan yañğırağan şiiirler», «Men şair degilim» kibi eki şiiy cıyntıqnıñ, «Qırımtatar muzıka erbapları» kitabının da müellifi, Qırımtatar yazıcıları birliğiniñ azası ola (2016 s.), Ukrainada nam qazanğan sanat erbabı. Şairniñ dünya yüzünü körgeñ «Ana qalbi» cıyntığı onıñ icadının daa bir qısmına yekün çekmekte. Oquyıcılar onıñ yañı eserlerini, sanadan yañğırağan sesini sabırsızlıqnen beklemekteler.

Dilâver Osman,
«Yıldız» mecmuasınıñ baş muarriri,
Qırımtatar yazıcıları
birliğiniñ kâtibi,
Qırında ve Tataristanda nam
qazanğan sanat erbabı.

ЮРЕГИНДЕ КЪЫРЫМНЫ ТАШЫГЪАН СЕЗ ҮСТАСЫ

Балалыкъ ве осьмюр чагъындаки агъыр, атта аджыныкълы такъдирине бакъмадан кичик Риза бутюн вакъыт музыка тасилинен огърашты, белли севиелерге иришти. Йылларджа окъуды, озюни етиштирди, теджрибе къазанды, труппаларгъа ёлбашчылыкъ япты, музыка язды, озю де генчлерни осьтюрди. Къырымгъа да 1990-нджы сенелери артыкъ белли бир медениет эрбабы оларакъ, азыр санатчы оларакъ келип чыкъты.

Санатчымызнынъ бедий эдебияткъа авес олгъан сенелери 1990-нджы ве 2000-нджи сенелернинъ башы. Яни, тувгъан эдебиятымызнынъ авдеттен сонъраки юкселиш сенелерине тенъ келе. Шиирлеринде айле, ана, ватан, эвляд севгиси ве къыймети анълатылмакъта. Р. Юсуфнынъ багъышлав шиирлеринде биле даима Ешил Ада, тувгъан топракъ, гузель Къырым ве Къара денъиз анъылмакътадыр. Шаирнинъ пек терен бир юрт севгиси бар...

Р. Юсуф бугунъ къырымтатар эдебиятыны инкишаф эттирювге белли бир иссе къошкъан эдиптир. Чюнки эм шиирлер яратмакъта, эм де классиклеримизни сахнадан окъумакътадыр.

Истидатлы, ватансевер, миллетпервер инсан Риза Юсуф бугунъ Къырым сахна санатынынъ ве ифадели шиир окъувынынъ екяне эсли-башлы санатчысыдыр. Эльбетте, онынъ изнинден юрьген генчлеримиз де аз дегильдир, чокъ шукюр. Бу яшлар Риза Юсуф киби теджрибели сёз усталарындан рух, хаз ве джесарет алмакъталар. Бойле акъсакъл, устаз арамызда олгъаны ичюн яшларымыз гъурурлы олмалы.

Рахметли бабам, хакъыкъий халкъ шаири Шакир Селим иле мухтерем буюгим Риза Юсуфны бир сахнада, бераберликте Къарасубазарда сейир этмеге манъа къысмет олды. 2006 сенеси Бекир Чобаан-заде эдебият мукъяфатынынъ такъдим акъшамында эдебият-медениет эрбапларынынъ, сёз усталарынынъ ве алимлернинъ бир арада олгъаны мухтешем о акъшамда



YÜREGİNDE QIRIMNI TAŞIĞAN SÖZ USTASI

Balalıq ve ösmür çağındaki ağır, atta acınıqlı taqdirine baqmadan kiçik Riza bütün vaqıt muzıka tasilinen oğraştı, belli seviyelere iriştı. Yıllarca oqudı, özünü yetiştirdi, tecribe qazandı, truppalarğa yolbaşçılıq yaptı, muzıka yazdı, özü de gençlerni östürdi. Qırımğa da 1990-ncı seneleri artıq belli bir medeniyet erbabı olaraq, azır sanatçı olaraq kelip çıqtı.

Sanatçımıznıñ bediyy edebiyatqa aves olğan seneleri 1990-ncı ve 2000-nci senelerniñ başı. Yani, tuvğan edebiyatımıznıñ avdetten soñraki yükseliş senelerine teñ kele. Şiirlerinde aile, ana, vatan, evlâd sevgisi ve qıymeti añlatılmaqta. R. Yusufnıñ bağışlav şiirlerinde bile daima Yeşil Ada, tuvğan topraq, güzel Qırım ve Qara deñiz añılmaqta. Şairniñ pek teren bir yurt sevgisi bar...

R. Yusuf bugün qırımtatar edebiyatını inkişaf ettirüvge belli bir isse qoşqan ediptir. Çünki em şiirler yaratmaqta, em de klassiklerimizni sahnadan oqumaqta.

İstidatlı, vatansever, milletperver insan Riza Yusuf bugün Qırım sahna sanatınıñ ve ifadeli şiir oquvınıñ yekâne esli-başlı sanatçısıdır. Elbette, onıñ izninden yürgen gençlerimiz de az degildir, çoq şükür. Bu yaşlar Riza Yusuf kibi tecribeli söz ustalarından ruh, haz ve cesaret almaqtalar. Böyle aqsaqal, ustaz aramızda olğanı içün yaşlarımız gururlı olmalı.

Rahmetli babam, haqiqiy halq şairi Şakir Selim ile mühterem büyüim Riza Yusufnı bir sahnada, beraberlikte Qarasubazarda seyir etmege maña qısmet oldı. 2006 senesi Bekir Çobaan-zade edebiyat mukâfatınıñ taqdim aqşamında edebiyat-medeniyet erbaplarınıñ, söz ustalarınıñ ve alimlerniñ bir arada olğanı mühteşem o aqşamda Riza Yusuf o mükemmel sesinen şiirler oqudı, diñlegen-seyir etken erkesni adeta mest etken edi. O yılı Riza Yusuf bu müim halqara mukâfatına lâyıq olğan edi.

Риза Юсуф о мукеммель сесинен шиирлер окъуды, динълеген-сейир эткен эркесни адета мест эткен эди. О йылы Риза Юсуф бу муим халкъара мукъфатына ляйыкъ олгъан эди.

2019 йылында устаз Риза Юсуфнынъ 80 йыллыкъ юбилейи къайд этиледжектир. Бу мерасимлерге догъру якълаштыкъча шаиримизге къавий сагълыкъ ве иджадий муваффакиетлер, гонъюль нагъмесининъ тынмамасыны тилейим.

Къалеминъиз де, седанъыз да ич тюкенмесин!

*Джелилова Л. Ш.,
Къырымтатар эдебияты
ве журналистика кафедрасы доценти,
КъМПУ*

СЁЗ ЎСТАСЫ РИЗА ЮСУФ

Инсан деген инсанда олгъан истидат ве къабилиетлер ер астындаки ирмакъларгъа бенъзейлер. Илля бир кунъ шу ирмакълар бекленильмеген ер ве муитте чокъракъларгъа чевирилип ярыкъ дюньягъа чыкъалар.

Риза Юсуфнынъ шаирлиги де тыпкъы бир чокъракъ киби, апансыздан догъды. Аджеба, бу бир тесадюфми? Занымджа, тесадюф олмаса керек.

Омюри бою музыканен огърашкъан, аятынъ буюк бир къысымыны дирижёрлыкъ санатына багъышлагъан бир-де бир инсаннынъ шиир язып башламасы, озю де элли яшыны кечкен сонъ, шиир язмасы дегерлик табийи алдыр.

Аллах-Таала, демек, Риза Юсуфкъа шиир язмакъ къабилиетини де берген.

Мен шаир дегилим, достлар,
Шаир олып догъмалы.
Халкъынъ сени севсе, бильсе,
Онъа ляйыкъ олмалы.

(«Мен шаир дегилим»).



2019 yılında ustaz Rıza Yusufnıñ 80 yıllıq yubileyi qayd etilecektir. Bu merasimlerde doğru yaqlaşıqça şairimizge qaviy saqlıq ve icadiy muvaffaqiyetler, gönül nağmesiniñ tınmamasını tileyim.

Qalemiñiz de, sedañız da iç tükenmesin!

Celilova L. Ş.,
Qırım tatar edebiyatı
ve jurnalistika kafedrası dotsenti,
QMPU

SÖZ USTASI RİZA YUSUF

İnsan degen insanda olğan istidat ve qabiliyetler yer astındaki irmaqlarğa beñzeyler. İllâ bir kün şu irmaqlar beklenilmegen yer ve müitte çoqraqlarğa çevirilip yarıq dünyağa çıqalar.

Rıza Yusufnıñ şairliği de tıpqı bir çoqraq kibi, apansızdan doğdı. Aceba, bu bir tesadüfmi? Zanimca, tesadüf olmasa gerek.

Ömürü boyu muzıkanen oğraşqan, ayatnıñ büyük bir qısınıñı dirijörlıq sanatına bağışlağan bir-de bir insannıñ şiir yazıp başlaması, özü de elli yaşını keçken soñ, şiir yazması degerlik tabiiy aldır.

Allah-Taalâ, demek, Rıza Yusufqa şiir yazmaq qabiliyetini de bergen.

Men şair degilim, dostlar,
Şair olıp doğmalı.
Halqnı seni sevse, bilse,
Oña lâyıq olmalı.

(«Men şair degilim»).

«Olân, Rıza, sen şiirler yazmasa, bizim yazğan şiirlerimizni oquy berse» degenlerde qulaq asmadan, şiiriyette öz küçünü ep

«Олян, Риза, сен шиирлер язмаса, бизим язган шиирлеримизни окъуй берсе» дегенлерге къулакъ асмадан, шиириетте озъ кучюни эп сынамакъта. Бунунънен бирликте шаирлик «унванына» ынтылмагъаныны айрыджа къайд эте:

Мен шаир дегилим, достлар,
Косьтерменъиз пармакъман.
Гъурбетликтен юрткъа къайтып,
Къуванч йырын йырлайман.

Сёзлер келе, мен топлайман,
Сонъра бир-бир язаман.
Юректеки дуйгъуларны
Сизге язып ташлайман.

(«Мен шаир дегилим»).

Шиириет севдалырнынъ эксериети Риза Юсуфны зиядесинен сёз устасы оларакъ яхшы билелер. Бу да Р. Юсуфнынъ истидатынынъ бир корюнишидир.

Шуны айрыджа къайд этмели ки, бугунъде-бугунъ Риза Юсуф профессиональ дереджеде сахнадан шиир окъугъан екаяне устадыр.

Ве о, сахнагъа чыкъып ялынъыз озъ эсерлерини окъумай. Земаневий шаирлеримизнинъ айры эсерлерини, ве энъ муими классик шаирлеримизнинъ инджи киби эсерлерини сахнагъа алып чыкъты, оларгъа экинджи омюр багъышлады.

Вельхасыл, Риза Юсуфнынъ сахна репертуарында, джумледен Амди Гирайбайнынъ, Бекир Чобан-заденинъ, Эшреф Шемьи-заденинъ мешхур шиирлери булуна. Риза Юсуфнынъ иджрасында Амди Гирайбайнынъ «Ант эткенмен» айтаман», Бекир Чобан-заденинъ «Бир изин беринъиз, Эшреф Шемьи-заденинъ «Эльвида» шиирлерини динълегенъинде этинъ-те-нинъ чимирдеп кете, къырымтатар шиирининъ къувети ве къудретине, нефислиги ве назиклигине текрар-текрар севда оласынъ.



sınamakta. Bunıñnen birlikte şairlik «unvanına» intılmağanını ayrıca qayd ete:

Men şair degilim, dostlar,
Köstermeñiz parmaqman.
Ğurbetlikten yurtqa qayıp,
Quvanç yırın yırlayman.

Sözler kele, men toplayman,
Soñra bir-bir yazaman.
Yürekteki duyğularnı
Sizge yazıp taşlayman.

(«Men şair degilim»).

Şiiriyet sevdalırnıñ ekseriyeti Riza Yusufnı ziyadesinen söz ustası olaraq yahşı bileler. Bu da R. Yusufnıñ istidatınıñ bir körünişidir.

Şunu ayrıca qayd etmeli ki, bugünde-bugün Riza Yusuf professional derecede sahnadan şiir oquğan yekâne ustadır.

Ve o, sahnağa çıqıp yalıñız öz eserlerini oqumay. Zemaney şairlerimizniñ ayrı eserlerini, ve eñ müimi klassik şairlerimizniñ inci kibi eserlerini sahnağa alıp çıqtı, olarğa ikinci ömür bağısladı.

Velhasıl, Riza Yusufnıñ sahna repertuarında, cümleden Amdi Giraybaynıñ, Bekir Çoban-zadeniñ, Eşref Şemi-zadeniñ meşhur şiirleri buluna. Riza Yusufnıñ icrasında Amdi Giraybaynıñ «Ant etkenmen» aytaman», Bekir Çoban-zadeniñ "Bir izin beriñiz, Eşref Şemi-zadeniñ «Elvida» şiirlerini diñlegeñinde etiñ-teniñ çimirdep kete, qırımtatar şiiriniñ quveti ve qudretine, nefisligi ve nazikligine tekrar-tekrar sevda olasıñ.

Riza Yusufnıñ icadiy repertuarında dobrucalı şairlerimizniñ eserlerinden nümüneler bar. Ve bu tesadüf degil. Söz ustası Riza Yusufqa yalıñız Qırımniñ degil, Türkiye ve Romaniyanıñ

Риза Юсуфнынъ иджадий репертуарында добруджалы шаирлеримизнинъ эсерлеринден нумюнелер бар. Ве бу тесадюф дегиль. Сёз устасы Риза Юсуфкъа ялынъыз Къырымнынъ дегиль, Тюркие ве Романиянынъ мухтешем залларында эльчырптылар, онынъ истидат ве меаретине лайыкъ къыймет кесип, такъдирледилер. Сёз устасы Риза Юсуфкъа узун омюрлер, къавий сагълыкъ, иджадий мувафакъиетлер тилейим.

Юнус Къандым,

*Украина языджылар бирлигининъ азасы,
Украинада нам къазангъан санат эрбабы.*



mühteşem zallarında elçirptılar, onıñ istidat ve mearetine lâyıq qıymet kesip, taqdirlediler. Söz ustası Rıza Yusufqa uzun ömürler, qaviy sağlıq, icadiy muvafaqiyetler tileyim.

Yunus Qandım,

*Ukraina yazıcılar birliginiñ azası,
Ukrainada nam qazanğan sanat erbabı.*

МУНДЕРИДЖЕ

Меним кыысметим	4
Ана кыальби	18
Гъурбетликте бала эдим	22
Ана-баба асретлиги	26
Хатырлайман	28
Баба асрети	32
Сельби терек	38
Къуванч корьмей юрегим	42
Майыс айынынъ он секизи	46
Эв къурдыкъ биз озыбекке	54
Багъчасарай – Хансарай	60
Хыдырлез байрамы	66
Баарь кельди	70
Керексинъ	74
Дуа окъу халкъынъа	76
Миллет акъкъы	80
Акъыз, Анифе	82
Зиялылар	86
Куреш токътамайджакъ	90
Сербестликни джаным истей	94
Ильяс дедем	100
Алуштагъа ёл алдым	110
Янъы асыр арфесинде	112
Назланма	116
Юрегим яна	118
Сизге селям кетирдим мен	120
Омюринъни куйдирдинъ	124
Ватан, не ичюн сен агълайсынъ!	130
Мен шаир дегилим	134



MÜNDERİCE

Menim qısmetim	5
Ana qalbi	19
Ğurbetlikte bala edim.....	23
Ana-baba asretligi	27
Hatırlayman.....	29
Baba asreti	33
Selbi terek.....	39
Quvañ körmey yüregim.....	43
Mayıs ayınıñ on sekizi	47
Ev qurdıq biz özbekke.....	55
Bağçasaray – Hansaray	61
Hıdırlez bayramı.....	67
Baar keldi	71
Kereksiñ	75
Dua oqu halqıña	77
Millet aqqı	81
Aqız, Anife.....	83
Ziyalılar	87
Küreş toqtamaycaq.....	91
Serbestlikni canım istey	95
İlyas dedem	101
Aluştağa yol aldım	111
Yañı asır arfesinde.....	113
Nazlanma	117
Yüregim yana.....	119
Sizge selâm ketirdim	121
Ömürini küydirdiñ	125
Vatan, ne içün sen ağlaysıñ!	131
Men şair degilim	135

Бильмейим...	138
Ватандаман	138
Багъышлавлар.....	140
Монолог.....	140
Юнус Къандымнынъ хатырасына.....	146
Халкъымызнынъ бир гулю	148
Достумызнынъ догъгъан куню	152
Багъышлав	154
Хайырлав	156
Къырым Бирлигининъ гимни	158
Яш несильге.....	160
Бабам кою Гулюмбей.....	162
Эскендернинъ йылдызы	166
«Чобан оюны»нынъ устасы.....	170
Бестекяр	172
Юрткъа къайтып дестан олдынъ.....	174
Санамызнынъ йылдызы	176
Санадаки «Учан-сув»	178
Гунерден Ризагъа	182
Риза Юсуфнынъ иджады акъкъында белли зиялыларымызнынъ фикери.	
Баягъы тюз сатырлар яраткъан санатчы.....	186
Рухий раатлыкъ багъышлай	190
Юрегинде къырымны. Ташыгъан сёз устасы	196
Сёз устасы Риза Юсуф.....	198



Bilmeyim.....	139
Vatandaman.....	139
Bağışlavlar.....	141
Monolog.....	141
Yunus Qandımınñ hatırasına.....	147
Halqımıznıñ bir gülü.....	149
Dostumuznıñ doğğan küñü.....	153
Bağışlav	155
Hayırlav	157
Qırım Birliğiniñ gimni.....	159
Yaş nesilge.....	161
Babam köyü Gülümbey.....	163
Eskenderniñ yıldızı	167
«Çoban oyunu»nıñ ustası.....	171
Bestekâr.....	173
Yurtqa qayıp destan oldıñ	175
Sanamıznıñ yıldızı	177
Sanadaki «Uçan-suv».....	179
Günerden Rizağa.....	183
Riza Yusufnıñ icadı aqqında belli ziyalılarımıznıñ fikiri.	
Bayağı tüz satırlar yaratqan sanatçı.....	187
Ruhiy raatlıq bağışlay.....	191
Yüreginde qırımı. Taşığan söz ustası	197
Söz ustası Riza Yusuf.....	199

Литературно-художественное издание

Юсуфов Риза

ДУША МАТЕРИ

Компьютерная вёрстка *А. В. Веселов*

Подписано в печать 15.05.2019 г. Формат 60х84^{1/16}.
Гарнитура «Times New Roman». Усл. печ. л. 12,09.
Объём 13,0+0,5 печ. л. Тираж 500 экз. Заказ № 69796.

ГАУ РК «Медиацентр им. И. Гаспринского»
295048, Республика Крым, г. Симферополь, ул. Трубаченко, 23-а.
E-mail: mediacenter2015@mail.ru ОГРН 1159102113455

Отпечатано в типографии ООО «КОНСТАНТА»
308519, Белгородская обл., Белгородский р-н,
п. Северный, ул. Березовая, 1/12.
Тел./факс +7 (4722) 300-720,
www.konstanta-print.ru



*Тюшонджелерге далған Р. Юсуф.
Tüşüncelerge dalğan R. Yusuf.*



«Насреддин оджа» спектакли. Қырымтатар академик театри. 1993 с.

Р. Юсуф спектакльден соң артистлер иле.

«Nasreddin oca» spektakli. Qırımtatar akademik teatri. 1993 s.

R. Yusuif spektaklden soñ artistler ile.



*Р. Юсуф. Кۆйдешлер иле корюшюв.
R. Yusuf. Köydeşler ile körüşüv.*



Муқяфат берюв. Романия, г. Констанция ш. 2006 с.
Mukâfat beriiv. Romaniya, g. Konstantsiya ş. 2006 s.



*Тюркие, г. Полатлы ш. 2011 с.
Türkiye, g. Polath ş. 2011 s.*



*Ю. Кандымнынъ хатыра акъшамы. 2005 с.
Yu. Kandımniñ hatıra aqşamı. 2005 s.*



Концерттен эвель. 1992 с.

Konserterten evel. 1992 s.



*Къырымнынъ буюк артистлери иле гастроллерде. 2011 с.
Qırımniñ büyük artistleri ile gastrollerde. 2011 s.*



*Достларнынъ корюшюви.
Dostlarniñ körüşüvi.*



*«Гүзель Къырым» концерт программасы.
Эсас дирижёр Руза Юсуф, 1991 с. Къырым.
«Güzel Qırım» kontsert programması. Esas dirijör Rıza Yusuf. 1991 s. Qırım.*